



8° 6654

Bulthüner

(S)

VPA 514

Recd
APOLOGETICA EX-
POSITIO,

QVA OSTENDITVR

TIGVRINAE ECCLESIAE MINISTROS
nullum sequi dogma hæreticū in Cœna domini, li-
bellis quorūdam acerbis opposita, & ad omnes syn-
ceram ueritatem & sanctam pacem amantes Christi-

s tideles placide scripta, per HEINRY-
CHVM BVLLINGERVM,

Tigurinæ ecclesiæ mi-
nistrum.



I E S V S.

Hic est filius meus dilectus, in quo placa-
ta est anima mea: ipsum audite.

Matth.17.

TIGVRI APVD ANDREAM GES-
NERVM F. ET IACOBVM GES-
NERVM FRATRES.

3

T. R.
3937A

APOLOGETICA EX- POSITIO, QVA OSTENDIT VR TI- gurinæ Ecclesiæ ministros nullū sequi dogma hæreticum in doctrina Cœnæ Domini, Libellis quorundam acerbis opposita, & ad omnes synceram ueriti- tatem & sanctam pacem amantes Chri- stifideles placidè scripta, per HEIN- RYCHVM BVLLINGERVM Tigurinæ ecclesiæ ministrum.



ON sponte nec petulantia quadā aut
ulla contendendi libidine aut quen-
quam in certamen prouocandi studio
dicturus nunc procedo, sed aduersario
rum quorundam acerbissimis nulloq; modo dissimulan-
dis scriptis protractus adeoq; summa quod dici solet ada-
ctus necessitate. Vulgati enim sunt, quos ego quidem vi-
derim, Libelli quinq; fortassis plures, quos nondum vi-
di, prodierunt, à diuersis scripti authoribus, sed singuli
ex professō in nos, ceu omnium quos unquam tulit ter-
ra, aut quos ulla unquam viderunt sacula depraua-
tiſſimos homines editi. Evidem nominatim et identi-
dem protrahimur Tigurini, protrahuntur et mortui in
domino et viuentes Tigurinæ ecclesiæ ministri. Recen-
semur inter Valentianos, Anabaptistas, Davidianos,

& Memnonitas. Adobruimur barbaris probrosiſi-
misq; appellationibus nuncupati schuermeri, theoma-
chi, cybeutæ, impostores, iconomachi & psychocleptæ.
Nam et doctrinam nostram appellant vanam, lolium,
venenum, pestem, hæreticam, sacrilegam, sathanicam.
Ideoq; non verentur & nos hisce ornare titulis, ut vo-
cent impios, mendaces, lupos, sacrilegos, pseudoprophe-
tas & pseudoapostolos, sed & prophetas ac apostolos
satellitesq; diaboli, incendiarios & pacis turbatores, de-
niq; pertinaces hæreticos, blasphemos, quin & blasphemia
diffuentes. Quibus ne quid absolutæ desit crimina-
tioni, addunt insuper & hæc, Nulla est illis hominibus
religio, at magna audacia corrumpendi inumeros scri-
pturæ locos peruertendiq; scripta veterum. Sunt enim
homines leues & ociosi, fingentes subinde noua dogma-
ta primitiæ ecclesiæ ignota, & pugnantia cum doctri-
na scripturæ sanctæ & cum perpetuo consensu catholi-
cæ ecclesiæ, diaboli organa appositissima ad exitium ec-
clesiæ perniciemq; totius Reipublicæ. Et hæc quidem om-
nia nobis propter doctrinam præcipue quam in negotio
Cœnæ dominicae sequimur, impingunt. Quis verò fide-
lis Christi minister tam atrocia dissimulet, aut sur-
da aure transeat? Agnoscimus sanè nobis patientia con-
stantiag; Christiana omnis generis contumelias, probra
iniuriasq; aduersariorum omnium & ferendas esse et
superandas. Id quod ut præstemos dominum sedulo o-
ramus. Et quidem nunc propter Christum, qui nobis
quoq; nostra condonauit peccata, illis nostris antagoni-
stis, grauiſſimam illam nobis illatam iniuriam, condo-
namus,

namus, precantes dominum ut ipse quoq; grande scelus condonet spirituq; suo illuminet ut quid peccarint agno scant. Interim ne nostra illa demissione ferocibus illis, vel culpam deprecari, vel crima intentata agnoscere videamur, néue viri boni iure dicāt nos parum strenue nostro defungi officio, veritatemq; & sanctum nostrū ministerium deserere imò & prodere, adde & simplioribus vacillandi deniq; & male suspicandi de ecclesia Tigurina, quæ orthodoxa alioqui non hæretica est ecclæsa, occasionem obiectare, domino aspirante planum efficiam, Ecclesiæ Tigurinæ ministros nullum dogma sequi hæreticum in doctrina Cœnæ domini, neque ullos vel scripturæ sanctæ vel syncerorum veterum scriptorum sententias corrumpere, velulla dogmata noua cōfin gere, aut cōsensum catholicæ ecclesiæ perpetuum diuelleret, sed nos religiose potius versari in scripturis sanctis, & ne latum quidem pilum à dogmatibus receptis apostolicæ ecclesiæ deflectere, atque ita sanctè in orthodoxa & catholica fide perseuerare.

Illis vero qui sibi prorsus persuaserunt omnia illa cō uitia & scripta aduersariorum acerba tacendo uberiorē cum fructu declinari potuisse, & illis etiam qui huiusmodi scriptores, nō benigne, se pro merito ipsorum acerbissime & excipiendos & tractandos arbitrantur, illud apostoli ex posteriore ad Corinthios, relinquo expendendum, Ne usquam demus offenditionem, ne reprehendatur ministerium, sed in omnibus commendemus nos ipsos, ut Dei ministri: in toleratia multa, in afflictionibus, in necessitatibus, in anxietatibus, in plagis, in car

Scopus hu-
ius expositio
nis apologeti
ca.

ceribus, in seditionibus, in laboribus, in vigilijs, in ieui-
nijs, in puritate, in scientia, in animi lenitate, in benigni-
tate, in spiritu sancto, in charitate non simulata, in ser-
mone veritatis, in potentia Dei, per arma iustitiae dex-
tra & sinistra, per gloriam & ignominiam, per con-
uitia & laudes, quasi impostores & tamen veraces,
quasi ignoti & tamen noti, quasi morientes & ecce vi-
uimus, quasi correpti & non occisi, quasi dolentes sem-
per tamen gaudentes, quasi pauperes multos tamen di-
tantes, ut nihil habentes & omnia possidentes.

Proinde hac saltem vice benignas mihi aures prebe-
te, viri patres & fratres in domino semper venerandi
& dilecti. Neq; est quod metuatis vos nihil in hac mea
expositione, quod apologetica dicatur, audituros quam
probra & conuitia, quibus aduersariorum contumeli-
as compensem, ac in ipsis inuehar scriptorum personas.
Quinimo libenter abstinebo ab illorū personis, quas ne
quidem nominauero, cum ita hoc vobis placere subin-
telligere videar. Nolle tamen hoc aduersarios huc re-
torquere, quasi à me vilipendantur & nomina ipsorū
maligne ac contemptu prætereantur superbiſimo. Si
quid illis diuina conceſſit benignitas, ut docti sint, &
apud suos in magno precio ecclesiarum ministri ha-
beantur, adeò hoc illis non inuideo, ut ipsis adhuc ubi-
riorem imprecer felicitatem, adeoq; sicubi videātur sui
veluti oblii, & se præter decorum nec pro ministerij
sui eruditioñg; existimatione ac dignitate gerere, sor-
tem ipsis optem meliorem. Fere autem fit in collationi-
bus, ut persone inuehentes in personas, rem tractādam
vel

vel cupidi negligant, vel altercando obscurent, simul autem exiguo cum fructu differendo, magnam adferant auditoribus molestiam. Quas quidem ob causas praeteritis aduersarijs, quasi quinā illi sint, nesciā, ad ipsam duntaxat causam discutiendā, pro mea gratiæ à domino acceptæ modulo, fidelem adhibebo diligentiam.

Nęq; hic etiam vestra abutar benevolentia. Potiora enim huius causæ tractabo non singula, néq; minutias anxiæ persequendo excutiam, tantum abest ut conuictis & sophismatibus quibusvis respondere necessarium & utile fore existimem. Studebo itaq;, quo ad eius fieri potest, breuitati simul & perspicuitati simplicitatiq;. Et quidem res ipsa eiusmodi esse videtur, ut nerui vel præcipua rei paucis & dilucide explicari deniq; et intelligi, nulloq; negotio illa etiam, ad quæ singulariter & prolixè non respondimus, qualia sint, dyadicari posse sint. Dominus Iesus facultatem ista præstandi benigne nobis concedat.

Consentire non dissentire nos in causa
Cœnæ Domini.

Principio edita Farragine confusanearum & inter Farrago con se disidentium opinionum de Cœna domini, spectabilis fusanearum obicitur nobis dissensio. Ac ne huius argumenti nesciencias occasionem, scripta & edita est annis ab hinc 6. Consensio mutua in re sacramentaria clariss. viri D. Ioan. Caluini præterea & venerandi senis deq; ecclesia optimè meriti D. Guilhelmi Farelli reliquorumq; fideliū Genueensem, et Neocomen. ecclesiæ ministrorum, & nostrum quoque qui Tigurinæ ministramus ecclesiæ. Ac

tum quidem adiectis epistolis, exponebamus, qua occasione & in quem finem nostram ederemus Consensionem. Sperabamus certe si quid suspicionum ex diutino & iam aliquandiu internisso certamine fuisse adhuc relictum, illa nostra confessione iri expunctum. Sed & ce insurgit de repente qui non modo non gratulabatur fratribus concordiam, sed concordes in sincera Christi veritate diaboli confederatos appellat, Farraginem illam protrudit, classicū canit insistitq; ut dissipetur ista diaboli (sic fortassis loqui consueuit) coniuratio. *Quis vero haec non miretur? Inter alia, Nusquam, inquit, sibi constant in una certa & perpetua aliqua sententia, vacillant ipsi, hærent incerti, dubij, perplexi, aliosq; dubios & perplexos non tantum relinquunt, sed etiā redundunt.* Addit, D. Lutherum hanc quoq; dissensionem nostris obiecisse. Sed & exemplis aliquot in medium prolati, diuersitatem illam omnium oculis contemplādam exponit, Cum, ait, disertū sit domini verbū, Hoc est corpus meum, isti diuersissimas affingūt expositiones, Hoc significat corpus meum. Hoc est signum, figura, vel sym bolū corporis mei. Hoc est memoria vel memoriale aut commemoratio corporis mei. Hoc est testimonium & obsignatio traditi corporis mei. Et reliqua. Ex illa varietate colligit agi nos erroris spiritu, doctrinamq; nostram & semetipsam elidere & manifestè hæreticanū apparere. Cæterum si sic perget ob diuersas expositiones crimen impingere hereseos, quid tandem fiet de ipsis, quibus dudum est obiectum, ne ipsis quidem in expositione verborum domini, Hoc est corpus meum, congruen-
tia

tia scribere per omnia. Excipit ille, Quanquam nostri non nihil variant in elocutione, tamen in sententia conueniunt. Omnes enim intelligunt de vero corpore & sanguine, quæ constanter asserunt in cœna distribui et percipi. Quòd si hæc ipsis iusta suæ diuersitatis videtur esse excusatio, recipient à nobis viciissim illam ipsam satisfactionem, quam offerunt nobis. Quanquam enim non nihil variemus in eloquitione, omnes tamen conuenimus in sententia. Omnes enim intelligimus de vero corpore & sanguine domini, quæ constanter dicimus in Cœna à fidelibus percipi spiritualiter nō corporaliter. Et quis oro tam obesæ & morosæ mentis est, qui nō intelligat istas omnes loquutiones, quas obiciunt veluti contrarias, in idem recidere atq[ue] adeo, quod aiunt, aequi pollere? Cur ergo rem leuiculam ad tam enormem innocentium ignominiam attollunt? Vere pronunciauit Solomon, Odium excitat occasiones contentionum, sed dilectio multitudinem obtigit peccatorum.

Scripserunt olim Pontificij vastas contra D. Lutherum Antilogias, quas ex libris eius studiose collegerat, & his uniuersam eius doctrinam in suspicionem contradictionis errorisq[ue] semetipsum subruentis, adducere studebant. Cæterum cum antilogiae istæ potuerint reduci ad concordiam aut aliqua saltē ratione excusari à non malignæ mentis hominibus, an non indignissime vobiscum agi clamaretis, si quis rigide pergeret vobis antilogias illas obtrudere, & ex his fœdum crimen hæreseos inurere? Cur ergo iuxta legem communem non abstinetis ab hac vestra calumnia, nobisq[ue] non impin-

gitis, quod vobis inpingi non vultis? aut cur eadem illa
æquitas in sententijs nostris & loquutionibus nihil re-
uera inter se pugnantibus, non seruatur quam seruari
in vestrorum antilogijs postulatis? Viventi D. Lutheru-
& hanc nobis diuersitatem interpretationum obijcien-
ti, opposuimus morem catholicæ & orthodoxæ veteris
ecclesiæ, quæ diuersas & non raro contrarias inter se
eiusdem loci interpretationes habuit: neq; tamen ob tā
spectabilem diuersitatem, interpretes, quisquam hære-
seos aut corruptionis scripturarum condemnauit. De
his abunde testantur hodie veterum ecclesiæ doctorum
Commentarij diligenter inter se collati.

Viventi D. Zuunglio & D. Ioh. O Ecolampadio ob-
iecit sāne D. Lutherus dissidium, quod hic verba domi-
ni exponeret, Hoc est figura corporis mei: ille vero, Hoc
significat corpus meum. Ex hac diuersitate & ille col-
ligere voluit, doctrinam ipsorum semetipsam elide-
re. Sed responderunt boni illi viri & fideles ecclesi-
rum ministri, se consentire nō dissentire. Cuius quidem
rei extant adhuc scripta & publicata testimonia. Quis
vero nesciat eiusdem esse verba interpretari, qui primū
verba protulit? Quis nesciat verba in hoc esse inuenta,
ut quid animo seniamus, verbis pronunciemus? Cum
ergo isti disertis verbis consensum mutuum testati sint,
frustra colliguntur verba aliquot quibus diffensio de-
monstretur. Consensimus & consentimus in doctrina
euangelica & in causa Cœnæ domini Helueticæ eccle-
siæ, Confessionem hanc testati sumus scripto publico,
Confessionem hanc non improbant aliae Ecclesiæ: non

Consensio.

im-

improbant viri clarissimi & singularia dei organa D. Petrus Martyr, D. Ioannes à Lasco, & cæteri quos non commemoramus. Quorsum iam pertinet dissidentium colligere farraginem? aut quæ malum insania est spargere illos dissentire, quos pax & concordia ecclesiarum, quarum illi ministri sunt, consentire testantur, adeoque synceram concordiam veluti obsignant?

Sparsus quondam fuerat à pseudoapostolis rumor inter ecclesias ex gentilibus collectas, Paulum docendi ratione multum disidere à cæteris apostolis, qui in prædicando euangelio legem gratie coniungant, neque doceant fide sola absque lege iustificari peccatores. Eam ob rem ascendit Hierosolymam Paulus, ubi cum Petro, Iacobo & Ioanne ac reliquis eius ecclesiæ presbyteris, suum contulit euangelium. Ac patuit ex ea collatione & consensione, omnibus eandem ab utrisque partibus rationem prædicandi euangeli seruari. Id quod etiam datis mutuum dextris, & edita synodali epistola, omnibus ecclesijs contestati sunt: quod ipse ad Galatas commemorat apostolus, & individuus apostoli comes Lucas in Actis apostolicis capite decimoquinto, Si vero post contestationem hanc consensionis apostolicæ, Archigenes aliquis male feriatus extruxisset chaos Apostolicarum inexplicabilium & mutuum sese collidentium opinionum dissentionumque, an ullam ab electis Dei retulisset gratiam? An vero non potuisset Minæus aliquis commonestrare, non probè multas sibi consentire sententias

Consensio et
dissentio apostolica.

ii A P O L O G E T I C A

apostolicas? Et apostolum quidem ipsum Paulum
in una atque eadem ad Romanos epistola dicere, Non
qui legem audiunt iusti sunt apud Deum, sed qui le-
gem faciunt. Et eundem mox iterum dicere, Ex operi-
bus legis non iustificabitur omnis caro. Rursus eun-
dem dicere, Si Abraham ex operibus iustificatus fu-
it, habet quod glorietur, at non apud deum. Quid c-
nim scriptura dicit? Credidit Abraham deo, & im-
putatum est ei ad iustitiam. Et reliqua. Contra vero
beatum Iacobum reliquise scriptum, Abraham pa-
ter noster nonne ex operibus iustificatus est? Et reli-
quia quae leguntur Iacobi 2. capite: Quid? an non ha-
bent ista magnam dissensionis speciem? An non Ar-
chigenes ille Nazareus vel Minæus bonam operam se-
nauasse putabit? Quid vero sentiunt de his fideles? aut
quam gratiam referent fartori pro illa sua fartura aut
farragine? Nulla sane, quinimo indignabuntur potius.
Sentiunt enim omnes Sancti veram esse apostolorum
consensionem, ea verò quae aliquam præferunt con-
tradictionis speciem aliter atque aliter pro occasione
& circumstantijs locorum, temporum ac persona-
rum esse scripta denique & interpretanda. Quan-
quam vero scripta hominum, licet sanctissimorum,
nedum nostra, apostolicis scriptis nullo modo, hac
collatione in medium allata, exæquem, ex ipsa ta-
men colligunt cordatores quam promptum sit cui-
uis farragines in re qualibet colligere, interim verò
non quamvis mox dissensionis speciem, inter diuersa
pronunciantes, veram inter ipsos dissensionem esse com-
probare

probare posse, multò minus huiusmodi esse hæreticos.

Sed cur huius rei exemplum acerso tam procul, cum Diuersitas ipsorum verborum domini Cœnæ diuersitas, & in hac ipsa tamen diuersitate summa concordia, nos possit instruere, non protinus animis & reuera dissidere, multò minus hæreticos esse, qui dissimiles aut etiam in speciem dissidentes proferunt sententias. Matthæus, Lucas & Paulus scribunt: *V*escentibus eis accepit Iesus panē (*λεῖτι εὐχαριστοῖς*) & cum egisset gratias, dedit illis. *V*nus Marcus habet, *E*t edentibus illis sumpto Iesus pane (*λεῖτι εὐλογίστοῖς*) cum benedixisset, dedit illis. Lucas habet, *H*oc est corpus meum quod pro vobis datur. Paulus legit, *H*oc est corpus meum quod pro vobis frangitur. Neutrum inuenitur apud Sanctum Matthæum & Marcum. *Q*uid quod Sanctus Paulus verba solennia, quæ consecrationis vocant, inuertit? Nam cum cæteri dicant, *H*oc est corpus meum, solus Paulus ait, *H*oc meum est corpus. Circa verba poculi longe luculentior cernitur diuersitas. Matthæus premitit, *B*ibite ex hoc omnes. Marcus subiungit, *E*t biberunt ex eo omnes. Horum Lucas & Paulus non meninerunt. Matthæus denique & Marcus de poculo hæc nobis relinquunt, *H*ic est sanguis meus. Lucas & Paulus nec poculum nec vinum appellant sanguinem, sed manifeste dicunt, *H*oc poculum nouum testamentum est in meo sanguine. *Q*uid quod Lucas, *E*st non habet, quod tamen Paulus habet? Matthæus & Marcus dicunt, *Q*ui pro multis effunditur.

Lucas ait, Qui pro vobis effunditur. Paulus plane omittit, & tamen diserte dixit, Ego enim accepi à Domino quod & tradidi vobis. Rursus repetit Paulus quod Lucas non habet, Hoc facite quotiescumque biberitis in mei commemorationem. Adiiciunt Matthæus & Marcus, Non bibam post hac de genimine vitis huins. Paulus eius sententia ne verbo quidem meminit. Quid quod horum omnium beatus Ioannes apostolus plane non meminit. Exagitasset certe hanc diuersitatem Porphyrius aut Julianus aut Libanius aut Lucianus aliquis. Quid vero sentiunt & agunt p[ro]fici & docti in verbo domini? Sentiunt nihil inter se dissentire euangelistas & apostolos: redigunt ergo verba illa & sententias in concordiam sanam, ut deinceps omnibus patet, sub diuersis verbis & sententijs eandem omnino rem doceri. Quod si extersa ex animis inuidia, & qui lectores expenderint, quæ & nos sub diuersis verbis in explicatione verborum domini, Hoc est corpus meum, protulimus, apparebit liquide prorsus, idem nos loqui & sentire, sanctam & religiosam adferre interpretationem, & siccirco Christi omniumque Christifidelium, non sathanæ & hæreticorum esse confederatos, denique constare nobis omnibus in una certa & perpetua aliqua sententia, non vacillare nos, non hærere, alios perplexos dubios & intricatos reddere.

Sacramenta Christi domini non exina-
niri, uel vacua à nobis reddi.

Aliud deinde crimēz nobis intentatur longe enor-
mius, exinanire, id est euacuare atque adeo prophā-
nare nos sacramenta corporis & sanguinis domini,
dum pertinaciter disputando de carnis & sanguinis
Christi absentia, non possumus non exterminare ē Cœ-
na fidelium veritatem corporis & sanguinis Christi,
neque aliud porrò manducandum & bibendum re-
linquere fidelibus, quam merum panem & vinum,
vacua utique & nuda signa, planè nihil à prophanis
signis differentia, quibus utiq; citra mysterium & fru-
ctum, aliquid ceu in tragædys aut tabernarum signis
repræsentatur. Adyciunt his, simulare quidem nos am-
plius quiddam in sacramentis agnoscere, quasi vero
Christi caro & sanguis percipiāntur à sumentibus, cū
reuera ita imponere statuamus simplicioribus. Reuera
enim ac perpetuo nos perstare in sententia D. Zuingly
& Oecolampadij, qui nihil reliquerint ecclesiæ, nisi
inania signa, panem scilicet & vinum, quæ cum perci-
piuntur in ecclesia, corporis & sanguinis Christi absen-
tis memoriam debeant reducere. Id ut lectoribus per-
suadeant, plurima coaceruant undiquaq; collecta ex
libris nostrorum & nostris, testimonia.

Ita quidem isti nos adoriuntur, dum autem vi-
cisim à nobis urgentur veritate corporis Christi,
coguntur sanè, velint nolint, fateri, signa sacra-
mentalia, non ad eum adimpleri modum, quo vacua la-
gena adimpletur vino, aut alio aliquo liquore.

Ergo caro & sanguis domini, inquit, non sunt in pane et vino, qualitatue, aut quantitatue, aut ut in loco. Proinde illis ipsis interpretibus, ut plena non vacua sint sacramenta, plane non requiritur ut ipsum domini corpus & sanguis qualitatue quantitatue & ut in loco comprehendamus in pane & vino. Hoc autem cum ad eum modum, quem nobis prescribunt ipsi, facimus, cur dicunt nos euacuare sarcamenta? An vero nos euacuamus sacramenta cum dicimus, corpus & sanguinem Christi non contineri in sacramento corporaliter, ipsi vero non euacuant, cum aiunt, Christi corpus non imaginandum esse in pane aut sanguinem comprehendendum in vino qualitatue quantitatue & ut in loco? An non unum & idem utrinque asserimus? Excipiunt, sed omittis tu, quod nos diligenter adiungimus, Vere. Tametsi enim corpus & sanguis Christi in signis sacramentalibus non sint & percipiuntur qualitatue & ut in loco, sunt tamen in ipsis et percipiuntur vere nihilominus. Quasi vero nos fictam inanem aut imaginariam sine effectu participationem intelligamus. Subiiciunt isti. Nos autem veritatem istam explicamus per substantialiem ac corporalem, & tamen ineffabilem presentiam ac perceptionem. Ergo posteriorib. verbis negant rursus aduersary nostri, quod priorib. confessi sunt. Si enim corpus & sanguis Christi non sunt in pane & vi no quantitatue & ut in loco, profecto corporaliter non adsunt, & corporaliter non percipiuntur. Hanc illationem non haurimus, quod videri volunt, ex turbidis philosophiae lacunis, sed ex ipsa veritate veri corporis Chri-

Christi, atq; adeò ex sententia non philosophi alicuius rixatoris, sed ex celebris in ecclesia Christi doctoris, de rebus theologicis non physicis, theologicè non philosophicè disputantis & dicentis, spacia locorum tolle corporibus, nusquam erunt, & quia nusquam erunt, nec erūt. De qua re paulò post copiosius dicetur. Rursum si corporaliter est & percipitur corpus & sanguis Christi in cœna, quomodo dicitis adesse & percipi ineffabiliter? Ineffabile est, quod verbis effari non potest, vel cuius modus explicari non potest. At vosipsi iamiam modum presentiae & perceptionis exposuistis, dum dixistis, essentialiter vel corporaliter. Si modus est corporalis, ergo et effabilis. Si vero ineffabilis est, ergo corporalis nō est. An verò resoluent isti nobis verum Christi corpus in spiritum? Vetat hoc Christiana religio & fides orthodoxa. An contendunt ex aequo vacuam aut inanem ac puram nos aquam in baptismo habere, nisi insuper concedamus, aquam baptismi conuerti in ipsum sanguinem Christi, aut sub specie aquæ latitare naturale Christi sanguinem? Videte viripy & sancti, in quas se aduersarij nostri angustias coarent, dum putant se aliter viuificari non posse, nisi corporaliter carnem Christi hau- riant & abluant se eius sanguine.

Nos verò, ut implicationem istam subterfugiamus, & consona scripturis, fidei & mysterijs diuinis adferamus, quæ deniq; recte possint à fidelibus intelligi, simpliciter dicimus, ipsum Dei filium assumpsisse verum corpus humanum & sanguinem, quem & pro redemptione & salute nostra profudit. Dicimus hoc

Verū Dō- verum Domini corpus & verum eius sanguinem vi-
mini cor- uificum esse cibum & potum: ac illa ipsa, non pro his
pus, & ve- alia, non spiritum, non spirituale corpus edendum &
rus sanguis cibus & po bibendum esse ad vitam æternam. Addimus his
tus fidelium. adhuc clariora, & dicimus: Christus verus Deus &
homo, quamvis à nobis in cælum sublatus sit, & ad
dextram patris resideat, ac corporaliter in terris non
sit, adest tamen nihilominus suæ ecclesiæ, tanquam
caput vitale corpori viuenti, virtute in quo operatur
vitam & salutem. Nam vitam quæ est in vivifi-
ca eius carne, quam videlicet ut viueremus, in mer-
tem impendit pro nobis (sicuti & dixit: Ego sum pa-
nis vita, qui ederit ex hoc pane, viuet in æternum, Et
panis quem ego dabo, caro mea est, quam dabo pro
mundi vita) participat aut inspirat ille suo spiritu di-
uino suis fidelibus, ut verè iam in ipsis sit & viuat
Christus, fidelésque ipsum vera fide recipient, &
ita pascantur atque potentur ipso Dei & hominis filio
spiritualiter.

Quomodo Hac inquam dicimus expressè spiritualiter fieri, per
percipient? fidem, etiam extra communionem Cœnæ, quoties fide-
lis recolit vera fide passionem & incarnationem serua-
toris Christi: pariter autem & in ipsa Cœna sancta &
mystica, ubi iam etiam accedit insignis illa Christi in-
stitution & solennis actio, quam appellant sacramenta-
Spirituali- lem. Ac disertè hic monemus cum spiritualiter dici-
ter. mus, nō sentire nos carnem Christi mutari in spiritum.
Credimus enim carnem manere in sua essentia atque
natura, ipsamq; communicari nobis, non carnaliter,

¶ eo modo quo vinum infunditur in pateram corporaliter, sed modo & ratione spirituali, sic ut caro ipsa residens aut manens in gloria ad dextram patris in cælo, vitam totam carne tradita partam, spiritu suo viuifico effundat in corda fidelium, verbo Dei credentium, Deum inuocantium & legitimè Cœnam celebrantium. Ergo si perrexerint aduersarij nostrí adhuc obiectare symbola nos sacra euacuare, qui corporalem Christi præsentiam & manductionem negamus, spirituale illam, Euachars
symbola. quam diximus, confitemur & inculcamus: consequetur illos euacuare & pro nihilo reputare Christum, spiritum eius, virtutem, redemtionem item, ac vitam. Nam si hæc Cœnam, immo fideles potius Cœnam celebrantes, nondum adimplent, inanes profectò & vacuae res sunt. Ac mirum est profectò aduersariorum nostrorum animos sic esse depresso et carnaliter affectos, ut non existiment se nulla alia ratione carne Christi pascendos, nisi corporaliter vel carnaliter ipsam hauriant. Si enim spiritualiter percipi possunt, cur litigant nobiscum? An vero non erit Christus vita in cordibus fidelium, nisi corporaliter habauerit in eis?

* Ex istis iam & illud colliquescit nos per spiritum spiritum non intelligere inane aut nihil aut imaginationem vanam, sed ipsam Christi veram veri Dei & hominis operationem in sanctis suis viuificam, quæ omnibus numeris fideles absoluat. similiter cum dicimus carnem CHRISTI per viuificum spiritum Fidet. & cœlestia dona recipi, aut hauriri à nobis fidei:

perfidem non intelligimus subtilem speculationem aus contemplationem humanam, sed virtutem diuinam nobis diuinitus concessam, quæ Christum reuera percipit, eiusq; vita fruitur. Id cum alijs significantius, ut opinor, exprimere voluerunt, dixerunt manducationem corporis Christi differre à fide, eò quod sit fidei effectus, quodq; verè participes eius facti, ex ipso & cum ipso viviamus. Ego interim, ut istud non improbo, ita vulgari & consueto loquendi genere in Ecclesia uti malo. Nam tota vetustas concorditer manducare reddidit per credere. Cum ipse quoq; Dominus diserte dixerit: Egō sum panis vita. Qui venit ad me, non esuriet, & qui credit in me non sitiet unquam.

Cum autem ad hunc modum sobriè & sanctè sentiamus de vera carnis Christi participatione, & de sancta Cœna Domini mysterijs, cur non desinunt nostri illi antagonistæ odiosis illis & nos & prædecessores nostros ag grauare praecudicys? quasi in mysterijs nihil prorsus nisi merum panem & vinum agnoscamus. An vero veritas illa simplex & orthodoxa non ubiq; legitur in libris nostris, quibus oppugnauimus corporalem in cœna Domini presentiam & participationem, non spiritalem & viuificam? An non clare satis hoc ipsum expressimus in Confessione illa nostra, quæ sola ilius satisfacere debuisset?

Doctrina nostra de Cœna Domini, non de vacuis figuris.

Sic enim in illa concorditer profitemur: Cum vera sint, quæ nobis Dominus dedit gratiæ suæ testimonia et sigilla, verè proculdubio præstat ipse intus suo spiritu, quod oculis & alijs sensibus figurant sacraenta: hoc est,

est, ut potiamur Christo tanquam bonorum omnium fonte, tum ut beneficio mortis eius reconciliemur Deo, spiritu renouemur in vita sanctitatem, iustitiam denique et salutem consequamur, simulque pro beneficiis his olim in cruce exhibitis, fide vero perceptis a nobis, et quae quotidie fide percipimus, iam agamus gratias. Quare et si distinguimus, ut par est, inter signa et res signata, tamen non disiungimus a signis veritatem, quin omnes qui fide amplectuntur oblatas illic promissiones, Christum spiritualiter cum spiritualibus eius donis recipere, adeoque et qui dudum participes facti erant Christi, communionem illam continuare et reparare, fateamur. Neque enim ad signa nuda, sed potius ad promissionem, quae illic annexa est, respicere conuenit. Quatenus ergo in promissione illic oblata proficit nostra fides, eattenus ista vis et efficacia, quam dicimus, se exerit. Ita materia aquae, panis aut vini nobis Christum nequaquam affert, nec spiritualium eius donorum compotes nos facit. sed promissio magis spectanda est: cuius partes sunt, nos recta fidei via ad Christumducere: quae fides nos Christi participes facit. Et iterum: *Quod autem carnis suae et sanguinis potionem, que hic figurantur, Christus animas nostras, per fidem, spiritus sui virtute pascit, id non perinde accipiendum, quasi aliqua fieret substantiae vel commixtio vel transusio, sed quoniam ex carne semel in sacrificium oblata, et sanguine in expiationem effuso, vitam hauriamus.*

Hactenus confessionis verba recitauimus, audiantur iam a vobis, quibus non vacat integrum euoluere litteram de cena domini.

D. Zuijn-
glij senten-
tia de cena
domini.

bros, audiantur inquam sententiæ beatæ memorie D. Zuinglij & D. Oecolampady, quibus à se repulerunt fœdissimā illam suspicionem, quasi fideles in Cœna præter panem & vinum, planè nihil percipiunt. Zuinglius ergo in libello ad principes Germaniæ: Cum nullis mortalium, inquit, nobis est dissidium de verbis Cœna Domini, quasi velimus ista immutata esse, ut quidam, aut prorsus sublata, ut aly calumniantur. Cum enim sic sonant, Hoc est corpus meum, iam ipsum sacramentum augustinus est, quam si diceremus, Hoc significat corpus meum: ut omnino nihil velimus mutatum esse: sublata vero è medio quomodo cupiamus, quæ ne mutata quidem volumus? Habent ergo aduersarij nostri verba ista, habemus & nos. Verba ista illis inconcussa maneant, nam & nobis immota manebunt: Hoc est corpus meū, quod pro vobis datur. Et, Hic est sanguis meus, etc. Dicunt aduersarij hic præberi corpus Christi: idem & nos dicimus. Vbi ergo dissidium est? Hic est: dicunt aduersarij corpus Christi naturale et substantiale præberi, nos sacramentale. Hinc pugnæ. Item: Dudū diximus corpus Christi esse in cœna fiduci contemplatione, &c.

Item, Istam fidei contemplationem non credo satis grandem esse, nisi rem ipsam tam certè ac indubitate teneat, ac si naturaliter esset sensibus exposita.

Item, Signa ipsa sic à Christo ipso sunt instituta, ut etiam analogia sua plurimum polleant ad inducendum in rem fidei & contemplatione præsentem.

Item, Licet omnes creature inuitent nos ad numeris contemplationem: at omnis ea in uitatio muta est:

in sacramentis autem, viua & loquens est. Loquitur enim Dominus ipse, loquuntur & elementa, atque idem loquuntur & suadent sensibus, quod mentis sermo & spiritus.

Rursus ibidem : Frustra non sunt sacramenta. Prædicant enim salutem à Deo datam: sensus huc conuertunt, & subinde fidem exercent, quam & proximo pollicentur, atque ad fratrem charitatem trahunt. Atque hæc omnia dum fiunt, unus atque idem operatur spiritus, qui inspirando nunc citra instrumentum trahit, nunc cum instrumento, quò, quantum & quem vult.

Idem ad Regem Christianum : Christum credimus, inquit, verè esse in Cœna: imò non credimus Domini esse Cœnam, nisi Christus adsit. Sed quod corpus eius ea dimensione edatur, qua isti dicunt, id verò est à veritate & fidei ingenio alienissimum. Asserimus ergo, non sic carnaliter & crassè manducari corpus Christi, ut illi perhibent, sed verum Christi corpus credimus in Cœna sacramentaliter & spiritualliter edi, à religiosa fidelis & sancta mente: quemadmodum & Chrysostomus sentit.

Idem in Annotat. ad Ieremie cap. 27. Constat quod quæcumq; symbolis tribuuntur, ait, fidei sint principali-
ter, sed iusta & aqua ratione signis tribuuntur, cum
quod pars Sacrameti sunt, quāvis inferior. (constat e-
nim ex spirituali re et corporali sacramentū) tum quod
idem significant sensibus, quod spiritus menti. Vnde

nemo tam rudis est, quem huiusmodi hyperoche offendat, Christi verum corpus in Cœna verè editur, cum panis & vinum præbentur. Verum enim corpus, non falsum assumpsit. Verè edit mens fidelis, cum non simulè recipit Christum, cum verè fidit Christo. Sed vide an non hæc omnia, cum symbolis dicantur, non tamen virtute symbolorum, sed spiritu ac fidei operatione fiunt: ut allæoseos virtute symbolis tribuatur, alteri sacramenti parti, quod fidei solius (dummodo rem ad viuum resecare volumus) esse cognoscitur. Verū ergo corpus cum edi dicitur, illud verum corpus, quod cœlo illatum est intelligimus, sed illud ipsum non naturaliter, hoc est, quemadmodum ipsum naturale est, etiam naturaliter à nobis editur, sed spiritualiter hic edimus, quod istic naturaliter est, &c. Hæc ille. Extant epistola Zwinglij ad Oecolampadium, & huius vicissim ad illum, quibus palam testati sunt mutuum, cum in negotio Eucharistiæ, tum in uniuersa religione, consensum.

Bernensis
disputatio.

In Bernensi disputatione, in qua pie & diligenter hoc cœnæ negotium discussum est, inter alia dicit D. Oecolampadius: Nullo pacto negamus nos edere corpus Christi, & bibere eius sanguinem: sed edimus & bibimus spiritualiter per fidem, & eam quidem, qua credimus nos Deo patri per mortem Christi reconciliatos esse: non per illam fidem, qua creditur corpus Christi adesse sub pane corporaliter vel substantialiter.

De Oeco-
lamp. sente-
tia de cœna
domini.

Idem in secunda iusta & æqua ad D. Lutheri scripta responsione, Germanice data, per integrum caput 18. hoc duntaxat monstrare contendit, se & Zwinglium

gium nunquam docuisse vel scripsisse, quod fideles nudo duntaxat signo participant in Cœna Domini.

Idem alibi: Sic ubi panis domini, ait, corpus domini dicitur, non contendimus. Nam & nos sic appellamus: non solum quod à Domino nostro Iesu Christo Cœna sanctè initiata & instituta est, sed etiam quod in ea sanctificatoris spiritus sancti mirificam operationem fideliūm pectora experiuntur. Item non dicimus panē hunc nudum quidem signum in Cœna, sed efficax quodammodo, operante spiritu sancto in fidelium cœtu, ut fiat nobilissimum quoddam & sanctius corpus, nobis Christi capite in unum corpus adunatis. Hoc cum dicimus, minimè Christum à Cœna abesse asserimus. Ad hæc non auferimus è Cœna alimentum vitae, carnem & sanguinem Christi & Christum ipsum. Nam nisi animæ nostræ hoc pabulo fuerint pastæ, nequaquam habituræ sunt vitam. Præterea nunquam à nobis negatum est. quin Cœna etiam fidei seruat, cum excitandæ tum auctiendas, &c. Hæc omnia Oecolampadij sunt. Non commemorabo nunc alia, quibus isti ornarunt sacramenta, quibus hodie & nos ornamus. Extant libri istorum et nostri. Oramus ut legantur animis ab odio & inuidia defecatis. Ita enim quilibet nullo negotio videbit quid tribuet contentionum feruori, quid causæ per se. Deprehendet certò à nostris & à nobis nunquam prophanè de sacramentis esse disputatum, nunquā ita efferuisse contentionis calorem, ut nihil nisi nuda signa percipi à fidelibus, in Cœna domini contenderimus.

Verba Domini, Hoc est corpus meum, nos nostra expositione non corrumpere.

Atq; hic demum nostri illi mirifice tumultuantur. Clamitant nos corrumpere verba Christi sacra, Hoc est corpus meum. Clamitant se pro corporali sua præsentia & mādicatione corporis domini habere diserta domini verba, clara & minime ambigua. Vrgent ex his verbum substantiuum Est, id quod ingeminat semel & iterum & frequentissime inculcant. Si quid dixeris, quantumvis clarum sit et efficax, illi tamen idēti dem repetunt & inculcant, illud, Hoc est corpus meū. Hec verba, inquiunt, sacramentary non audent attingere, ita metuunt suo errori inīō blasphemiae. Addunt, Nos aut innitimus simplicibus his & claris verbis, ut ea descripta sunt magno consensu & uniformiter usurpata ab Euangelistis & ab Apostolo Paulo. Docemus aut hæc domini verba, in sua propria & naturali significatione esse accipienda, sine tropo. Corpus ergo intelligimus, non corporis figuram aut corporis significationē. Et verbum substantiuum Est, substantiū, non significatiū accipimus. Illi vero (de nobis loquuntur) in tropum collocant totius ædificij sui firmitatē. Rursus ne hic quoq; quicquā acerbitas à quoquā desiderari possit, semel & iterum, propter tropū in expositione verborum domini admissū, crimē denuo nobis inpingūt hæreſeos: quemadmodum & Papistæ, qui & ipsi nullum admittunt tropum, & omnes eos crimine hæreſeos perfundunt, qui domini verba per tropum expediunt.

*Antropus
in verbis
domini.*

Itaq; si hic nulla est admittenda loquutio figurata,

cur

cur non ex integro concedunt nostri illi antagonistæ in
castra Papistica? Aut cur ipsi hæc domini verba, Hoc
est corpus meum, non ad literam, quod dicitur, intelligi-
gunt, sed per figuram expedient? Cum enim litera so-
net, Hoc est corpus meum, illi nostri exponunt, sub hoc
est corpus meum: Cum hoc accipitur corpus meum:
Sub specie panis & vini continetur corpus meum.
Quid? an non hic tropus est? Si ergo hæretici sunt, qui
per figuram vel tropum hunc locum explicant, expen-
dite obsecro, quam in ipsis, odio nostri, tuleritis sen-
tentiam. Si vero hæretici non sunt, ut re uera orthodoxi
& catholici sunt, qui asseuerant verba domini, Hoc est
corpus meum, figurata esse, forte et nos, o fratres, qui nullâ
hic nobis expositionem nouam confinximus & orbi ob-
trudimus, sed veterem illam ecclesiæ interpretationem
usurpamus. Dicimus enim pane significari aut repræ-
sentari corpus Christi, vinum esse symbolum, figuram,
vel sacramentum sanguinis Christi.

At vociferantur isti, hoc demū esse humanum, au-
dax, sceleratū, nephariū, hæreticū atq; sacrilegum in-
uentum ac flagitium. Conscientijs piorum hominum mi-
nimè satis fieri commentis huiusmodi hominum blas-
phemis. Miror autem, amici, an tam atrocia conuitia et
in primitiua Dei ecclesiam contorquere vos intelli-
gatis, cum qua istam nostram expositionem habemus
communem. Negatis quidem & pernegatisulla à no-
bis posse produci veteribus testimonia, quæ testen-
tur verba Domini veteribus fuisse figurata, aut ex
veteribus quenquam Est exposuisse per significat.

Sed dudum vidissetis haec in nostrorum editis libris, si voluissetis videre: nunc quid afferri possit flaccoscentibus adeo stomachis, non video. Vinam vero ad audiendum, id quod audiuiimus diligenter expendendum, plerique tam prompti essent, quam sumus ad tergiver- sandum alacres, in rebus quas semel tueri in animum induximus, defendendis feruidi. Cogitemus potius, o fra- tres, aliud propediem fore iudicium, in quo nihil tergi- uersatio, nihil audacia, omniaque negandi petulantia, nihil clamor ullus, aut praetextus ullus, sed sola Dei ve- ritas, animi probitas fidei, sinceritas & conscientia integritas aliquid valebit.

Certe qui panem & vinum non appellauit signa, figurae, symbola aut sacramenta corporis & sanguinis sui, idem neque dixit sub pane, in pane, aut cum pane, aut sub specie panis esse corpus suum substantialiter & corporaliter: multò minus dixit panem transubstantiari in substantiam corporis Christi, rema- nentibus duntaxat sine subiecto accidentibus. Admitte re ergo expositionem sobriam verba Cene Domini, neq; urgere oportet nuda per contentionem verba, qui non videt nihil videt. Etenim si seruanda est verborum, ut aiunt, claritas, cur ipsi recedunt à claritate? Domi- nus dixit: Hoc est corpus meum: isti dicunt, Sub hoc, aut cum hoc, aut in hoc, aut in hac specie est corpus meum. Iccircò recedunt ab illa sua, quam iactant, perspicuitate. Quod si omnino à disertis verbis receden- duum non est, ultra ratione, sed perpetuo literæ inheren- dium rigide, quid oro pronuntiatum est simplicius, quam illud

illud Ioannis? Et verbum caro factum est? Et illud, Pa-
ter maior me es. Et illud, Philippe, qui vidit me, vidit
patrem: & quomodo tu dicas, ostende nobis patrem?
Nunquid vero ex his disertis sententijs ea consequeban-
tur, quae inde colligebant haeretici, urgentes & ipsi li-
teram, dicentesque diuinam naturam conuersam es-
se in humanam, filium Dei etiam diuinitate mi-
norcm esse patre: nullam denique inter patrem &
filium intercedere distinguit aut personarum discri-
men? Ac reuera sunt loci hi adducti plani omnes,
quoad verba, interim sensus genuinus non percipitur
nisi ex collatione aliorum locorum, ex circumstantijs
fideique proportione. Hoc si negetur praefacte, quis
non videat semel subuersumiri, quicquid sinceræ pie-
tatis traditur in sacris libris? Vici sim opponunt nostri
illi, Cogitent vero pycnnes, quid de religione & iuver-
sa, quid certum & in uiolatum sit futurum, si ita li-
ceat verba transformare scripturarum. Atqui nemo
noster posulat, ut in scripturis vel iota transformatur,
nemo flagitat ut audacibus & irreligiosis hominibus
aditus aperiatur irrumpendi in scripturas & in his
quidlibet sursum deorsumq; versandi. Clamamus
& nos fidei dogmata certa, nullo modo esse commo-
uenda disceptationibus, in modo ne unquam quidem vo-
canda in dubium. Hic tamen nemo inficias ibit, fusse Scriptura-
semper, & esse adhuc in ecclesia scripturarum inter-
pretationem, & certam quidem illam & legitimam
non arbitriariam, sed admodulatam ad fidei & cha-
ritatis proportionem, petitamq; ex materia dictorum

& factorum, ex occasione & circumstantys aliorū que vel similiū vel dissimiliū diligenti collatione. Semper autem & in primis religiosam expositionem sacramentis adiunctam esse constat. Cur itaq; impietatis & sacrilegy dānamur hodie, qui religiose verba Domini, Hoc est corpus meum, & totum denique negotium sacramentarium exponi volumus? Non destituimus hic multiplici scripturarum exemplo. Constat enim cum Prophetas tum Apostolos sacra exposuisse mystica, Et S. Augustinus de catethis sandis rudi bus, De sacramento sane quod accepit, inquit, cum ei bene commendatum fuerit signacula quidem rerum diuinarum esse visibilia, sed res ipsas inuisibiles in eis honorari, nec sic habendam esse illam speciem benedictione sanctificatam, quemadmodum habetur in usu quolibet. Dicendum etiam quid significet sermo ille, quem audiri, quod in illo condatur, cuius illa res similitudinem gerit. Deinde monendus est, ex hac occasione, ut si quid etiam in scripturis audiat, quod carnaliter sonet, etiam si non intelligit, credat tamen spirituale aliquid significari, quod ad sanctos mores futurāmque vitam pertineat.

**Expositio
verborum
domini,
Hoc est cor
pus meum.** Equidē nō impiā, nouā aut coactam, sed piā, veterē, obuiā sponteq; fluentem horū Domini verborū, Hoc est corpus meum, expositionē paulo antē in hac expositione Sacramen- sum Christum instituere sacramentū, dū instituit Cœnā. tū institui- tur. Quid ergo prohibebit, quo minus intelligamus dominie de

de sacramento loquitum esse sacramentaliter, ea propter istas sententias diuinās, Hoc est corpus meū, Hic est sanguis meus, sacramentales esse loquitiones, et ea de causa exponendas sacramentaliter? Sacramentales ac pares in scripturis loquitiones sunt, Circuncisio est fœdus, Agnus est transitus, Hostia vel sacrificium est peccatū et peccati expiatio. Baptismus est sanctificatione vel purificatio peccatorum ue ablutio. At quomodo hæ loquitiones in ecclesia Dei semper fuerint expositæ, nemo nescit, nisi qui prima theologia rudimenta nescit. Appellata est ergo Circuncisio symbolum, signū vel sigillum fœderis, Agnus memoraculū et figura transitus. Sacrificia vero fuerūt memoriae peccatorū, et significabūt Christū aliquando Hebr. 10 immolandū, sicuti et Baptismus vocatur sacramentū purificationis nostræ. Cū ergo oēs sacramentales loquitiones parē ferāt ac habeat expositionē, quid prohibeat obsecro panem et vinū, quæ tradidit in Cœna sua dominus, sacramenta nuncupare vel symbola et signa corporis et sanguinis domini, atq; adeo sententiā domini sacra mētale, Hoc est corpus meū, sacramentaliter interpretari et dicere, Hoc significat corpus meū, vel hoc est sacramētū mei corporis? Maximè cū Lucas Cœnam agni paschæ lis præmisserit Cœnæ dominicæ, ut similitudine mysteriorum expensa, tranquillioribus animis accederemus ad communionem mysteriorū. Neq; dubiū est apostolos ob hanc domini loquitionē, Accipite, edite, hoc est corpus meū, minus fuisse sollicitos, quod assueuissent loquitionib. mysticis, et iāiā audiuisserent, Agnus est transitus. Alioq; legimus apostolos aliās sape interrogauisse dñm,

cum non probè intellexissent quod dixerat, aut obscu-
riore aliquo loquutionis genere fuerat usus. In præsentis
autem nihil prorsus interrogant, proculdubio quod co-
gnitæ ipsis essent loquitiones sacramentales.

His opponunt illi nostri, Egregiam verò interpreta-
tionem allatam esse, ut quæ in Cœna fidelibus nihil re-
linquat manducandum, quam significationem. Cum
enim dixerat Dominus, Accipite, edite, hoc est corpus
meum, & nos interpretetur, Hoc est signum corporis
mei, consequi fideles edere signum vel significationem
corporis Christi. Cæterum quis non agnoscat paralogis-
mum? Sed & dudum diximus in sacramento quolibet
non modo signum spectari, sed et rem signatam: & si-
gnum quidem percipi ab omnibus ore corporeo, rem ve-
rò significatam fideles sumere mente vel animo. Beatus
Moses aperte vocat Circumcisionem signum. Quis verò
inde colligebat circumcisionē accipientes nihil nisi signū
accipere? Quia enim non prophanum, sed fæderis diuini
signum erat Circumcisio, ea de causâ fædus offerebatur
circumcisione & ob-signabantur in fædere circumcisionē
accipientes. Ita cum panis & vinum sint symbola
corporis Christi traditi & sanguinis effusi, consequitur
sane corpus vere esse traditum & sanguinem effusum,
& quidem traditum & effusum pro nobis, certè ut
manducantes & bibentes illa spiritualiter, in hoc my-
sterio, vitam ex ijs hauriamus, & non ut inanem um-
bratilémue duntaxat rerum nihil nobis viliū signifi-
cationem habeamus.

*Verba po-
culi*

*Quid verò dicunt antagonista nostri ad verba po-
culi*

culis sacris? Matthæus & Marcus habent: Hic est sanguis meus noui testamenti, qui pro multis effunditur, &c. Lucas vero & Paulus habent: Hoc poculum nouum testamentum est in meo sanguine. Iam si verbis mordicus inhærendum est nudis, calix vel poculum secundum Matthæum & Marcum erit sanguis. Si dixerint per calicem id esse intelligendum, quod est in calice vinum, dicimus istam interpretationem esse tropicam. Rigidè ergo verbis Domini insistentes, non desinemus clamare, quicquid tandem nobis opponatur: Verba Domini diserta sunt, Dominus dicit: Hic est, Hic est, ergo est. Et loquitur quidem de calice, ergo calix est Christi sanguis. Non potest non verum esse, quod pronunciat os Domini. Nisi ergo fraudari voluerint aduersari nostri fructus sanguinis Christi, cogentur deuorare ipsum etiā calicem, quacunq; id ratione efficere possint. Præterea si adhuc perrexerint auersari loquitiones tropicas, fateri cogentur poculum, iuxta Lucam & Paulum, esse testamentum, & quidem nouum testamentum, adeo q; poculum magis esse in sanguine, quam sanguinem in poculo. Adiunguntur ergo, velint nolint, verba domini non ad literam rigidè restringere, sed sensu potius sancto explicare: Quod quemadmodum panis est symbolum traditi corporis, ita poculum vel vinum potius, est sacramentū effusi croris Christi, idq; ad dedicationem vel confirmationem noui testamenti, quo confertur credentibus plenaria omnium peccatorum remissio & vita sempiterna.

His accedunt conferenda et illa Domini Christi verba corum.

Collectio I.

quæ in illa ipsa Cœna et sub Cœnā et in itinere ad mon-
tem olivarū, idem dominus eodem suo ore, quo illa, Hoc
est corpus meum, etiā hæc pronunciauit: Ab initio hæc
nō dixi vobis, quia vobiscum eram: nunc autē vado ad
eum, qui me misit. Et iterū, Ego veritatem dico vobis,
expedit vobis, ut ego vadā. Si enim nō abiero cōsolator
nō veniet ad vos, &c. Rursus, Exiui à patre, & veni in
mundū, iterū relinquo mundū et vado ad patrē. Item,
Et posthac nō sum in mundo, & hi in mundo sunt, &
ego ad te venio. Et reliqua huius generis multa, quæ
nō minius diserta & clara sunt, sed & verba Cœnæ Do-
mini sunt, quàm illa, Hoc est corpus meum. Quinimo to-
tus ille sermo, quem Ioannes integris aliquot à 14. capite
capitibus describit, huc bona sui parte spectat, ut intel-
ligat, cum sanctis apostolis, uniuersa Christi Ecclesia,
fideles posthac non amplius habituros Christum Do-
minum corporaliter præsentem. Nam ascensurum in
cælum, & inde missurum spiritum sanctum, per quem
ipse adesse ecclesiæ ipsamq; inspirare, vivificare &
governare velit. Quæ quidem omnia, ut minimè figurata
sunt, sed plana vel aperta, ita nullum habebunt vel lo-
cum vel fructum si Christus corporaliter adhuc versar-
tur in medio Ecclesiæ, latitans in pane, aut sub specie
panis.

Bon. ca. 6. Adducimus præterea memorabilem illum Domini
sermonem, quem ante mysticam cœnam institutam, in
synagoga Capernaum habuit, quo significantissimè &
diligentissimè ostendit, se esse panem vite, ac carnem se-
suam & sanguinem suum impensurum in mortem, ve-

ex his viuant fideles: ubi & modum manducandæ carnis suæ, bibendiq; sanguinis sui, & vitam morte partam consequendi luculenter exposuit, nimirum quod ille vitam illam suam nobis per spiritum suum inspirat: nos autem hæc percipimus per veram ac viuam fidem: refutatis interim illis, qui auditu figurato sermone Domini, imaginabantur carnem Domini corporaliter esse manducadæ. Id quod nihil prodesse dicit, ac protinus subiungit: spiritus est qui viuificat. Et verba quæ loquuntur sum vobis, spiritus sunt et vita.

Porro cum hactenus non sententias duntaxat aliquot, sed integros Domini sermones adduximus, quibus ipse Dominus corporalem & presentiam & mandationem corporis sui refutat, an non æquum est, ut hæc conferantur cum his Domini verbis, Hoc est corpus meum, & pauciora & plura illustrentur? *Pauca per Est* sanè celebris receptus *vetus*, & cum ipsa Christi plura expnenda. ecclesia veluti natus interpretandi scripturas canon, cuius meminit Tertullianus contra Præxeam, personas in adoranda Trinitate confudentem, ac pro se cerebrose admodum, hæc Domini diserta verba adducentem urgenteq; Philippe qui vidit me, vidi patrem. Ego & pater unum sumus. Ego in patre, & pater in me. Dicit autem Tertullianus, His tribus capitulis totum instrumentū utriusq; testamenti volunt (Præxeani et omnes Noetiani et Patripassiani) cedere, cū oporteat secundum plura, intelligi pauciora. Et reliqua, quæ ne acerbior videar, non adjicio. Intelligent autem py omnes, non unum aliquem locum ex scripturis

moroſe eſſe vrgendum, verum ſcripturas ſcripturis eſſe confeſendas, ac pauciora aut etiam dubia ſecundum plura clarioraque eſſe interpretanda. Proinde aduersarij illi nostri fruſtra nobis ſubinde occinunt unicam (abſit verbo calumnia) & figuratam vel sacramentalē ſententiam, veluti propriam, quam deprehendimus collatione aliorum ſcripturæ locorum & quidē clariorū de eodem Chriſti corpore, ab eodem quoq; Chriſto Domino pronunciatōrum, ſic illuſtratam & explica tam eſſe, ut, quod dici ſolet, à laſſo rixam querere videantur, quotquot coccys in morem identidem nobis occinuerint illud ſuum, Hoc eſt corpus meū. Condonabūt mihi lectores, ſi videar loqui audaciū. De peruicatia loquor aduersarij, verba ipsa Domini nihilominus collo religioſiſſimè. Nam vel unicam syllabam, nedum verbum aut ſententiam verborum Domini, legitime tamē uſurpatam, & à nativo ſuo ſenſu non detortam, agnōſco ſumma demiſſione & reuerentia eſſe exciendam ab hominibus, eiq; abſque omni dijudicatione credendam. Si verò aduersarij pro ſua morofitate perrexerint nobis obiectare unicam illam ſententiam, non definemus & nos ibi ſtrenue opponere integros Domini ſermones, quibus luce clarius expoſuit, quomodo ſuę Ecclesiæ ad eſſe perpetuò, & quomodo carnem ſuam edi, ſanguinemq; ſuum bibi tunc voluerit, et velit adhuc.

Nulla ex-
poſitio reci-
pienda que-
pugnat cu-
Subiungimus his alium & vulgarem quidem il-
lum, ab omnibus denique omnium ſaculorum pījs rece-
ptum ſcripturas interpretandi canonem, Contra fidem
fidei.

¶ charitatem, nullam unquam à quoquam recipiendam esse interpretationem. Oportere enim imprimis regulam fidei nostrae manere in columnem. Vt et certè Apostolus aliquid alienum à proportione fidei proferre. Notissima sunt quæ idē ille affert de charitate i. Cor. 13. unde procul dubio sua illa mutuauit, quæ Augustinus edidit i. lib. de Doct. Christ. cap. 36. Sed et elegantia & vera sunt semper iudicata hæc vetustissimi illius scriptoris verba: Quæramus in nostro, & à nostris, & de nostro. In quo? duntaxat quod salua regula fidei potest in questionem deuenire. Quis autem ignoret non postrem in fidei capitibus illud esse, quod credimus consensu totius scripturæ edicti, Christum Dominum in una inseparabili persona geminam retinere naturam, naturarumq; proprietates illæsas atq; impermixtas, & quidem iuxta diuinitatem patri, iuxta humanitatem nobis esse consubstantialcm, Deum utique verum ex Deo vero, & hominem verū ex homine vero. Constat itaque Iesum Christum Dominum nostrum verū & naturale, non phantasticum aut spiritale corpus habere, illud ipsum inquā, quod à nobis assumpsit, quod in mortem tradidit, quod ex mortuis excitauit, cui quidē immortalitatem & gloriā addidit, naturā veritatemq; corporis non abstulit, atq; hoc ipsum cœlo intulit, & ad dexteram patris collocauit, unde in eadē illa carnis forma atque substantia, redibit iudicaturus viuos & mortuos.

Porrò hæc humani corporis in Christo veritas, nunquam admittit huiusmodi expositionem horū verborū

Hoc est corpus meū, quales vulgò cōfingi solent, Hoc est corpus meū substantialiter, et tamen inuisibiliter. Nam ut nō repetā, quod superius dixi, huiusmodi voces semet ipsas elidere, constat certè Dominū hisce verbis, Hoc est corpus meū, de vero & naturali, visibili et passibili suo locutum esse corpore. Inuisibile corpus affinxit Domino Martion et tota illa infelix Valentinianorū schola, quæ eam ipsam ob causam ab uniuersali exhibilata et explosa est ecclesia. Ergo cum dominus verū, naturale & visibile corpus habuerit, quo ad mensam absidens, discipulis porrecto pane, dixit: Accipite, edite, Hoc est corpus meū, quis non intelligat sacramentū vel mysterium ipsis ac nobis esse cōmendatum, non autem verū illud corpus naturale ore corporeo manducandum esse oblatū, idq; inuisibiliter. Etenim nō licet per religionis sincere integritatem, Christum fingere bicorporem: licet autem fide sic nos urgente intelligere Christum nobis veri & unici illius sui corporis commendasse spiritualem mandationem. Quod ergo beatus Augustinus alibi voci bus visibile et inuisibile, in hac causa vtitur, alia longe ratione, quā vulgò fiat, vtitur. Significat enim illi visibile, quod nobis est sacramentale: inuisibile, quod est spirituale. Nō dissimulabo in præsentiarum et hoc, quod antagonistæ nostri hic nobis opponunt, hæc ex eodem S. Augustino ex Enarr. Psal. 33. verba: Quis portatur manibus suis? Manibus aliorum potest portari homo, manibus suis nemo portatur. De Davide ergo hoc non intelligitur, sed de Christo. Ferebatur enim Christus in manibus suis, quādo commendans ipsum corpus suum, ait, Hoc est corpus meū. Ferebatur enim illud corpus in

Christus
suis fereba-
tur mani-
bus.

manibus suis. Ceterū nō affinxit his verbis beatus Aegust. Domine nostro duo corpora, quorū alterū fuerit visibile, illud videlicet quod assidebat mensæ: alterū igitur sibile, quod scilicet offerebat edēdū discipulis, verū intellexit dominū nostrū vero suo corpore, illud (obseruate mihi hāc emphasis) illud inquā corpus, nimirū quod ratione sacramētaria appellatur corpus, ppter similitus dinē mutato veri corporis nomine, discipulis obtulisse. Nā ipse cōcione sequenti, semetipsum explicās, subycit: Quomodo ferebatur in manib. suis? Quia cū cōmendaret ipsum corpus suū et sanguinē suū, accepit in manus suas quod norūt fideles, et ipse se portabat quodāmodo, cū diceret, Hoc est corpus meū. Tantū Aug. q posterioribus verbis manifestē declarauit se nō sentire ipsum corpus Christi naturale, Christū ipsum corpore suo naturali porrexisse discipulis, sed hoc quod norūt fideles, nimirū sacramentū vel mysteriū. Sequitur enim, Et ipse portabat quodāmodo, dum diceret, Hoc est corpus meū. En quodammodo, inquit, nimirū modo sacramētis proprio.

Certè cū Deus humanā naturā, quam semel assumpit, nunquā (sicuti rectē sentiunt omnes catholici) deposituit, manet certè inuiolata et integra veritas humanae naturæ, etiam post unionē cum natura diuina, etiam post resurrectionē & glorificationem, ideoq; neutiquā sinit illa se extendi per ubiuitatem, ut vocant, ad omnia, ut nihil necesse sit urgere nos, omnibus & singulis credendum esse in pane cœnæ quolibet & in qualibet eius vel munitissima particula contineri ipsum Domini corpus verè & substantialiter. Quod nisi ad

cum quem illi nobis modū præscribunt, doceamus, nunquam sincerè & dilucidè ostensiuros fidelibus, quomodo totus Christus indiuisus sit cibus fidelium. Superius enim dilucidè satis exposuimus, quomodo totus Christus percipiatur verè à fidelibus. Id ipsum olim plurib. exposuimus in Responso noſtra D. Lutheru viuenti adhuc data.

*Veterū ex-
positio,
Hoc est cor
pum meum.* Postremò affirmamus vetustatem agnouisse hanc nostrā verborum Domini expositionē, & eandē concordibus posteritati scriptis reliquissē. Appellarunt sānē omnes unanimiter panē Domini ipsum Domini corpus, et poculū vel vinum in calice ipsum Domini cruorem: id quod in scriptis veterū ubiq̄ fit obuium: sed monuerunt interim sedulō iſta esse sacramenta, sacra nimirum rerum sanctissimarū & salutarium signa: signa autē pro rebus ipsis non esse accipienda, et signa appellari rerum signatarū nominibus. Notissima sunt omnibus, quae de hac re scripsit diuus Aur. Augustin. in suis epistolis et in lib. de Doct. Christ. et in alijs locis multis. Quod enim aduersarij nostri cōtendunt August. ibi de alijs, nescio quib. signis disputare, nō de signis corporis et sanguinis Dñi, refellitur ipso cōtextu orationis beati August. qui cū in genere dixisset de signis, speciatim etiā defertur ad signa noui test. et ad ipsa sacramēta corporis et sanguinis Dñi. Inspiciatur diligēter lib. de Doct. Christ. à ca. 5. vſq; ad 11. Neq; dubiū est, quin in libris illis de Doct. Christ. non suā modō opinonē et expositionē de sacramētis attulerit, sed receptā potius et orthodoxā totius catholicæ ecclesiæ sententiā et expositionē reddiderit. Certe Tertull.

qui

qui 200. minimū annis Augustinū præcessit, cū et ipse esset Africanoꝝ ecclesiarū presbyter, sicut ille creabatur episcopus, non alienā affert expositionem. Nam disputans contra Martionē, Christus acceptū panē, inq̄t et distributū discipulis, corpus suū illū fecit, Hoc est corpus meū dicendo, id est figura corporis mei. Agit aut̄ Tertull. cum Martione ex manifestis. Manifestissimum & ab omnibus in ecclesia confessum erat, panē esse figurā corporis Christi. Ex manifestissimis itaq; sic colligit Tertull. Reiphaſtaſticæ non est figura. Significat enim figura rem veram: at qui hoc sacramentum est figura corporis Christi, ergo Christus verum, non phantaſticum corpus habet. Tertullianum imò ecclesiasticā expositionem reddiderunt postea concorditer Græcarū & Latinarum ecclesiarum doctores. An non Chrysostomus huc allufiſſe videtur, cū hæc domini verba trā Etans, Hoc est corpus meum, inter cætera dicit, si mortuus Iesuſ non est, cuius obſecro ſignum aut ſymbolum hoc ſacrificium eſt? Hieronymus quoq; dicit verba domini explicans, dominum in mysterio ſui corporis veritatem repræſentare. Auguſtinus enarrans Psalmum 3. inſiſtit verbiſ illis vetuſtis, ac afferit dominum ei adhibuiſſe Iudam coniuicio, in quo corporis & ſanguinis ſui figuram ſuis commendariſ tradideritq; diſcipulis. Qui & alibi ſigni ſignificationiſ q; utitur vocabulis: ve luti cum alibi, Non dubitauit, inquit, dominus dicere, Hoc eſt corpus meum, cum ſignum daret corporis ſui. Vbi etiam haſce loquutiones, Sanguis eſt anima, & Pe tra eſt Christus, cum illa, Hoc eſt corpus meū conferte

¶ alibi disertè ait: Illud appellatur anima quod significat animam. Solet autem res quæ significat, eius rei nomine, quam significat, nuncupari. Hinc est quod dictum est, *Petra erat Christus*. Non enim dixit, *Petra significat Christum*, sed tanquā hoc esset, quod utiq; per substantiam hoc non erat, sed per significationem. Et reliqua quæ leguntur lib. quæst. 3. in Leuit. quæst. 57. Huc pertinet & Theodoreti expositio, quā Anglicæ disputationes doctiss. & pyssime abunde nobis vendicarunt.

Ex his verò omnibus nulla difficultate, omnibus, nulla contentionis morbo laborantibus, patere arbitror, nos neg; verba solennia Cœnæ Domini, Hoc est corpus meum, corrumpere, neg; hæreticā, nuperam & à nobis excogitatam expositionem afferre, sed orthodoxam veterem & receptam in catholica ecclesia usurpare.

Verba Domini Ioan. 6. non uiolenter torqueri ad causam Cœnæ Domini.

In his verò quæ haec tenus pro nobis adduximus de sancta & legitima expositione verborum domini, Hoc est corpus meum, pleraq; arrodunt aduersarij nostri, illud imprimis quod in explicanda Cœnæ domini causâ, verba domini ante Cœnam institutam dicta à domino, & Ioan. 6. cap. recitata, proferim: ss. ijsq; aduersarios urge non desinimus. Itaq; Sacramētarij, inquiūt, cōmīscēt omnia, ut detrahant sacramentis. Fidei ita tribuūt communionem cū Christo, & peccatorum remissionem et salutem, ut illa sacramentis admant. Ac adducēdo ad Cœnam domini verba Ioan. 6. insulfissimè pariter & indoctissimè faciunt, nebulones perditissimi. Quid orō dicitis

dicitis fratres? Nebulones ne perditiſſimi ſunt, qui verba dñi Ioan. 6. cap. recitata, accomodant negotio Cœnæ domini? Videte amici quid dicatis, et quos appelletis nebulaſes perditos. Cōſtat enim nos morem illū habere cōmunem cum veteri ecclesia & præcipuis ecclesiæ doctribus. Non oportebat doctores ecclesiarum tam faciles eſſe ad maledicēdum ac conuiciandum. Neque verò illas nos cuiquam nebulaſes errorum offundimus. Perspi cuè & ſignificanter vera & pura dicere & ſcribere conamur, nebulaſes ergo aut tenebriones non ſumus.

Quid verò hic nobis obiiciunt aduersarij nostri? An Fides inſtituit nos errare qui ita tribuamus peccatorū remiſſionem fidei, ut adimamus sacramentis? Quid audio? Vós ne tribuitis iuſtificationem sacramentis? Vbi ergo illud axioma confeſſum & pro indubitato iure habitū ab omnibus, ſola fide iuſtificatur peccator per Christū? Certè ut hæc veritas euangelica & apostolica inviolata ſubſiftat, & incontaminata permaneat perpetuò, nō dubitant poffimi quiq; nullo modo in participatum iuſtificationis admittere etiam verè bona opera. Nunc ſi rectè antagoniſtas noſtros intelligimus in participatiō nem iuſtificationis infulciunt ſacramenta, quorum perceptioni tribuunt remiſſionem peccatorum, que reuera eſt iuſtificatio. Credidit Abraham Deo, & ipſi imputatum eſt ad iuſtitiam: inde verò idem circumcisus eſt, quo opere iuſtificatus non eſt, ſed ſignaculum accipit iuſtitiae fidei, quæ erat in eius præputio. Disputauit & Auguſtinus egregiè de eo, quatenus ſanctiſificant ſacramēta, quæ in Lemit. 83. quæ quo

niam omnibus sunt notissima repetere supersedeo.

Ioan. 6. ca. Cur vero non adduceremus verba saluatoris nostri recte applic ex cap. 6. Ioan. cum differimus de vera manduca^tione corporis Christi? Christus enim unum duntaxat habet corpus, quod nunquam mutauit aut depositum, licet clarificauerit. De hoc ipso suo corpore in mortem tradendo loquitur Ioan. 6. De eodem dicit, Hoc est corpus meum quod pro vobis datur. Hoc corpus iubet edere apud Matthaeum in cap. 26. Illud ipsum nisi edamus, nullam in nobis vitam habituros asseuerat apud Ioan. in cap. 6. ut autem apud Matth. addit, Hoc facite in mei memoria: ita in Ioanne modum manducandae carnis sua, & quidem ad vitam explicat ac disertè dicit, spiritus est qui vivificat: caro non prodest quicquam. Quod ergo semel, & tunc quidem cum ex professo differeret de vera corporis sui manduca^tione & sanguinis sui potu, negavit corporaliter haustum prodesse, id alibi veluti oblitus sui ipsius, minime instituisse credendum est, qui certissime nihil suis instituit, nisi utilitate & salute refertissimum. Ergo nihil differunt hi loci, nisi quod apud Matthaeum adjicit symbola. Vnde ingenuè agnoscimus vocabulum Panis, apud Ioannem non significare panem eucharistiae: qui cum illa Capernaum diceret dominus, nondum fuerat institutus, sed cibum ac sustentationem animæ vivificantem. Agnoscimus idem panis vocabulum apud Matth. in 26. significare panem, ut vocant, materialem, qui institutione & sanctificatione domini factus sit sacramentum eius carnis, de quo loquitur utrobius & Matth. 26. & Ioan. 6. Illic ergo adjicitur à domino symbolum,

quo

quo multi quidem participant, Christo item carne vitaq; eius non item, ut Ioan. 6. docuit participant. Cum autem aduersarij nostri pertinaciter contendant imp̄ij simum impurissimumq; quemuis sacramento participā tem, pariter & vera carne Christi etiam corporaliter participare, videant ne ipsi inter se sē distinguenda religiose, parum decenter & piè commisceant atque confundant.

Nihil autem etiam hīc variamus à vetustis interpretibus. Augustinus enim de Consensu euangel. verba Cœnæ domini in concordiam redigens, Ioannes, inquit, de corpore & sanguine domini, hoc loco nihil dixit, sed plānè alibi multò uberioris hinc dominū loquutum esse testatur. Ac videmus non hunc solum, sed alios quoq; scripturarum interpretes Græcæ & Latinæ ecclesiæ doctores omnes, quotquot caput hoc Ioan. 6. expōnunt, sūe & diligenter de Sacramento scribere Cœnæ.

Porrò de Capernaitis non est quod nobis litem moueant, Capernaitæ existimarent se veram carnem domini manducare oportere. Sciunt etiā fideles non aliū esse cibum viuificum quam verā domini carnem. Sed in modo & ratione manductionis hi ab illis permultum differunt. Quod enim Capernaitæ corporaliter vel carnaliter faciendum putarunt, nos cum omnibus catholicis spiritualiter fieri statuimus. Claret itaq; nos non abuti verbis domini Ioan. 6. pronunciatis, neq; ipsa imp̄ie detorquere ad negotium Cœnæ dominicæ.

Capernai-
tae.

Corporalem corporis Christi præsentiam &
manductionem non congruere
cum uera fide.

Atq; hic adhuc grauius irascuntur nobis aduersarij, quod videlicet negamus corporalē veri corporis Christi præsentiam & manductionem congruere cum vera fide: deniq; quod negamus in tot veterum s̄ymbolis quicquam hac de re esse expressum. Quinimo mirantur nos ista contra ipsoſ proferre. At nos omnino existimamus meritò magnisq; de causis et opportune, suoq; quod dici solet in loco, proferre. Nam cum aduersary nostri omnes homines, ex hac carnali manducaſione aestimet ita ut parum Christianos iudicent, qui in hoc ipſis non accedunt, tametsi per cetera recte ſentiant, mirum ſanè videri poterat, si & vetus Ecclesia ſic animata fuſit, qui factum ſit, quod iſtius carnis præſentiæ & manducaſionis nullibi diſerte memine-rit.

Ephesina
ſynodus de
eſu carniſ
Christi.

Excipiunt, in Ephesina Sinodo diſerte ſatis expreſſam eſſe veram carnis Christi manducaſionem. Sæpe vero diximus, ſæpe repetimus, nos nūquā negaſſe veram carnis Christi manducaſionem, quam nobis tra- dunt ſacræ literæ & ſcripta puriora veterum: negare aut illam præſentiam & manducaſionem, quæ conſla- ta eſt ex hominum placitis. Ea non eſt ſpiritualis, neq; etiam crasse carnis, ſed mixtum quid ex utroque, ut intelligamus verā quidem carnē delitescere ſub ſpecie panis, ita tamen ne crassum modum imaginemur, ſed ſpirituaſe quid, quod nihilominus corporale ſit, adeoq; quod

quod mirificum & ineffabile sit, credamus. Eum vero modum scriptura nescit. De eo nihil statuit Ephesina Synodus. Dudum aduersarijs nostris responsum est, Cyriillum illa conscripsisse contra Nestorium, qui ponebat in Christum personam humanam, a persona filii Dei prorsus discretam atque seiuinctam, ut non intercederet alia coniunctionis ratio, quam dignitatis. Contra illum argumentatur Cyrius a natura sacramentorum, ad hunc modum: si caro Christi ita separata esset, a persona diuina, ut sentis, consequeretur illam non esse viuificam, cumque nos comedamus in sacramentis carnem Christi, ederemus hominis carnem vteung sanctificatis & excellentis. Sed inde iuxta premisionem non conqueremur vitam eternam. Quod cum falsissimum sit, falsum id esse necesse est, ex quo illud sequitur. Verum de hac re copiosius differuerunt alij. Primus omnium quod ego sciām in symbolum infarsit corporalem illam opinionem, definita transubstantiatione Innocentius eius nominis tertius, quod in Concilio Lateranen. cōceptum, postea quam latissime sparsum est per Decretales. Atque utinam expurgassent se hic aduersarij nostri sincerè ab omni fermento Papistico. Etenim mihi non videtur satis esse negare transubstantiationem, & retinere interim illam ipsam rei substantiam, de qua isti potissimum sunt solliciti, ut scilicet retineatur corporalis praesentia & manducatio. De qua interim etiam ipsi sic se et suam opinionem declarat, ut volint videri se huiusmodi tueri praesentiam, quæ quæ

Transubstantiatione.

titatiua vel localis sit. De qua re nunc non differam o-
perosius.

Cæterum quæ adducimus de veritate veri corporis Christi, antagonistæ nostri mirificis atq; adeò tragicis ex plodunt cachinnis atq; clamoribus. Hæc quidem dictat philosophia, inquiunt, sed alia docet theologia. Philosophica est ratio, cum dicitur Christi corpus esse in uno loco, in pluribus esse non posse. Addunt, Fædum est autem Christi corpus in cælo veluti loco alligare. Paulus scribit Christum ascendisse supra omnes cælos: & cælos penetrasse: & altiorem cælis factum esse. Addunt præterea, Sed nullus locus est extra et supra omnes cælo. Itaq; vel negabunt sacramentaryj elatum esse Christum supra omnes cælos, cum ibi non sit locus, vel nō negabunt. Ita vero admittunt corpus Christi esse sine loco. Et iterum, Quinimo cur non iubeamus, inquiunt, secedere pondus & molem corporis, domino paſcente coniuas suos in sacra cœna? Cur nō nitamur omnipotentia Dei? Cur non discernimus corpus Christi coniunctum diuinitati ab alijs corporibus physicis, ut tamen non auferamus veritatem corporis: utcunq; iudicetur contra eius naturam, ut secedant ab eo locus, quantitas & circumscriptio localis, pondus item & huiusmodi? habet enim corpus Christi unitum diuinitati suas prærogatiwas adeoq; alienas à corpore conditiones. Nec potest dis solui personæ unitas. Scriptura dicit, Verbum caro factum est. Nemo ascendit in cælum, nisi qui descendit de cælo filius hominis, qui est in cælo. Item, Sedet ad dexteram patris. Ideoq; nihil prohibet asserere Christi verum corpus

corpus esse ubiq_z. Quibus omnibus mox hæc ab illis interfur censura, Ergo quæ sacramentary in hoc genere adferunt, curiosæ & perplexæ sunt quæstiones, plenæ absurditatibus & blasphemys, stultæ rationis argutie & mera ludibria.

Astrocia quidem hæc sunt, sed nondum tamen ea, quæ de veritate corporis Christi adduximus, subruerunt. Dudum obiecta est nobis omnipotentia Dei. Dudū respondimus ex omnipotentia Dei non colligi quidlibet. Nā verbū Dei modū nobis omnipotentiae Dei ostendit, et ait: Omnia quæcunq_z voluerit fecit. Vnde Tertull. Erit aliquid et difficile Deo, inquit, id scilicet quodcunq_z non fecerit, nō quia non potuerit, sed quia noluerit. Sed & Theodoretus in Polymorpho suo, Dial. 3. Dñs Deus, inquit, nihil vult eorū, quæ non sibi suapte natura insunt. Potest autem quæcunq_z vult: vult autem quæ sunt suæ naturæ apta et conuenientia. Et reliqua quæ ibi fuse de hac causa sequuntur.

Dicimus et nos fædum esse Christi corpus cælo veluti ergastulo includere, ita ut veluti captus aut affixus alligatus q_z loco videatur. Proinde non est quod ista nobis obiciat, ac huiusmodi imaginatioibus loquitionibusq_z, quas ipsi configunt, nos verò planè nō agnoscimus, nos & nostrā doctrinā reddant omnibus exosam. Non dicimus corpus Christi alligatum esse in cælo, sed dicimus verè sublatum ē terris, in cælo nunc versari liberè, pro ratione glorioſi corporis, ideoq_z corpus eius in cælo nec stare semper, nec sedere perpetuo, sed prout vult & ratio æterna salutis et gaudy dictat versari: nec disimu-

Omnipotē
tia Dei.

Cælo Chrī
stum inclusu-
dere.

lauimus unquam sedendi & standi vocabulis ampliora quæda significari. Quibus addimus interim, verum corpus eius, quod cœlo est receptum, non diffundi per omnia, sed cœlo accepto, inde Christū vero cum corpore expectari à nobis iudicem, in fine demum mudi redditurū, in nubibus cœli, ad iudicandum viuos et mortuos. Nec pudet nos eius loquutionis, quam à S. Petro diente didicimus, Oportet Christū cœlum accipere, usq; in tempora restitutionis omnium, quæ loquitus est Deus per os omnium sanctorum suorum à seculo prophetarum. Nec mirum est ita loquutum esse Petrum, cū ascēdente in cœlos domino, ab angelis didicerit ita de corpore Christi glorioſo, loqui. Dicebant enim ad apostolos angeli, Viri Galilæi quid statis intuentes in cœlū? Hic Iesus, qui assumptus est à vobis in cœlū, sic veniet quemadmodū vidistis eum euntem in cœlū. Ideo vero & Lucas, Recessit ab eis, inquit, ac ferebatur in cœlum. Marcus vero, Dominus, inquit, receptus est in cœlum, &

Extra cœlum non est locus. consedit à dexteris Dei. Hæc cū ita habeant, videant aduersarij nostri, an ipsi ex theologia an philosophia suum illud, Extra cœlum non est locus, hauferint, an hoc ad apostolos Christi, an ad rixatorem Aristotelem referre possint. Theologia certè quæ est doctrina apostolica, constanter docet Christum dominum nostrum versus suo corpore, non disparuisse aut inuisibile factum esse, ascendisse & tamen hic corporaliter manere, sed etiam disparteceptum esse verè in cœlum, nube illum suscipiente, & apostolis ipsis in cœlum defixis oculis animisq; desiderio plenis ipsum consequentibus. Aduersary illi nostri ita

Ascensio Christi in cœlos non est dispositio. in se, ascendisse & tamen hic corporaliter manere, sed etiam disparteceptum esse verè in cœlum, nube illum suscipiente, & apostolis ipsis in cœlum defixis oculis animisq; desiderio plenis ipsum consequentibus. Aduersary illi nostri ita

loquuntur de assumptione vel ascensione corporis Christi in cælum, quasi nihil aliud sit quā disparitio, ut sic dicam quādam, quae se tantum inuisibile nobis reddiderit, vel quasi perruptis omnibus cælis, euaserit in nescio quam regionem ubiqualem et illocabilem, in qua qui sunt, in loco nullo sunt ac simul ubique sunt. Mira profecto hæc est theologia: mirum sâne cælum ostendit nobis pulcher ille canon scripturas de cælo interpretandi, Extra cælum non est locus.

Agnoscimus quidem apostoli verba testificantis,
 Qui descendit idem ille est, qui etiam ascendit supra omnes cælos, ut impleret omnia: sed non agnoscimus ubiqualem & philosophicam illam expositionem, Christum ascendisse ad nullum locum vel ad ubique. Nam certum est apostolum noluisse Christum extra cælum collocare, sed usum esse potius amplificatione, quae significaret domini corpus, superatis cælis, in ipsum cælum beatorum sedem nimirum in supremam gloriā esse receptum, quod prius quidem deiectū fuerat ad ignominiam extremā. Et enim opposuit sibi inuicem apostolus diuersa membra, nempe in infimis partes terræ descendere, & supra omnes cælos ascendere. Quis vero collegerit hunc in modum, Christus in infimas partes terræ descendit, ergo in habitata regione nullū locū habuit. Omnes enim intelligunt apostolum hoc loquutionis genere significare voluisse, verum in terras dñi aduentū, & deictionem eius humillimam. Quis ergo iam ex opere non intelligat hac loquutione, Ascendit supra omnes cælos, nihil aliud dicere voluisse apostolum, quam

quod ad Philippen. scriptum reliquit, Extulit illum in summam sublimitatem.

Non oportet id quod apostolus certa quadā ratione protulit, ita morose urgere, quasi dicere voluerit, Christū dñm ita supra omnes cœlos ascendisse ut iā necessariō in nullo sit cœlo, sed ubiqꝫ. Commemorat alicubi Origenes fuisse aliquando in ecclesia homines, nimiū addicatos literæ (fortassis et philosophie) qui quod David dixerat, In sole posuit tabernaculum suū, hic detorserint, ut non erubuerint docere, quod Saluator noster ascendens ē terris in cœlū, et corpus suū assumēs, peruenierit usqꝫ ad eū circulū, qui solis Zona nominatur, & ibi posuisse tabernaculū corporis sui. Non n. possibile fuisse id ultra progredi. Huc scilicet adduxerat illos nimis rigidū literæ studium, et quod Davidis locū neqꝫ illustraret alijs locis, neqꝫ ex materia dicti aestimarent.

Quanquam verò summa illa sublimitas, vel cœlum ipsum, aut cœlestis gloria, maior sit quam nostra possit assequi infantia, cœlorūqꝫ secreta discutere nō sit nostræ infirmitatis, neqꝫ hoc curiose facere debeat, sicuti alibi s.

August. de fide & symb. ca. 6. August. piè monet, tamē credendū est, Christi corpus esse in cœlo, ac cœlū (quatenus sedes est beatorū) locū manere certū et cōuenientē gloriosis corporibus. Credo itaqꝫ secundū mēā simplicitatē minime philosophicā, benedictam et clarificatam Christi carnē ascendisse supra omnes cœlos, ingressam aut in ipsum cœlū in sedē beatorū, in hoc habitare liberè pro ratione corporis glorioſi, non elatū esse extra cœlū, ut iā non sit in cœlo, et in ullo loco, adeoqꝫ nullibi. Ipse enim ore veraci pronunciauit, et dixit,

xit, *Vbi ego sum, ibi erit et minister meus.* Erunt autem ministri Dei in cælo, non extra cælos aut supra cælos, id est nullibi. Paulus disertè, Nostra, inquit, cōuersatio in cælis est, unde expectamus Seruatorem nostrum, qui transfigurabit corpus nostrum humile, ut conforme reddat corpori suo glorioso. Non opinor autem nostros existimare corpora fidelium die ultimo futura immensa, agnoscant ergo et Christi corpus non esse immensum, ac desinant fabricare cælu alienum ab eo, quod Dominus suis fidelibus parauit, et ipse aperte locum appellauit, dicens discipulis suis, *In domo patris mei mansiones multæ sunt: quod si secus esset, dixisse vobis, Vado paratus vobis locum.* Et si abiero ad parandum vobis locum iterum veniam, et assumam vos ad me ipsum, ut *vbi ego sum, et vos sitis.* Veritas certe ipse cæli conditor clarissime pronunciat esse locum, in quo ipse Christus videlicet sit futurus. Secundo cum repetitur nomen loci, et dicitur Christus parare suis locum, præterea et mansionem: ac protinus addit, *Assumam vos ad me ipsum.* En assumam, inquit, ad me ipsum, non tantum ad me, sed ad me ipsum. Nam alibi quoque dixit, *Vbi ego sum, ibi erit et minister meus.* *Vbi, inquit, et Ibi.* Et in præsenti iterum *vbi ego sum, inquit, et vos sitis.* En, *Vbi, inquit, ego sum, et vos sitis.* Est itaq; Christus pro veritate corporis humani in cælo, ut in loco, sed et nos erimus in cælo, ut in loco. De qua re paulo post plura dicentur.

Nesciuit illa ethnicus et prophanus Aristot. sicuti et cætera ignorauit cælestia, ut nihil mirum sit si homo gentilis extra cælum elatus, ubi fuerit, aut quid dixe-

rit, nescierit, illud magis mirandum videtur, homines theologos huic duci cæco se credere, et afferre quæ parū cōgruunt cū certissima spe fideliū. Interim agnoscō ingenuè Christū secundū naturā diuinam nullo circūscribi vel loco vel cælo, iuxta illud Solomonis, si cælum et cæli cælorum te capere non possunt, quanto minus dominus haec quam ædificauit? Sed de hac re sequentur paulò post plura.

Vt imple- Ceterū urgunt aduersarij illud quoq; quod appēdit *ret omnia.* apostolus, *Vt impleret omnia.* Hanc enim veluti causa lē et explicationē eius appensam esse, quod dixerat Christum ascendisse supra om̄es cælos, quia videlicet eā ob causam ascenderit ut omnia vellet sua adimplere præsentia, itaq; sic in cælos elatū esse, ut nihilominus inferiora hæc omnia impleat, & ubiq; præsens sit totus et integer. Ceterum affirmamus etiam nos Christū suā præsentia implere omnia, sed secundum eam naturā quæ ubiq; est, nō secundū eā quæ ubiq; non est. Dicimus præterea verbum implendi referre oportere ad ea, quæ de Christo sunt prædicta. Nā paulò ante hæc verba adduxit testimoniu ex Psalmis, Ascendit in altum, captiuā ducens captiuitatēm, dedit dona hominibus. Rursus sicut in i. cap. huius ad Ephes. epistole, ita hic denuo inculcat Christum elatum in cælos, plenitudinem esse omnīū fideliū. Nā et alibi legimus, Et de plenitudine eius nos omnes accepimus. Item, in Christo estis cōpleti.

Remouere Si vero serio arbitrantur aduersarij religiose se re-
quātitatem mouere à corpore Christi pondus & molem, pascente
& locum à domini coniuinas suos in Cœna sua, cur obsecro tantope-
corpore re
Christi.

re & veluti hæreticam labem in nobis persequuntur, quod cum ipsi faciunt laudi sibi ducunt, & veluti orthodoxum predican? An vero aliud est remouere à corpore Christi molem et pondus, et aliud asserere Christum quidem adesse ac pascere, sed non corporaliter? Ergo cum etiam vobis iubentibus & vestro exemplo pondus & molē corporis remoueamus, quid ita in nos debachamini, cur apud Ecclesias omnes nos veluti impostores et hæreticos defertis? Videte fratres, videte ne Andabat arū more pugnetis. Habet oculos qui hac nostra legūt, habebit et posteritas iudiciū, et fortassis purgatus ab affectib. prauis, quam forte nunc multi habeant.

An vero corpus dñi nostri Iesu Christi vere humanū ea de causa cūenās à corpore humāo cōditiones sibi sum pserit, quia cōstet ipsum à verbo ēterno in utero virginis inseperabili cōiunctione esse assumptū, iā oīlī orthodoxe, doctē et breuiter expositum est à beatæ memoriae ampliss. pīssimo eruditissimo q̄z viro D. Ioach. Vadiano Cos. Sangallen. cū in epīstola quam ad me scripsit, tum in alijs eius libris cōtra Casparē Schuenkfeldiū editis: et sequentur in nostris quoq; eadem de re aliqua.

Quoniam enim in hac causā aduersarij nostri nos grauiissimē insectantur & inpingunt nobis blasphemias, absurditates, stultæ rationis argutias & mera ludibria, utpote qui relicta theologia sincera ad philosophiā impurā concesserimus, indeq; doctrinam nostram fulcianus, sed & alibi Nestorianæ labis suspicione nos premere videantur, paucis & perspicuis cōmemorabo, quam sincerè in hac causā sentiamus & doceamus, et

quod nihil noui, nihil philosophici, adeoq; nihil in uniuersum hic proferamus, quod non didicerimus ex scripturis canonicis, & scripturae consentientibus patribus (hactenus enim ipsorum testimonys utimur: alioqui eorum autoritate primi nos non sustinemus) vetustis, cum quibus vti & cum orthodoxa & catholica ecclesia consentimus, quo nomine à bonis viris orthodoxi & catholici, non haeretici Nestoriani ue appellandi sumus.

De utraque in Christo natura impermixta, in una indiuisa persona.

Christus
verus Deus & ho-
mo.

Credimus & docemus scripturis sanctis instructi & totius ecclesiae veteris consensione inducti Christum dominum nostrum Deo patri consubstantialem esse secundum diuinitatem, nobis autem consubstantiale esse secundum humanitatem, ut idem sit et permaneat verus & naturalis Dei & hominis filius, Deus et homo verus. Testimonia diserta, copiosa et irrefragabilia dudum adduximus in libris nostris, vnu et alteru nuc sufficere arbitramur, Ioā. dicit, In principio erat verbū, et verbū erat apud deū, et deus erat verbū. Et verbū caro factū est, et habitauit in nobis. Idē Ioā. in sua Canonica. Omnis spiritus, inquit, q confitetur Iesum Christū in carne venisse, ex Deo est: & omnis spiritus qui non confitetur Iesum Christum in carne venisse, ex deo non est. Et iterum, Nos sumus in vero, in filio eius Iesu Christo: hic est verus deus & vita eterna. Paulus vero, Cum Iesus Christus, inquit, esset in forma Dei, non rapinam arbitratus est ut esset aequalis Deo, sed semetipsum

ex-

exinaniuit forma serui sumpta, in similitudine hominū constitutus, et figura repertus ut homo. Addimus ipsis diuersas illas naturas diuinitatē & humanitatem coniunctas esse & unitas in una inseparabili persona: ita tamen, ut adhuc in unitate personæ naturarū proprietates extent aut permaneāt illæsæ, non tollantur aut despereant, aut confundantur, ex duabus una duntaxat constituta natura. Agnoscimus enim unum duntaxat Christum, verum Deum & hominem verum.

Coniunctionis autem vel unionis huius modum scrip*Coniunctio*
ptura simpliciter exponit, & dicit: Deus homo factus *vel unio*
est. Ioannes enim dicit, Verbum caro factum est. At ne
quis suspicetur nos confiteri verbum conservum esse in
carnem, cum orthodoxis huiusmodi expositionem ad-
iungimus, Deus assump*ti* hominem *naturam hu-*
manam, manens inconuertibilis. Expositionem autem
hanc didicimus ex Apostolo, dicente: Filius Dei nuptiā
angelos assumit, sed semen Abrahæ assumit. Dicimus
autem carnem verbo, non ut alienam, sed ut propriam
unitam indiuisibiliter: non nescientes, quæ ob hanc rem
fuerint inter veteres contentiones.

Quod autem proprietates naturarum impermixtas *Proprieta-*
aut inconfusas retineat Dominus noster ipsemet Pha-*tes natura-*
risæ ostendit testimonio Dauidis ex Psal. 110. apud Mat-*rū integras*
thæum in cap. 22. Isaias quoqud dixit: Ecce virgo concipi-*& illæsæ*
et, & pariet filium, & vocabunt nomen eius Immanuel,
id quod est, nobiscum Deus. Idem propheta: Puer, in-
quit, natus est nobis, & filius datus est nobis. Micheas
quoqud dixit: Ex Bethlehē prodibit mihi, qui dominator

sit in Israël: & exitus eius à seculo, à diebus æternitatis. Sed & Paulus ad Romanos: Vocatus sum, inquit, ad anuncianum Euangelium de filio Dei, qui factus est ei ex semine David, secundum carnem, qui definitus est filius Dei per potentiam, &c.

Vna indiui sapersona. Ita vero in unitate personæ indiuisus manet Dominus noster, ut ipse Dei filius, cuius generationem nemo enarrauerit, nasci dicatur ex virginie. Nam, Quod ex te nascetur, ait ad virginem angelus, filius Dei vocabitur. Ac nisi fateamur ex virginie Dei filium esse natum, consequetur illam nudum genuisse hominem. legimus ergo alibi, Dominum gloriae esse crucifixum. Et apostolus: Sanguis, inquit, filij Dei emundat nos ab omni peccato. Denique extant huius generis plurima ubique in sacris testimonia. Ceterum ea lo-

*Communi- quendi figura appellatur ab alijs ἀλλοιώσις alteratio-
catio idio- vel mutatio, à Ioanne Damasceno vocatur ἀντιδο-
matum. σις, mutua largitio vel alternata attributio. Vulgo di-
citur Communicatio idiomatum, nempe cum alteri na-
turæ ea proprietas communicatur, quæ propria est al-
terius. Verbi gratia: Nemo ascendit in cœlum, ait Do-
minus, nisi qui descendit è cœlo, filius hominis qui est
in cœlo. Certè non erat humana natura tunc in cœlo,
cum loqueretur ista Dominus, sed erat in terra: quia
verò assumpta est caro in societatem vel unionem di-
uinitatis, huius proprium, humanitati communicatur.
Agnoscit hæc ipse etiam Cyrillus libro de incarnatio-
ne unigeniti, capite 26. Agnoscunt illam exposicio-
nem & alij interpretes. Ac copiosius alibi dictum est
de*

de hisce loquutionibus.

Diligenter vero admonemus, ne quis propter unionem indiuisam, inter naturas quoq; non distinguat easq; prium suum confundat. Pulchre enim Theodoretus Dialog. libro 3. sue cuique sciendum est, inquit, quod nominum confusio non facit naturae trinaturarum confusionem. Rursus nemo existimet se nam non dissociare aut dissuere unitatem personae, ac ex una uidit. se facere duas, cum cuiolibet naturae proprium illud suum tribuit. Id ipsum beatus Athanasius (sicut et totum negotium, de quo hucusque desseruimus) significantiissime exposuit in symbolo suo, & dixit: Dominus noster Iesus Christus Dei filius, Deus & homo est. Deus est ex substantia patris, ante secula genitus: et homo ex substantia matris, in seculo natus. Perfectus Deus, perfectus homo, ex anima rationali et humana carne subsistens. Aequalis patri secundum diuinitatem, minor patre secundum humanitatem. Qui licet Deus sit et homo, non duo tamē, sed unus est Christus. Unus autem non conuersione diuinitatis in carnem, sed assumptione humanitatis in Deum. Unus omnino non confusione substantiae, sed unitate personae. Nam sicut anima rationalis & caro unus est homo, ita Deus & homo unus est Christus. Ab hac similitudine non abhorruit Theodoretus, qui allatis pluribus scripturæ exemplis, haec illustrat tertio Dialogo, & ait: Naturalem animæ & corporis unionem non soluimus, sed nec à proprijs corporibus animas separamus, sed ea quæ sunt naturarum propria, consideramus. Quando ergo dicit scriptura: Extulerunt autem Stephen-

num viri py, & fecerunt planctum magnum super ipsum, dices ne animam cum corpore esse sepultam? Non opinor. Et quando audieris Iacob patriarcham dicentem: Sepelite me cum patriarchis meis, intelligis id de corpore, non anima esse dictum. Et mox: Nos recte distinguimus & dicimus animas esse immortales, sola autem corpora patriarcharum sepulta esse in spelunca duplice. Ita nos quoque dicere consueimus: In hoc vel illo loco hic sepultus est: & non dicimus, Corpus huius vel illius, sed hic vel ille. Quicunque autem sanæ mentis est, scit nos loqui decorpore. Ita cum Euangelista toties meminissent corporis Christi sepulti, tandem personæ nomen posuerunt, & dixerunt: Iesum positum esse in monumento. Et reliqua. Beatus quoque Vigilius martyr diligenter in his explicandis laborans libro contra heresies i. manifestissime ostendit proprietates naturarum distinctas, ratione personæ non discindere, ut ideo consequatur duas Christi esse personas, quod duæ in ipso extant distinctæ non confusæ naturæ. Metuendum est, inquit, ne isti qui inanissimo metu utriusque naturæ proprietatem in circō nolunt accipere, ne videantur duos Christos inducere, similiter nobis & de Trinitate questionem aliquā moveant, ut quia sunt quædam propria patris, quæ nec ad filium nec ad spiritum sanctū pertineant, & sunt quædam propria filij, quæ nec ad patrem, nec ad spiritū sanctum pertineant: & sunt quædam spiritus sancti, quæ nec ad patrem nec filium pertinere monstrantur, tres à se inuicem separatos, criminantur catholicos colere deos. Et post commonstrata personarum in trinitate propria:

Si ergo, inquit, hæ tres personæ habentes singulæ suas proprietates, quibus significandæ distinguantur, nō qui bus separentur, unus est Deus, quomodo filius salua vtriusq; naturæ proprietate, non unus est Christus? Ad ycit, Nam & in homine pleraq; inuenies ita proprietate quadam sequestratiū distincta, ut si & ibi calumniari volueris, de uno homine multos facias. Et post longam & evidentem horum declarationē, ne doctrinam suam fulcire videretur parabolis, subiungit & ait: seductorum temeritas, quæ pro numero naturarum diuersitatē ingerit personarum, apostolica est autoritate frangenda & penitus conterenda. Et reliqua, quæ ibi fuisis commemorantur ex scripturis.

Non possum hic disimulare, cum hæc res mirificam lucem huic causæ inferat, Nestoriū hereticum confessum esse duas quidem naturas, sed totidem etiam asseruisse personas. Docebat enim verbum, quod & superius monuimus, carni non unitum esse in eandem personam, sed inhabitasse duntaxat. Vnde & beatam virginem deiparam vel Dei matrem appellari vetabat. Illam carbonariam, quod dici solet, vitare volens Eutyches, incidit in calcariam. Nam constituebat in Christo unam duntaxat naturam, eamq; ex diuina & humana compositā, id est, confusam. A cuius delirio nō multum abfuerunt, qui postea appellati sunt, Monothelitæ.

Nestorium grauiter oppugnauit Cyrillus Alexan- drinus episcopus, congregata etiam Alexandriae pro- uinciali synodo, unde & tertiam ad Nestorium scripsit epistolam, cui multum celebrata illa duodecim capi-

Nestorius
& Eutyches.

Cyrillus op-
pugnat Ne-
storium.

ta vñà cum Anathematismis adiunxit. Porro hæc multis ysq; graibus viris, imprimis Ioanni Antiocheno, deinde multis alijs, potissimum eius prouinciae episcopis, in quibus erant Achatius Beroënsis annos natus 110. Paulus Emysenus, Ibas Edessenus, & sapiens ille (ut à Nicephoro & alijs appellatur) Theodoretus Cyrensi episcopus, suspicionem prebuerunt, quasi Apollinaris errorem, qui diuinitatem cum humanitate confundebat, renouare et confirmare videretur. Inde Theodoretus (qui postea ut orthodoxus in Synodo Chalcedonensis collaudatus est) iubente archiepiscopo suo Ioanne, in capita illa Cyrilli scripsit: quæ & mox ceu affinia Apollinaris dogmatibus, ab Orientalibus maximè episcopis damnata sunt, approbantibusque Imperatoribus Theodosio & Valentiniano author eorum sede episcopali amotus est. Hic verò facta declaratione & apologetico edito ad Orientalium obiectiones, vulgataque Antithesi aduersus Theodoreti reprehensiones, ostendit non Apollinaris sè dogma reparare, sed Nestori coriūmque dogma refellere, qui communem pro nobis hominem subiisse mortem assuerabant. Ideoque in duodecimo anathematismo, non ut illi existimabant, cum diceret, verbum Dei carne passum, naturæ proprietatem, sed personæ unitatem spectasse. Sic enim hanc loquitionem explicat in Antithesi, & ait: Quando carne dicitur pati, non ipse in propria natura intelligitur pati, ipsius enim factum est unitum sibi corpus. Et mox: Aliud est, inquit, dicere pati in carne, & aliud simpliciter dici pati diuinitatis

Quando
Deus pati-
sus.

nitatis naturam. Quia enim idem Deus simul est ac homo, impassibilis quidem, quantum ad diuinitatis attinget naturam: passibilis vero secundum humanitatem. Quid hic absurdum, si dicatur pati in eo, quod pati potest: qui mansit impassibilis in eo quod pati non potest. Hac declaratione facta, et apologia Imperatoribus exhibita, non modo reconciliatus est Cyrilus Orientalibus et omnibus pijs, sed et episcopatui suo restitutus. Idem Cyrilus in Ephesina Synodo cap. 13. significantissime loquens: Sic illum dicimus, ait, et passum esse et resurrexisse; non quia Deus verbum in sua natura sit passus, aut plagas aut clavorum transfixiones, aut alia vulnera suscepit: Deus enim incorporalis extra passionem est: sed quia corpus illud, quod ipsius proprium factum est, hoc sustinuit, ideo haec omnia pro nobis esse dicitur passus. Inerat enim in eo corpore, quod patiebatur Deus, qui pati non poterat. Similiter modo et mortem ipsius intelligimus. Immortale enim et incorruptibile est naturaliter et vita et vivificans Deus verbum: sed quia corpus ipsius proprium, gratia Dei (iuxta Pauli vocem) pro omnibus mortem gustauit, ideo ipse dicitur morte pro nobis passus: non quod ipse mortem esset expertus, quantum ad ipsum naturam pertinet (insania enim est hoc vel sentire vel dicere) Sed quod, ut diximus, vera caro ipsius mortem gustauit. Tantum Cyrilus.

Significanter loqui.

Et quidem nihil aliud requirebat Theodoreetus, nisi ut ad hunc modum significanter et dilucide sancti viri, quod sentiebant, explicarent. Nam in fine

operis Dialog. 3. sic scriptum reliquit: *Qui Deum verbum carne passum affirmant, rogentur quid sentiant.* Et si dicere quidem ausi fuerint, quod corpore afflito diuina natura dolorem subiit, discant diuinam naturam animæ usum non implesse. Etenim Deus verbum animam cum corpore susceperebat. Sin autem hoc dictum, ut impium & blasphemum auersentur, dicunt autem carnem quidem natura esse passam, Deum autem verbum passionem utpote propriae carnis, sibi accommodasse, ne perplexas verborum tendiculas tenebrasq; offendant, sed peruersi dicti sententiam aperte pronuncient. Huic enim interpretationi eos suffragantes habebunt, qui sacram scripturam sequi volunt. Hac ille.

*Eutyches
oppugnatus
& damnatus.*

Porro Eutychen & Diiscorum una cum reliqua Eutychianorum schola constanter oppugnarunt Flauianus Constantinopoleos & Leo Romanæ ecclesiæ episcopi. Extant Epistolæ hac de re scriptæ non paucæ inter Leonis epistolas, ut 3. 4. & 5. item insignis illa ad Palæstinos, quæ ordine numeratur 41. ut memorabiles duæ ad Leonem Imperat. Coacta est tandem, Martiano imperante, contra Eutychianos œcumenica illa Chalcedonensis Synodus Patrum 636. qui in hanc sententiam concorditer definierunt, Patrum uestigis insistentes, unum atque eundem profitemur esse filium Dominum nostrum Iesum Christum, & una voce omnes depredicamus perfectum eundem in diuinitate, & perfectum eundem in humanitate, Deum verum & hominem verum eundem, ex rationali anima & corpore: consubstantialem patri, secundum diuinitatem: consubstantialem autem nobis

nobis, secundum humanitatem, per omnia nobis aequaliter, absq; peccato. Ante secula quidem ex patre secundum diuinitatem, in extremis autem diebus eundem propter nos et propter nostrā salutem, ex Maria virgine et Dei genitrice, secundum humanitatē genitum, unū et eundem Iesum Christum filium & Dominū unigenitum, in duabus naturis, inconsuē, immutabiliter, indiuisē, insegregabiliter cognitum atq; depraedatū, haudquaquam naturarum differentiam unione tollente, sed proprietatem potius utriusque naturae conservante, quae in personam unam & subsistentiam unam concurrit: non veluti in duas personas differtit aut diuisum, sed unum & eundem filium unigenitum Deum verbum, Dominum nostrum Iesum Christum: quemadmodum antiquitus prophetæ, & ipse de seipso nos docuit Christus, & symbolum patrum nobis tradidit. His igitur cum cura & diligentia omni à nobis constitutis, sancta & uniuersalis Synodus decreuit, ut nemini liceat aliter sentire, aut fidem alias proferre, vel conscribere, vel componere, vel alios docere.

Pulchrè his consentiunt ecclesiasticæ definitiones, ecclesiastio quæ in hunc modum habent: Non pater carnem assum ca. psit neque spiritus sanctus, sed filius tantum, vt qui erat in diuinitate Dei patris filius, ipse fieret in homine hominis matris filius: ne filij nomen ad alterum transiret, qui non esset æterna nativitate filius. Dei ergo filius factus est hominis filius, natus secundum veritatem naturæ, ex Deo Dei filius, &

secundum veritatem naturæ, ex homine hominis filius: ut veritas geniti, non adoptione, non appellatione, sed in utraq; natuitate sily nomen nascendo haberet, & esset verus Deus & verus homo unus filius. Non enim duos Christos, neque duos filios fatemur, sed Deum & hominem unum filium: quem propterea unigenitum dicimus, manentem in duabus substantijs, sicut ei naturæ veritas contulit: non confusis naturis neque immixtis, sicut Timothiani volunt, sed societate unitis. Deus ergo hominem assumpsit, homo in Deum transiit: non naturæ versibilitate, sicut Apollinaristæ dicunt, sed Dei dignatione, ut nec Deus mutaretur in humanam substanciali, assumendo hominem, nec homo in diuinam glorificatus in Deum. Quia mutatio vel versibilitas naturæ & diminutionem & abolitionem substantiæ facit.

Paria his scribit per omnia Tertullianus sub finem libri contra Praxeam editi.

Christi Domini corpus diuinitati coniunctum non ubiq; esse, sed in loco.

Farrago consentientium. Est enim hæc definitio de utraque Christi natura in una indiuisa persona semper ad hunc modum, quem exposuimus, tradita in Christi Ecclesia, à sanctis omnibus, etiam ante Synodū Chalcedonensem: et post ipsam continuè, sanctissimis & doctissimis quibusq; diserte exprimentibus sanctū Domini corpus diuinitati adunitū, propter veritatē humanæ naturæ, non ubiq; esse, sed in loco. Adduxerunt quidē aduersary nostri longo catalogo clarorū nostrarū etatis ministrorū Ecclesiae testimonia quibus

quibus astruere volunt corpus Christi assumptū à diuis
nitate, et sublatū in cœlos ad dexterā patris, esse ubiq.
Ego verò ut illos, quorū testimonia adduxerūt, veneror
propter eximia ipsis à Domino cōcessa dona, et propter
beneficia ecclesiæ prestita, ita sat scio, ipsos qui viuunt ad
huc, pro sua modestia, nō agrè laturos, si videat me hac
in causa malle sequi diserta scripturæ diuinæ testimonia
et consensum totius ecclesiæ catholice, cuius sententia
doctores aliquot insignes significantissimè expresserūt,
testificantes Christi corpus non esse ubique, sed pro ve-
ritate sua in loco.

Non piget me hīc in primis recitare, ex repetendo
inculcare omnibus hominibus, nedum aduersariis no-
stris, beati Augustini sententiā, vt pote illustrē admo-
dum et minimè anticipē. Noli dubitare, inquit ad Dar-
dan. epist. 57. ibi nunc esse hominē Christum Iesum, un-
de venturus est, memoriterque recole ex fideliter tene
Christianam confessionem (en appellat Christianam,
non hæreticam confessionem) quoniam resurrexit à
mortuis, ascendit in cœlum, sedet ad dexteram pa-
tris: nec aliunde, quam inde venturus est iudicare
viuos & mortuos. Et sic venturus est illa angelica
voce testante, quemadmodum ire visus est in cœlum,
id est, in eadem carnis forma atque substantia: cui pro-
fecto immortalitatem dedit, naturam non abstulit.
Secundum hanc formam non est putandus ubiq^{ue} diffi-
sus. Cauendum est enim (obseruate mihi hoc Cauen- Christicus
dum est) ne ita diuinitatem astruamus hominis, ut ve- pus non re-
ritatem corporis auferamus. Non est autē consequēs, ut bique.

quod in Deo est, ita sit ubiq_z, ut Deus. Nam & de nobis veraciſima ſcriptura dicit, quod in illo viuimus mouemur & ſumus: nec tamen ſicut ille, ubique ſumus: ſed aliter homo ille in Deo: quoniam aliter & Deus ille in homine, proprio quodam & singulari modo. Una enim perſona Deus & homo eſt, & utrumq_z eſt unuſ Christus Iesuſ: ubiq_z per id quod Deus eſt, in cælo autē per id quod homo.

De testimo-
nio Au-
gust. ad
Dardanū.

Miferè hic ſe torquent & luctantur aduersarij, ve hunc locum nobis ex manib_z extorſiſſe videantur: ſed fruſtra. Claritas enim eius omnes ſutelas & artes illorum diſſipat. Siunt illum non eſſe ab August. de cœna Domini ſcriptum, & ideo nihil facere ad noſtrum pro poſitum. At ſcriptū eſſe negare non poſſunt de vero cor pore Christi & eius ingenio. An verō iſti aliud quām verum et naturale Domini corpus contendunt exhiberi in cœna? Si ergo verū Domini corpus exhibetur in cœna, ut ipſi ſe explicant et dicunt corporaliter: at veri corporis natura non fert, ut per omnia diſſuſum ſit ubiq_z, ſed maneat potius locale: rurſus autem per innumera loca celebretur domini conuiuum ſacrum, dicant nobis obſecro, quomodo ad propositum noſtrum nihil faciat hic Auguſtini locuſ, aut quomodo verum & naturale Domini corpus corporaliter exhibeatur & ſumatur à cœnantiibus? Non habet aduersarij, quo ſe hic explicet, niſi cōcēſſo noſtro illo ſpirituali et ſacramētali modo, corporaliq_z illo ſuo modo neglecto atq_z præterito. Interim ap plaudunt ſibi & ſubinde repetunt, ſibi probè conuenire cum Auguſtino, & hunc viciſſim conſentire cum ipſis.

fis. scilicet. Vident sanè qui purgatiōribus utuntur oculis, Augustinū miserè ab illis vexari et per crines trahi, nec tamen in consensum compelli posse. Illud verò in hac tractatione minimè dissimulandum videtur, quod illustribus & minimè ambiguis locis Augustini, testimonia eius alia opponunt, & ea quidem petita ex Sermonibus de Tempore & sanctis, & ad fratres in heremo: cum interim ignorare non possint, quæ sit de his eruditorum censura. Candorem ergo hic requiro.

Clarissimus eiusdem authoris locus est in eadem epistola: Christum, inquit, Dominum nostrum unigenitum Dei filium, aequalē patri, eundemque hominis filium, quo maior est pater, & ubique totum präsentem esse non dubites tanquam Deum, et in eodem templo Dei esse tanquam inhabitantem Deum, & in loco aliquo cœli propter veri corporis modum. Quo dicto nescio si quid instituto nostro aliud possit vel fingi accommodatius.

Idem, siue alius quispiā vir p̄f̄simus et doctissi. contra Felicianum Arianum cap. 10. Non ego in Christo, inquit, suscep̄tam carnem perpetuitate diuinæ generationis extendo, nec uniuersam deitatem corporei ortus etate cōcludo. Quia idem in diuinitate author est rerū, qui in carne redemptor est hominum, idem imp̄assibilis in se, qui passus in corpore. Et reliqua.

Est alius eiusdem authoris locus unus & alter in 50. Tract. in Ioan. Quos utcunq; anhelent & satagant, nullo fuco, sicut ne illos quidem adductos ex epist. ad Dardan. obducent, quo minus niteant et clarissimos de

Christi cor
pus in loco.

se radios veritatis profundant. Ibi, secundum præsentiam maiestatis, inquit, semper habemus Christū, secundum præsentia carnis rectè dictum est discipulis, Me autem nō semper habebitis. Habuit enim illū ecclesia secundum præsentiam paucis diebus: modò fide tenet, oculis non videt. Et idem iterum in eodem Tract. paulò ante alloquens Iudæum, dicentem: Quem tenebo? absentem? quomodo in cœlum manum mittam, ut ibi sedentem te neam? Respondet, Fidem mitte et tenuisti. Parentes tui tenuerunt carne, tu tene corde. Quoniam Christus absens etiam præsens est. Nisi præsens esset, à nobis teneri non posset, sed quoniam verum est, quod ait: Ecce ego vobis cum sum usq; ad consummationem seculi, et abi; et hic est, et redi; et nos non deseruit. Corpus enim suū intulit cœlo, maiestatem non abstulit mundo.

Idem Tract. in Ioan. 107. Reslat, ait, vt secundum id, quod ipse etiam in mundo prius erat, in mundo se dixerit iam non esse, profectò præsentia corporali, mundo scilicet absentiam suam iam citò futuram, illorum autem tardius, per hoc ostendens, quod se iam non hic esse, illos autem hic esse dixit, cum & ipse hic & illi adhuc essent. Et mox: Et adiecit, Et ego ad te venio, sic exponens quodammodo cur dixerit, iam non sum in mundo. Comendat ergo eos patri, quos corporali præsentia relieturus est.

Ab Augustini expositione nihil dissidet beatus Pater Cyrillus. Nam lib. in Ioan. 6. cap. 14. Etsi Dominus corporis sui præsentiam, inquit, hinc subduxerit, maiestate tamen diuinitatis semper adest.

Idem

Idem libro 9. cap. 21. Paruo tempore, ait, una cum discipulis fore se Christus ait, non quia penitus ab eis recessurus erat, nobiscum enim est semper usq; ad consummationem seculi, sed quia non erat sicut prius cum eis conuicturus. Propè enim iam tempus erat, ut etiam in cœlos ad patrem abiret. Credere autem oportet fideles, quamuis à nobis corpore absit, virtute tamen sua omnia & nos gubernari, adscéque semper ipsum omnibus, qui eum diligunt. Propterea dicebat: Amen dico vobis, ubiunque sunt duo vel tres congregati in nomine meo, ibi sum in medio eorum. Nam quemadmodum, quando ut homo in terra conversabatur, tunc etiam cœlos implebat & angelorum consortia non relinquebat, eodem modo cum sit in cœlis cum carne, terram tamen replet, & cum eis est qui ipsum diligunt.

Idem lib. II. cap. 21. Putabant, inquit, discipuli absentiā Christi, ut hominis dico, Deus enim ubique est, multorum eis incommodorum causam futuram, cum non adesset qui ab omnibus eos possit malis eruere. Sed oportebat (dicā enim liberē) si luminaria orbis postea facti sunt, nō solum in carnem Christi, verū etiā in deitatem respicere: quæ quamuis oculis non cernatur, adest tamen semper summa cum potestate. Nec quicquam est, quod prohibere possit, quin omnia replete, & quod velit peragat. Non enim loco aut dimensionibus circumscripibilis natura diuina est. Quare cum Deus & homo Christus verè sit, oportuit eos intellexisse ineffabilis Deitatis potestate unā cum eis semper

futurum, etiam si carne abesset. Iccirco enim ipse quoq;
in superioribus dicebat: Pater sancte serua eos in nomi-
ne tuo, quos dedisti mihi: aperte significans deitatis ra-
tione, non carnis praesentia, eos posse seruari: quippe ipsa
etiam caro non a se sancta fuit, sed coniunctione verbi
ad verbi virtutem quodam modo reformata, salutis
atque sanctificationis participantibus causa est. Non er-
go carni, ut caro est, operationis diuinæ virtutem, sed
naturæ verbi attribuimus. Et cap. 22. Vbiique tam dei-
tatis dignitatem, quam conuenientem homini mensu-
ram personæ suæ attribuit. Non enim abiecit neque ne-
gat, quod à nobis assumpsit. Item, Discipulis intelligen-
dum relinquit non minus se absentem, quam præsen-
tem eis salutem allaturum, et qua ratione, cum adesset
ut homo, ea etiam absentem seruare posse, &c.

Theodoreus Cyrensis episcopus vir doctiss. & p̄fissi-
mus tres scripsit Dialogos de Incarnationis Domini-
cæ Sacramento, quorū alterū inscripsit Inconfusum, ut
pote in quo euidentissimè & luculètissimè demonstrat,
humanam naturam licet assumptam à verbo, inte-
gram tamen inuiolatamq; manere, etiam in cœlos sub-
latam & collocatam ad dexteram patris. Cum enim
inter alia Eranistes, id est emendator (hunc enim in-
ducit loquentem & vndiquaq; colligentem, corraden-
dem aut conquirentem argumenta pro conuertibilita-
te & confusione naturarum, &c.) obijcere: Postquā
in cœlū assumpsus est dominus, nō existimo te dicturū,
eum non fuisse cōuersum in naturā diuinitatis: inducit
Theod. Orthodoxū respondentē et dicentē: Ego quidē nō
dixerim

dixerim, humanis rationibus persuasus, nec sum adeo audax & temerarius, ut dicam aliquid, quod sacra scriptura silentio præteriit. Sed tamen audiui diuum Paulum clamantem, Statuit Deus diem in quo iudicaturus est terrarum orbem, in iustitia, per virum, quem prefiniit, fidem præbens omnibus, suscitans è mortuis seipsum. Didici etiam à sanctis angelis, quod veniet eo modo quo viderunt ipsum discipuli euntem in cælum. Viderunt autem naturam circumscriptam, non eam quæ circumscribi non potest. Audiui autem ipsum etiam dominū dicentem, Videbitis filium hominis venientem in nubibus cæli. Scio vero esse circumscriptum quod vis detur ab hominibus. Videri enim nō potest natura quæ non potest circumscribi. Dominum quoq; dicentem audiui, Videbitis filium hominis sedentem à dextris virtutis, & venientem in nubibus cæli. Porro autem & sedere in throno gloriae, et statuere quidem agnos à dextris, hædos vero à sinistris, id quod circumscriptum est, significat. Et reliqua. Non causabuntur aduersary nostri hæc esse philosophica, quæ videt perspicuis locis scripturæ communita. Debellant itaq; hunc Theodoreturn una cū alijs sanctis quos eis opposuimus, deinde conuentant rursus arma sua contra nos.

Dydimus quoq; Alexandrinus scriptor vetus & confessor Christi constantissimus, in precio, quod mirum tamē videri poterat, apud Julianum Imperat. habitus, cuius libros de spiritu sancto vertit è Græca in Latinā, beatus Hieronymus, circumscribi afferit palam creaturas: Non negabūt, opinor, aduersary carnem Christi be-

nedictam esse creaturam. Vnde non video quomodo negare possint ipsam esse circumscriptam. Verba Dydni, si quis requirat, haec sunt: Ipse spiritus sanctus, si unus de creaturis esset, saltem circumscriptam haberet substantiam, sicut uniuersa quae facta sunt. Nam et si non circumscribantur loco & finibus inuisibiles creaturae, tamen proprietate substantiae finiuntur. Spiritus autem sanctus cum in pluribus sit, non habet substantiam circumscripam. Et mox post adducta domini verba, Accipietis virtutem superuenientis spiritus sancti in vos, et eritis mihi testes usque ad fines terrae. Si ergo hic in extremis finibus terra, ob testimonium domini constituti, distabant inter se longissimis spacijs, aderat autem eis inhabitator spiritus sanctus, incircumspectam habens substantiam, demonstratur angelica virtus ab hoc prorsus aliena. Angelus quippe qui aderat (verbi gratia) Apostolo in Asia oranti, non poterat simul eodem tempore adesse aliis, ceteris partibus mundi constitutis. Et reliqua.

Si vero negat aduersary nostri corpus Christi circumscribibile et locabile esse, par ratione euacuabit alteram naturam in Christo, humana utique, quae veluti absorpta per diuinitatem & iam tota esse deificata, hoc est in naturam diuinitatis conuersa, videri poterat.

Beatus Vigilius martyr et episcopus Tridensis. contra omnis generis haereses, precipue autem contra Nestorij et Eutychis haeresim doctos pios, & luculentissimos scriptis libros, pro orthodoxa & catholica fide:is libro 4. inter alia disputans contra Eutychianos. Si verbi et carnis una natura est, inquit, quomodo cum verbum ubique sit,

fit, non ubiq_z inueniatur & caro? Nāq_z, quando in terra fuit, non erat utiq_z in cœlo: & nunc quia in cœlo est, non est utiq_z in terra: et in tantū nō est, ut secūdū ipsam Christū spectemus venturū de cœlo, quem secundū verbū nobiscum esse credimus in terra. Igitur secundū vos (obseruent hæc aduersary nostri) aut verbū cū carne sua loco continetur, aut caro cum verbo ubiq_z est. Quādo una natura contrarium quid & diuersum non recipit in seipsa. Diuersum est autem & longè dissimile, circūscribi loco et ubiq_z esse. Et quia verbū ubiq_z est, caro autem eius ubiq_z non est, apparet unum eundemq_z Christum utrinq_z esse naturæ, & esse quidem ubiq_z secundū naturā diuinitatis suæ, & loco contineri, secundum naturam humanitatis suæ: creatum esse, & initium non habere: morti subiacere, et mori non posse: quod unus illi est ex natura verbi, qua Deus est, alterū ex natura carnis, qua idem Deus homo est. Igitur unus Dei filius idemq_z hominis factus filius, habet initium ex natura carnis suæ, & non habet initium ex natura diuinitatis suæ, creatus est per naturam carnis suæ, & non est creatus per naturam diuinitatis suæ: circumscribitur loco per naturam carnis suæ: & loco non capitur per naturam diuinitatis suæ: minor est etiam angelis per naturam carnis suæ, & aequalis est patri secundum naturam diuinitatis suæ, & mortuus est natura carnis suæ, & non est mortuus natura diuinitatis suæ. Hæc est fides & confessio catholica, quam Apostoli tradiderunt, martyres robauerunt, & fideles nunc usq_z custodiunt. Hac Vigilius martyr.

diunt rursus aduersary nostri, fidem expositam, & ea quidem non absurdam, non physicam aut philosophicam, sed verè orthodoxam catholicam Christianam, ac illam ipsam, quam nos hodie tenemus constanter et tradimus ecclesiis concorditer. Plura huius generis alia, et ipsa non dubia, sed certissima & apertissima ex illo auctore possem porferre, sed remitto cupidum lectorem ad ipsum authorem.

Beatus Fulgentius Aphricanarum eccles. episcopus elegantes & pios scripsit libros de mysterio incarnationis dominice ad regem Trasimundum, ac in 2. libro explicans illud domini, Nemo ascendit in cœlum, nisi qui descendit de cœlo, filius hominis qui est in cœlo, dicit, Non hoc dixit Dominus, quia humana Christi substantia fuerit ubiq^z diffusa, sed quoniam unus idemq^z filius Dei atq^z hominis filius, verus Deus ex Patre, sicut verus homo ex homine: licet secundum veram humanitatem suam, localiter tūc esset in terra, secundum diuinitatem tamen, quæ loco nullatenus continetur, cœlum totus impleret & terram, Et reliqua.

Idem eodem libro. Unus idemq^z homo localis ex homine, qui est Deus immensus ex patre, unus idemq^z secundum humanam substantiam absens cœlo, cum esset in terra, & derelinquens terram, cum ascendisset in cœlum: secundum diuinam verò & immensam substantiam nec cœlum dimittens, cum de cœlo descendit, nec terram deserens, cum in cœlum ascendit. Quod ipsis Domini potest certissimo cognosci sermone, qui ut localem ostenderet humanitatem suam, dixit discipulis suis,

suis, Ascendo ad patrem meum & patrem vestrum,
 Deum meum & Deum vestrum. De Lazarō quoque
 cum dixisset, Lazarus mortuus est, adiunxit dicens,
 Gaudeo propter vos, ut credatis, quoniam non eram i-
 bi. Immensitatem verò suā diuinitatis ostendens disci-
 pulis dicit, Ecce ego vobiscum sum omnibus diebus us-
 que ad consumationem seculi. Quomodo ascendit in cœ-
 lum, nisi quia localis & verus est homo? Aut quomo-
 do adest fidelibus suis, nisi quia idem immensus et ve-
 rus est Deus.

Idem lib. 3. Idem atq; inseparabilis Christus secun-
 dum solam carnem de sepulchro surrexit, idem atque
 inseparabilis Christus secundum totum hominem, quē
 accepit, terram localiter deserens, ad cœlum ascendit,
 & in dextris Dei sedet: secundem eundem totum ho-
 minem venturus ad iudicandum viuos & mortuos,
 coronatus fideles & pios. Huius generis innumera
 possem ex isto beato Patre ascribere, sed rursus lectores
 sedulos ad lectionem librorum illorum remitto.

Possem præterea innumera huius generis pro nobis
 afferre ex quinta Synodo Constantinopolitana, item ex
 Actione 4. 8. 10. 11. 18. & alijs Synodi Cōstantinopolita-
 na sexta, sed & ex Toletanis & Spalen. 2. Synodis. ve-
 rum dixi me non molestum fore auditoribus, qui ex ys
 quæ hactenus adducta sunt à me, perspicuè vidēt Chri-
 sti corpus non esse ubiq; sed in loco, & nos dum hoc af-
 firmamus, neq; Nestorianos factos neq; consensum ca-
 tholice fidei conuellere, neq; nouis nostris opinionibus
 ex capitibus nostris & ex insulenta philosophia allatis

& confectis turbare, sed veterum insistere vestigijs fidemq; catholicani & consensum fidei orthodoxum religiosissime custodire, neque vel latum pilum à receptionis dogmatibus orthodoxis & catholicis variare aut tantillum recedere.

Christi Domini corpus ex mortuis excitatum humani corporis ueritatem retinere.

Sufficerent ista quidem exercitatiōribus, nisi per contentionem simplicioribus proponeretur, clarificatio ne non tolli quidem veritatē corporis gloriosi, ita tamē attenuari & redigifere in spiritū, ut adaptari possit ei presentia quam fingunt in Cœna, quasi ad sit corporali ter Christus vero suo corpore, sed tamen glorioſo & modo ineffabili. Et quanquā paucis opponere poteramus dñm dixisse, Hoc est corpus meū, quod pro vobis datur: corpus autem gloriosum impassibile & immortale esse, atq; adeo ipſos iterum recedere à verbis illis suis disertis & claris, non pigebit tamen veritatem reduci corporis Christi, contra omnis generis errores, afferere & prioram & simplicem fidem profiteri.

Scriptura quæ fidei gnomon vel regula est manifestissimè testatur, corpus Christi in resurrectione accepte quidem gloriam et immortalitatem, sed non depositum carnis substantiā, vel naturā veri corporis ac redactum esse in spiritum, quod per omnia & in immensum diffundatur. Angeli enim de corpore Christi resuscitato loquentes, disertè dicunt, Non est hic, Ecce locus, ubi posuerunt eum. Evangelium manifestissi-

Resurre-
ctio Chri-
sti vera.

mē testatur, & ait Christum reliquisse mundum, abiisse, recebisse, sublatum esse à nobis, & assumptum esse in ipsum cælum: quæ omnia veritatem corporis com-monstrant, nec sinunt corporis rediūi veritatem ex-pandere per omnia. Quid quod ipse met Dominus ad discipulos suos, in ipsa resurrectionis die veniens, disci-pulisq; existimantibus se spiritum videre, dixit: Quid turbati estis, & cogitationes ascendunt in cordibus vestris? Videte manus meas & pedes meos. Ne quis autem hoc corpus quod exhibebat videndum, puta-ret alienum ab eo, quod mortuum fuerat, addit: Quia ego ipse sum. Et addidit insuper, Contrectate me & vi-de-te: quia spiritus carnem & ossa non habet, sicut vide-tis me habere. Simul autē manus atq; pedes proferens, commonstrauit stigmatibus & cicatricibus insignes ve-rissimi & unici ipsius sui corporis testes. Hac euiden-tissima demōstratione conuictus beatus Augustinus exclamat, Nec eos audiamus, qui negāt tale corpus do-mini resurrexisse, quale possum erat in monumento. Si enim tale non fuisset, non ipse dixisset post resurrec-tionem discipulis, Palpate & videte, quoniam spirtus carnem & ossa non habet, sicut me videtis habere. Sacrilegium est enim credere Dominum nostrum, cum ipse sit veritas, in aliquo fuisse mentitum. Tantum il-le. Cæterum cum Thomas apostolus non adfuisset di-scipulis, quando ipsis se Dominus & videndum & palpandum exhibuisset, discipuli autem illi testa-rentur vero suo corpore resurrexisse ex mor-tuis Dominum, excipit ille, Nisi verò video in-

manibus eius vestigium vel cicatricem clauorum & mittam digitum meum in vestigium clauorum , & in latus eius, non credam. Ideo & huic peculiariter bonus dominus & videndum contrectandumq; se sistit in conspectu ceterorum discipulorum & ait Thomae, Infer digitum tuum huc, & vide manus meas , & ad moue manum tuam, et immitte in latus meu , & noli esse incredulus, sed sis credulus. Qua demonstracione conuictus Thomas, credidit domino, & adorauit. Quid autem poterat dici planius & certius? Proinde dominus resurgendo ex mortuis corpus suum non depositit neq; in spiritum aut diuinitatem conuertit, sed veritate corporis seruata, in melius instituit ac glorificauit.

*Ascensio
Domini
vera.*

De ascensione corporis Christi, quæ & ipsa veritatem corporis Christi rediuiui afferit, cū superius dictum sit, quantum satis est, non est quod superuacanea repetitione moueam fastidium. Quid quod fides catholica scripturis fundata, manifestissimè confitetur corpora nostra conformia futura corpori glorioso Christi, nostrorumq; corporū resurrectionem futuram talem, quam credimus fuisse resurrectionem Christi? Legatur apostolus ad Philipp. 3. et 1. Corinth. 15. ubi pàlām à Christi corporis natura, & vicißim à nostris corporibus ad Christi corpus argumentando concludit. Cum autem corpora nostra non resolvantur in spiritus neq; in immensum extendantur et sint futura ubiq; cur non seruaremus & veritatem rediuiui corporis in Christo? Quatenus caput membra præcellat , dicitur mox ex Theodoreto.

Hec

Hec verò quæ haec tenus ex scriptura sancta commemorauimus, magno consensu in symbolis catholicæ fidei, & in doctrina fidelium ecclesiae doctorum, expressa sunt, cuius quidem rei aliquot subyiciam testimonia, s. martyr Ireneus significantissimè in symbolo suo, addit carnem ascensioni Domini, confitens Christum in carne ascendisse in cœlos. Quem imitatus beatus Pontifex Damasus, in symbolo suo: *Qui deuicto, inquit, mortuus fuerat, etiam resurrexit, ascendit ad patrem.* Sed et beatus Leo pontifex in epistola sua ad Flavianum episcopum Constantinop. Post resurrectionem Domini, ait, quæ utique veri hominis fuit (quia alter non est resuscitatus, quam qui fuerat crucifixus & mortuus) quid aliud quadraginta dies mora gestum est, quam ut fidei nostræ integritas ab omni caligine mundaretur? Et reliqua. Legatur eiusdem epistola ad Palæstinos, quæ ordine numeratur 41. in qua ait Christi corpus reuoluto lapide resurrexisse. S. Hieronymus in Hieronymus explicatione symboli sui, siue quisquis ille fuerit, certè fidem catholicam exposuit, & dixit: Resurrexit Dominus noster tertia die, ascendit in cœlum, sedet ad dexteram Dei patris, manente ea natura carnis, in qua natus & passus est, in qua etiam resurrexit. Non enim exinanita est humanitatis substantia, sed glorificata, et in æternū cum deitate mansura. Et cetera. Huc pertinet quod nomine & titulo s. Cypriani martyris vulgatum est in symbolum apostolorū: ego illum librum arbitror esse Russini Aquileiensis, cuius nomine

citatur à Ioan. Caſiano lib. de Incarnat. Dom. 7. Ita autem in eo libro legitur: Ascendit Christus ad cœlos, non ubi verbum Deus ante nō fuerat: quippe qui erat semper in cœlis et manebat in patre, sed ubi verbū caro factū ante nō sedebat. Sedere quoq; ad dexterā patris, carnis assumptæ mysteriū est. Neg; enim incorporeæ illi naturæ cōuenienter iſta abſq; assumptione carnis addūtur, neq; sedis cœlestis perfectū diuina natura, sed humana, cōquirit.

Athana-
ſius.

Athanasius ille magnus ad Epictetū inter alia huius generis: Corpus, inquit, ſaluatoris verū erat corpus: quia simile erat noſtro. Soror enim noſtra fuit Maria. Quonia omnes ex Adā ſumus. Et de hoc nunq; aliq; dubtauit, recolens quia ſcripsit Lucas. Postquā enim resurrexit à mortuis & ſtimantibus quibusdā non in corpore ex Maria videri Dominū, ſed pro ipſo ſpiritū, dicebat: Videte manus meas et pedes et uestigia clauorum: quia ego ipſe ſum. Palpate et videte, quia ſpiritus carnem et oſſa non habet, ſicut me videtis habere: et hoc dicens, oſtendit eis manus suas et pedes. Ex quibus conſutari poſſunt iterū, qui dicunt in carnē & oſſa mutatiū eſſe Dominū. Non enim dixit, ſicut me videtis eſſe carnē et oſſa, ſed habere: ut non ipſum verbum in hæc mutatiū eſſe credatur, ſed ipſe in ijs et ante mortē & poſt resurrectionem eſſe credatur. Et cætera. Conſentit Athanasio beatus Cyrillus, qui et ipſe verū corpus Domino reſurgentī & in cœlos aſcendentī tribuit, et hactenū creaturā agnoscit. Nā ad ſucessum Iſauriæ Diocæſ. episcopum, poſtquā multa in hanc ſententiam diſputaſſet, dicit tandem: Imposſibile eſt in deitatis eſſentiam vel naturam aliquid creatu-

Cyrillus.

rarum

rarum posse conuerti. Est autē creatura etiā caro. Ideoq; Caro Chri-
diuinum quidē dicimus corpus Christi: quia corpus est sti creatu-
ra, non con-
Dei et ineffabili gloria illustratū, incorruptibile et iam uersa in dei
sanctum atq; viuificū confitemur. Quod autem in natu tatem.
ram deitatis sit commutatum, neq; sāctorum Patrum
quisquam sensit aut docuit, neq; nos ita sentimus.

S. Hieronymus ex professō & fuse et dōstissimē pīf-
simeq; disputat de veritate corporis ex mortuis excita-
ti, contra Ioannem Hierosolymitanum & omnes Ori-
genianos ad Pammacium. Inter alia hæc Origenis er-
ronea recitat: Nec vos, ô simplices, resurrectio Christi
decipiāt, quod latus & manus monstrauerit, in lit-
tore steterit, in itinere cum Cleopha ambulauerit, &
carnes & ossa habere se dixerit. Illud corpus alijs pol-
let pruilegis (obseruent hæc probè antagonistæ no-
stræ) quod de viri semine & carnis voluptate non na-
tum est. Nec disimulat naturam aërei corporis &
spiritualis. Clausis enim ingreditur ostys, & in fractio-
ne panis euaneſcit. Et reliqua. Ad hæc respondens
Hieronymus: Quomodo, inquit, veras manus & ve-
rum latus ostendit, ita verè comedit cum discipulis,
verè ambulauit cum Cleopha, verè lingua loquutus est
cum omnibus, vero accubitu discubuit in cœna, veris
manibus accepit panem, benedixit ac fregit & dedit
illis. Quod autem ab oculis repente euanuit, virtus
Dei est, non umbræ aut phantasmatis. Alioqui &
ante resurrectionem cum eduxissent eum de Na-
zareth, ut præcipitarent de supercilio montis, tran-
ſiuit per medios, id est, elapsus est de manibus

84 A P O L O G E T I C A

illorum. Nunquid iuxta Martionem dicere possumus,
quod ideo natuit as eius in phantasmate fuerit, quia co-
tra naturā qui tenebatur elapsus est? Et reliqua quibus
fortiter cōfutat leptologos illos fingentes corpus, et tamē
subtile ac conuersum in spiritū. Respōdet ad illud quoq;
quod legitur, Dominus clavis ingressus esse ianuis. Sed
et in comment.ad vlt. cap. Iſaiæ: Miror quosdam, inquit,
aēreum corpus & paulatim in aures tenues dissoluendū,
post resurrectionē introducere, quia Dominus po-
tentia maiestatis suæ ad apostolos clavis ingressus est
Christus
ingressus ia ianuis: qui certè et ante resurrectionē pendulo super ma-
nus clavis re ambulauit incessu: et hoc ipsum apostolo præbuit Pe-
tro, ut qui fide ambulabat, infidelitate postea mergere-
tur, cui dictum est, Quare dubitas modicæ fidei? Idē
conuerso sermone ad Ioannem Hierosolymitanum: Vis,
inquit, resurrectionem verè & non putatiuè, ut loque-
ris, confiteri? Post illa quibus ignorantium blanditus es-
auribus, quod in ipsis corporibus, in quibus mortui su-
mus & sepulti resurgamus, hoc potius adiunge & dic:
Quoniam spiritus carnem & ossa non habet, sicut me
videtis habere: & propriè ad Thomam, Infer digitum
tuum in manus meas, &c. Sic et nos post resurrectionē
eadem habebimus membra, quibus nūc utimur, easdē
carnes, sanguinem & ossa: quorum in scripturis sanctis
opera, non natura damnatur. Hæc est vera resurrectionis
confessio, quæ sic carni gloriam tribuit, ut non auferat
veritatem. Idem mox iterum: Ego liberè dicam, et
quanquam torqueatis labia, trahatis capillum, applau-
datis pede, Iudeorum lapides inquiratu, fidem ecclesiæ
apertissimè

apertissimè confitebor, Resurrectionis veritas catholica sine carne & ossibus, sine sanguine & membris intellegi non potest. Vbi caro & ossa & sanguis & membras sunt, ibi necesse est, ut sexus diuersitas sit, ubi sexus diuersitas est, ibi Ioannes Ioannes, Maria Maria. Lege tu cætera.

Huc pertinet locus Augustini superius ex epistola ad Dardanum. Idem lib. de Civit. Dei 13. cap. 22. et 23. dicit: Certe fides Christiana de ipso Saluatori non dubitat, quod etiam post resurrectionem, iam quidem in spirituali carne, sed tamen vera, cibum & potum cum discipulis sumpsit. Non enim potestas, sed egestas edendi & bibendi talibus corporibus aufertur. Vnde & spiritualia erunt: non quia corpora esse desistent, sed quia spiritu viuificantे subsistent. Nam sicut corpora ista, quae habent animam viuentem, nondum spiritum viuificantem, animalia dicuntur corpora, nec tamen animæ sunt, sed corpora: ita illa spiritualia vocantur corpora. Absit tamen ut ea spiritus credamus futura, sed corpora carnis habitura subsistentiam, sed nullam tarditatem corruptionemque carnalem spiritu viuificantे passura. Tunc iam non terrenus, sed cœlestis homo erit: non quia corpus quod de terra factum est, non ipsum erit, sed quia dono cœlesti iam tale erit, ut cœlo incolendo non amissa natura, sed mutata qualitate conueniat.

Theodore Dialog. lib. 2. qui est ac inscribitur Inconitus, fusus, inducit suum illum Eranisten afferentem in resurrectione corpus domini mutationem accepisse in naturā

diuinitatis. Opponit Orthodoxus: Quomodo ergo diffidētibus discipulus et manus ostendit et pedes? Excipit Eranistes, Sicut clausis ianuis ingressus est. Respondet Orthodoxus, Sed ingressus est clausis ianuis, quemadmodum ex utero est egressus, cum virginis claustra obfisterent, & sicut in mari ingressus est: nondum autem ut tu dicas facta erat naturæ mutatio, etc. Deinde post multam et variam disceptationem, infert Orthodoxus: Ergo manet quidem natura, mutatur autem, quod est eius corruptibile in incorruptionem, et mortale in immortalitatem. Sic autem consideremus quod infirmum et quod sanum corpus est, ex aequo corpus appellamus. Et mox, legitur corpus dominicum surrexit quidem à corruptione et interitu alienū et impatibile et immortale et diuina gloria glorificatum, et à cœlestibus adoratur potestatibus, corpus tamen est, & habet quam prius habuit circumscriptiōnem. His et alijs multis in hāc sententiā disputatis, obicit Eranistes ille: Sed postquam in cœlos assumptus est, existim⁹ te nō ostensurū corpus à viris sancto spiritu inspiratis corpus dici. Respondet Orthodoxus: Ostendam etiam post assumptionē corpus Domini corpus vocari. Audi ergo Paulum dicentem: Nostra conuersatio in cœlis est, ex quo etiam expectamus Seruatoře Dominum Iesum, qui transformabit corpus humilitatis nostræ, ut sit conforme corpori gloriae ipsius. Non est ergo mutatum in aliam naturam: sed mansit quidem corpus verum, diuina gloria impletum, & lucis emittens radios. Illi fit sanctorum corpora conformia. Sin autem in aliam naturam mutatum est, eorum quoq; corpora similiter muta-

mutabuntur. Fient enim illi conformia. Sin autem corpora sanctorum seruant suæ naturæ characterem, corpus quoq; Domini similiter habet suam substantiam immutabilem. Miratur Eranistes corpora nostra æqualia fieri corpori Christi. Declarat ergo hoc Orthodoxus et
ait, Ab interitu quidem corruptione erunt ea quoq;
aliena et immortalitatis participia : habebunt etiam
glorie partem et communionem, quemadmodum di-
cit Apostolus, siquidem compatimur, ut etiam glorifi-
cemur. In quantitate autem magna potest inueniri dif-
ferentia, et tanta quantum differt Sol à stellis, vel
quantum dominus à seruis, et quod illuminatur ab
ab eo, quod illuminat. Suos tamen seruos etiam suis no-
minibus impertit, et qui lux appellatur, sanctos quo
que lucem vocavit: Vos enim, inquit, estis lux mundi:
et qui Sol iustitiae nominatur, dicit de seruis: Tunc ful-
gebunt iusti sicut Sol. In quantitate ergo, non qualita-
te erunt sanctorum corpora corpori Domini conformia.
Et cætera.

Vigilius quoq; martyr contra hæreses disputas, Dicun-
tur sane isti Christum usque ad resurrectionem eius ex-
duabus confiteri naturis, post resurrectionem autem
vnius eum esse fateri. Et mox, Forsan adhuc in terra
positus utriusque erat naturæ, postea vero quam cœ-
los ascendit vnius cœpit esse diuinæ. Et quid ergo ibi fa-
cit nomen filii hominis, si natura ibi non est humani-
tatis? Quomodo rei extanti inane nomen ascribitur?
Quomodo nominis veritas manet, si naturæ proprietas
abest? deniq; dicit, Cum venerit filius hominis in gloria

patris sui. Et iterum: Sicut fulgur exit ab oriente & ap-
paret usque in occidentem, ita erit & aduentus filii ho-
minis. Et iterum: veniens filius hominis, putas ne fidem
inueniet in terra? Daniel quoque: Ecce, ait, in nubibus
caeli filius hominis veniebat. Si amissa est ergo huma-
nitatis natura, cur eius est recensum vocabulum? An
quia nomen opus erat, & res nominis tanquam non ne-
cessaria repudianda fuerat? Sic desipiant, quos nihil er-
roris sui atque ineptiae pudet. Ceterum Dominus Ie-
sus Christus, ut ostendat nostri generis naturam non
fuisse consumptam, veraciter se filium hominis dicit,
secundum quam etiam patrem interpellat pro nobis.
Hæc ille.

Exposuimus hucusq; euidentia pro veritate corporis
Christi, adeoq; pro causa nostra contra aduersarios scri-
pturæ testimonia, clara Patrum dicta, & minimè anci-
pites sententias: deniq; in hoc genere dogmatis totius ca-
tholice Ecclesiæ consensum. Concludimus ergo manife-
stè contra veritatem fidei pugnare corporalem, quam
isti omnibus obtrudunt, Christi in pane præsentiam, ve-
pote quæ non potest, nisi veritas corporis Christi corpo-
risq; proprietas evacuetur, statui. Ostendimus nos nulla
noua primitiæ Ecclesiæ ignota proferre dogmata. Pur-
gamus nos ab omni suspicione hæreseos, nedum à Nesto-
riani dogmatis infamia. Neque interim aduersarios no-
strros aspergimus ipsis asperginibus, à quibus illi (metuo)
vix abstinerent, in coinquinandis nobis, si ea ipsis esset
occasio & facultas, quam omnes fideles nos habere, ma-
nifestissime vident.

Nullas fuisse contentiones apud ueteres de
præsentia corporis Christi in Cœ-
na Domini.

Cum autem vniuersa vetustas de veritate corporis Christi ita senserit concorditer & constantissime, nihil mirum est nullas ei fuisse contentiones de sensu verborum Domini, Hoc est corpus meum, aut de præsentia & manducazione & potu veri corporis & sanguinis Christi. Omnes enim agnoscebant figurate dictum esse, Hoc est corpus meum: omnes agnoscebant sacramentū & mysterium, quod spiritualiter perficeretur per fidē. Et hāc doctrinā in ecclesia Dei post octingentos à Christo nato annos usurpatum esse testari potest, vel Bertrami presbyteri libellus, quem iubente Carolo Calvo Francorum rege, conscripsit. Quanquam ex illo ipso libello colligere liceat, vel illo tempore & ante id tempus fuisse exortos qui sentire cœperint quod nulla sub figura, sed ipsius veritatis nuda, ut ille ait, manifestatione mysterium peragatur. Certe Ioannes Damascenus qui Lib. de ora & idola in tēplis defendit, quo nomine à septima (quā thod. fide 4. ita quidem falso dictam aiunt) Synodo damnatus est, cap. 14. pertinet oīyōt̄ transmutationem panis & vini mi- raculosam & ineffabilem in corpus & sanguinem Chri- sti affirmauit, manifeste scriptum relinquens, Non est figura panis corporis Christi (absit hoc) sed est ipsum corpus domini deificatum. Si quæras modum, nihil am plus scimus, quam quod verbum Domini, Hoc est cor pus meum, est verum & efficax & omnipotens, mo- dus autē inscrutabilis. Floruit hic post septingentos à

natiuitate Domini annos, imperante Leone Isaurico.

Panis est In veterū verò monumentis utrūq; genus loquēdi in
Corpus ecclesia usurpatum fuisse deprehendimus, & panē &
Christi & vinū esse verū corpus & sanguinē Christi: et panē &
sacramentū vinū signa symbola & sacramenta esse veri corporis et
corporis sanguinis Christi. Qui dicebant panē & vinū esse verū
Christi. corpus et sanguinem Domini, non oppugnabant eos ceu
fidei hostes, & hæreticos et sacramentorum euersores
qui appellabant panem et vinū signa, symbola vel sacra
menta veri corporis & sanguinis Domini. Agnosce-
bant enim et ipsi loquutionem sacramentalem & my-
sterium, neque ita crassi erant, ut figuratas loquitiones
velut proprias exponendas contenderent. Rursus qui
appellabant panem & vinum sacramenta corporis et
sanguinis Domini, non abhorrebant ab illa loquitione,
Panis est verum corpus Christi, & vinum est verus san-
guis Christi, quæ percipiuntur à fidelibus. Neq; enim de
his contendebant, neq; in sacramentis nihil aliud agno-
scabant, quam plura vel nuda ac prophana signa. Nam
intelligebant omnes & fatebantur, Christifideles spiri-
tualiter per fidem participare rebus cœlestibus, qua-
rum sacramenta ore percipiebantur. Ergo S. Hierony-
mus hæc domini verba, Hoc est corpus meum expo-
nebat, ut superius dictū est, per representationem. Idē
in epist. de Exuperio Tolosano episcopo loquens, Corpus
Domini, inquit, in canistro vimineo & sanguinem ge-
stabat in vitro. Idem rursus in Ecclesiasten, Quia caro
Domini, inquit, verus est cibus, et sanguis eius verus est
potus iuxta ḥ̄γειωγίη hoc solum habemus in præsen-

tiseculo bonum, si vescamur carne eius cruoreq; potemur non solum in mysterio, sed etiam in scripturarū letione. Verus enim cibus & potus qui ex verbo Dei suumit scientia scripturarum est. Ade eundem modum scribunt & loquuntur etiam alijs scriptores ecclesiastici. Iustinus

Ideoq; libenter recipimus s. martyris Iustini testimoniū, quod in libris aduersariorum nostrorum, veluti inuictum corporalis praesentia & manducationis testimonium, à fronte, velut in acie collocatur. Etenim in cœna agnoscimus non vulgarē panē, sed verbo et institutione Christi, qui veram pro nobis carnem assumpsit, consecratum vel sanctificatum (& has tenus quidem mutatum) panem, alimoniam in quam paucem fideles ad vitam aeternā, & sic circa corpus et sanguinem Dñi, quæ sola vide percepta vivificare possunt. Reclite vero & Tertull. 2. ad uxore suā lib. in cōmoda recitans matronæ Christianæ marito gētili nuptæ. Non sciet maritus, inquit, quid secretò et ante omnem cibū gustes: & si scierit panem, non illū credit, qui dicitur. Item, Quis ad coniuicium dominicum illud, quod infamant, sine sua suspicione dimittit? Cæterum idem in Apologetico cap. 10. commemorat ethnicos infamauisse mysteria Ethnici in Christianorum, quasi hi in istis ut Thyestæa cœna vera famarunt carnem humanam deuerarent verumq; potarent sancta mysteria Christianos guinem. Contra hos differēs inter alia: Porro quale est, rum. inquit, ut quos sanguine pecoris horrere (etenim tunc adhuc secundū apostolicū decretū, à suffocato et sanguine abstinebant Christiani) cōspicitiis, humano inhiare credatis? Et iterū, Erubescat error uester Christianos q

ne animalium quidem sanguinem in epulis esculentis habemus, qui propterea quoque suffocatis et morticinijs abstinemus, ne quo sanguine contaminemur, vel intra viscera sepulto. Et cetera. Nihil autem mirum est ita iudicasse crassos, et spiritu dei vacuos gentiles, utpote qui mystica verba et sacramentales loquitiones, quas audiabant, carnaliter non spiritualiter interpretabantur. Oecumenius certe epistolam S. Petri enarrans, et quod apud omnes ecclesiasticos scriptores legerat, veluti in compendium contrahens sic scriptum reliquit, Obloquentes autem de nobis gentiles inducit Petrus. Quod si quis cognoscere vult ex ijs quae Irenaeus Lugdunen. episcopus de Sancto et Blandina martyribus memoriae tradidit, manifeste perspicere potest. Ea ut breuius referamus, eiusmodi sunt. Cum Graeci Christianorum prima institutione instruitorum, quos Catechumenos vocant, seruos comprehendissent, eosque cogerent, ut arcani aliquid de Christianis proderent, serui hi cum nescirent quid iucundi ipsis possent referre, quantum ab heris suis audierat, Corpus scilicet et sanguinem Christi esse, quod in sacra mensa sumeretur, id reuera ipsi carnem et sanguinem esse existimantes, inquirentibus euulgarunt. Ipsi vero id certo fieri a Christianis rati, in reliquos Graecos diffamarunt, et Sanctum et Blandinam confiteri fidem tormentis coegerunt. Quibus Blandina sumpta fiducia opportunè dixit: Quo pacto, inquiens, facere hoc Christiani paterentur, qui ne concessis quidem carnis, exercitationis et continentiae causa frui volunt? Hactenus ille.

Huc pertinere arbitror quod beatus Augustinus aperte vocat scelus aut flagitium corpus Christi edere corporaliter. Verba authoris si quis requirat, haec sunt: Si præceptiva loquutio est aut flagitium aut facinus ventans, aut utilitatem aut beneficium iubens non est figurata. Si autem flagitium aut scelus videtur iubere aut utilitatem aut beneficentiam vetare, figurata est. Nisi manducaueritis, inquit, carnem filij hominis & sanguinem biberitis, non habebitis vitam in vobis, facinus vel flagitium videtur iubere. Figura est ergo præcipies passioni Domini esse cōmunicandum, & suauiter atq; utiliter recondendum in memoria quod pro nobis caro eius crucifixa & vulnerata sit. Et reliqua quæ leguntur 3.lib.de Doct.Christ.cap.16. Quis ergo ex his omnibus quæ attulimus, non colligat, tametsi primatiua ecclesia disertè confessâ sit fideles carnem verā & sanguinem Domini verum verè manducare & bibere, nunquam tamen cuiquam fidelium venisse in mentem, id fieri corporaliter & naturaliter, sed spiritualiter potius ac mystice, qui modus solus cognitus rectè à priscis dictur fidelibus. Proinde omnibus istis seculis abunde satis erat confiteri fideles verè participare corpore & sanguine Domini. Nemo adgebatur ad has voces Carnaliter, Naturaliter, Corporaliter, Substantialiter, in pane, sub pane, cum pane, aut mutata etiam & transubstantiata substantia panis in substantiam corporis Christi.

Fateor sānè voces Corporaliter & Naturaliter, inneniri in negotio Cœna apud beatum Cyillum, sed lon-

gē alia ratione, quām hodie soleant afferri. Id quod copiosissimē collatis inter se sententīs, demonstrauit beatæ memorię D. Ioānes Oecolamp. Explicat semetipsum & ipse quoq; Cyrillus fūse lib. in Ioan. II. cap. 26. et 27. Ad obiectiones Theodoreti idem ille assueuerat sacramentum fidelium non statuere κενθρωπισμαγιού homine manducationem, adigens insānē & irreligiōsē (ita loquitur) mentes fidelium ad crassas cogitationes, Coniunctio nostra cum Christo. sed ad ea potius inducere quæ sincera & inexquisita fide capiuntur. Præterea intelligimus coniunctionem illam (quod & superius diximus) quam fidèles cū Christo habent, non fictam aut imaginariam esse, sed veram et haec tenus naturalem corporalemq; utpote quæ primo quidem pertinet ad animā, deinde & ad corpus ipsum nostrum. Venit n. Christus dominus, non duntaxat salvandis animabus, sed & reparandis corporibus. Ideo alibi Cryll. admonet, dominū propterea nostra cōmuni casse carne, quod ita per carnem suā, diuini spiritus opera, vitam suam in nostram quoq; carnem vellet inspirare aut diffundere. Vnde & Paulus dixisse videtur, Ne scitis, qui mēbra vestra mēbra sunt Christi? Et iterum Quoniā membra sumus corporis eiusdem, ex carne eius & ossibus eius: non tam quod cōmunicemus cum eo, et ille nobiscū eadem carne, quam quod participes reddamur immortalitatis & resurrectionis per hoc, quod ille carnem assumpsit, in carne mortuus est & resurrexit, ut vitam carni nostræ communicaret & totos nos anima & corpore restauraret. Id vero cum fidelib. Cœnā celebrantibus reparetur ac repræsentetur, atq; sacra mentis

mētis visibiliter incorporemur Dño et ecclesiae eius, qd
mirū, si audiamus fideles communione mystica unum
cū dño corpus fieri? cū C^o Paulus dixerit, *Vnus panis,*
vnu corpus multi sumus. Nam ex eodē pane participa-
mus. Et qui hoc dixit panem ipsum neq; corporaliter es-
se corpus Christi, neq;₃ sub pane latitare corpus Christi
naturaliter asseruit. Proinde satis aliquādo in ecclesia
fuiisset, si qs dixisset professus ue fuiisset. Christi verū cor-
pus, C^o verum eius sanguinem se percipere in celebra-
tione mysteriorū, etiā si nō adieciisset carnaliter, corpora-
liter, naturaliter, substancialiter aut etiam transsubstancialiter,
in pane, cum pane, aut sub pane, modo tamen in-
effabili: *Quinimo si quis adieciisset has voces, spiritualiter,*
mystice, sacramentaliter, vel ratione sacramentali,
aut modo sacramentis proprio, nō hoc nomine in suspi-
*cione trahebatur hæreſeos, neq;₃ lapidebatur pro sacrile-
go, ut hodie fieri consuevit.*

Euolutis demū mille illis fatalibus annis, manife-
stè de corporali præsentia et mādicatione corporis Chri-
sti in pane, magno ecclesiæ religionis veræ et pacis publi-
cæ malo definitū est in Cōcilijs, quæ diuersa diuersisq; tē-
porib. celebrabātur Florētiæ, Vercellis, Turoni et Romæ:
in quibus gubernacula ecclesiæ et doctrinarū dijudica-
tio penitus deuenerat in man⁹ et arbitriū monachorū,
q; et omnē suā operā collocabāt Romanis pōtificib. quorū
pleriq; isto ſeculo et ipsi erant monachi. Notū eſt autem
historiarum non omnino rudibus, qualia illa fuerint
tempora, quales tunc ſederint Romani pontifices, et qui
meliores videbantur, à quibus fuerint gubernati. Illo

Apoc. 20.

Definitur
corporalis
præsentia et
mādicatione

infelici seculo federat Silvester 2. in omnibus historyjs magis turpis imò fœdissimus. Illo tempore federat Bene dictus 9. federat uem Gregorius 6. quorum discipulum ait fuisse Beno cardinalis, Hildebrandum monstrificum monachum, qui postea cum in sellam pontificam emer- sisset, dictus est Gregorius 7. Hic plerosq; sui temporis pontifices, & melioris quidem notæ homines, pro suo rexit arbitrio, vel certè sustulit veneno. De quibus Be- no copiose, mihi verò iam non est dicendi locus.

De cœna domini al- terum quidem Ioannis Scotti viri doctissimi, non illius terecationes. Dunsy, sed longe vetustioris vel è schola venerabilis Bedæ progressi, & collegæ Albini, vel dicti alias Eri- genæ, qui adductis Patrum sententys, ostenderit myste- ria Christi spiritualia esse: alterum verò Paschasy (Rat berti opinor abbatis Corbeien.) qui & ipse collectus Pa- trum sententys ostendere voluerit corporalia esse myste- ria. Scindebantur inter se docti, alijs huc, alijs illuc incli- nantibus, mutuisq; inter se odys & concertationibus flagrantibus. Inter hos non postremum locum conce-

Berengari dūt Lanfranco Ticiniensi & Berengario Andegauen- si, quorum hic Ioan. Scotti, ille Paschasy partibus adhære- bat. Delata est tandem controversia in celebres Sy- nodos, ac damnatus est liber Ioannis Scotti in Concilio Vercellen. damnata est & doctrina Berengary, qui & concionando & scribendo corporalem in mysterijs sen- tentiam oppugnabat. Hic Berengarius Gallicanarum ecclesiarum minister semel & iterum vocatus in Sy- nodos, postremò sub Pontifice Nicolao in Concilio Roma-

no ad eam est adactus palinodiam, quam Gracianus re-
citat De consecrat. Distinct. 2. Ego Berengarius. Coactus
est autem fateri panem & vinum, quae in altari ponun-
tur (verba ipsa Reuocationis recito) post consecrationē
non solum sacramentum, sed etiam verum corpus &
sanguinem Domini nostri Iesu Christi sensualiter, non
solum sacramentum, sed in veritate manibus sacerdo-
tū tractari, frangi, fideliumq; dentibus atteri. Pulchre
vero hæc congruant corpori Christi pro nobis tradito, Contra
& in cœlis regnanti. Si Augustinus hæc audiuisse, di
xisset piaculum commisissē, & Berengarium, et eos qui
ad talem palinodiam ipsum adegerunt. Berengary
reuocatio-
nem.
Ex libro Lan-
franci appareat Berengarium comisi sceleris egisse pœ-
nitentiam. Platina certè testatur in Ioan. 15. Berengari
um doctrina & vita sanctitate insignem fuisse virum.
Cæterum tam videlicet firma ac certa hæc sunt apud e-
os quoq; qui ista pro sacro sanctis adorant, ut ipse Decre-
torum Glossator, ad margines ascribere compulsus sit.
Nisi sanè intelligas verba Berengary, in maiorem inci-
des hæresim, quam ipse: & ideo omnia referas ad ipsas
species. Hæc ille. Ergo si hæc Commentatoris interpre-
tatio vera est, consequitur manifestissimè ipsum Domi-
ni corpus in veritate manibus sacerdotum nec tractari
nec frangi neg, dentibus fidelium atteri, sed duntaxat
Sacramenti panē. Quid vero hoc aliud est, quam iam-
iam statuta dicta & confessa, iterum irrita reddere, dis-
suere atq; negare? Neg, aliter fædum hunc errorem fu-
cauit & excusauit ipse Sententiarum magister Petrus
Lombardus, dicens ista quidem non corpori esse attri-

buenda, sed symbolo. Vtitur itaque & ipse tropo magister, quo rei tribuitur quod est symbolorum. Interim audet in nos propter usurpatum tropum fulmen contorquere haereseos. Idem ille fatetur Dominum discipulis suis tale corpus in Cœna dedisse, quale tunc habuit, hoc est passibile & mortale, nunc autem nobis dari in sacramento impassibile & immortale sub speciebus panis et vini. Sed oportuit istos homines ita loqui et agere, nec sibi probè constare, ut omnes intelligerent prudenter, illos reuera esse quos Apostolus dixit, non intelligere quæ loquuntur, aut de quibus assuerent. Vnde aduersarijs nostris huiusmodi praesidia inuideo, tantum abest ut amaris sannus, quod ipsi futurum existimarent, excipiam. Citatur enim ab ipsis contra nos Concilium Vercellense & Romanum, sub Nicolao 2. & Gregorio 7. celebratum. Quasi vero istorum Conciliorum decreta ipsa se non refutent.

Innocent.
3. 1215. Reuolutis à morte Gregorij 7. annis circiter 130. In nocentius eius nominis tertius coacto Romæ apud Lateranum Concilio, noua certè audacia symbolo condito inter capita fidei reposuit non iam corporalem præsentiam & mandationem corporis & sanguinis Christi sub latebra vel speciebus panis & vini, sed insuper & Transsubstantiationem: sicuti in Decretalibus manifestè exponitur, ac inter alia legitur: In Ecclesia idem ipse sacerdos & sacrificium Iesus Christus: cuius corpus & sanguis in sacramento altaris sub speciebus panis & vini veraciter continentur, transsubstantiatis pane in corpus & vino in sanguinem potestate

state diuina. Idem ille mandauit Eucharistiam in omnibus ecclesys subacurata custodia conseruari. Id quod legitur Decret.lib. 3. tit. 44.

Interim dissimulare hic non debedo, vel ante Innocentium fuisse, qui opinabantur post consecrationem non sit peresse in Eucharistia substantiam panis. Id quod ex libro Lanfranci contra Berengarium scripto, colligere licet. Ac constat illa secula diuersissimis inter se sententys fuisse distracta. Scholastici scriptores ipsi sententur scripturis sanctis exprimi quidem praesenti Diversae sententiae de praesentia Christi in Cœna, modum autem praesentiae non tamen modo. exprimi. Antiquitus vero varias de illo fuisse sententias. Nam quosdam sensisse panis substantiam manere simul cum corpore Christi: quam tamen quidam illorum vehementer insectantur. Quosdam vero existimauisse panem virtute diuina factum esse carnem Christi. Et quosdam rursus opinatos esse, ipsam panis substantiam definere, accidentia manere, & sub his esse corpus Christi. En quantum opere uariatum sit illo seculo in dogmate praesentiae Christi in Eucharistia. Subiiciunt tamen non aliam de Sacramentis sententiam esse sequendam, quam Romanae ecclesie, quæ afferat panem transubstantiari in corpus, vinum in sanguinem. Cumq; quondam variæ fuerint opiniones quomodo sit in pane corpus Christi, deniq; et de conuersione aquæ in poculo sacro: sicuti videre licet in Decreta lib. adita à Gregorio 9. libro tertio de Celebratione missarum, Cum Marthæ, elegisse & explicauisse ecclesiam (sic illi loquuntur) in Cœilio Lateranen. sub Innocent. 3.

eum sensum, quem supra commemorauimus de transubstantiatione, velut orthodoxū, qui omnino post istā declarationē solennem factam, retinendus sit. Quis autem tam obesē naris sit, quia non subolfaciat istud docē di genus prophanas magis scholas respere, quam doctrinam apostolicam? Quis apostolus usus est vocabulo Transubstantiationis & accidentiū sine subiecto & similiū nūgarum? Quis deniq; non videat vetustatem illis caruissē tricū, & nos quoq; feliciores hodie futuros, si illis carere vellemus.

Loquuntur veterū explicantur.

Sicubi ergo veteres dicunt in usu sacro, panem non amplius esse panem, non intelliges id de transubstantiatione, quæ nondum, ut modo dictum est, erat definita, sed de eo, quod qui vera fide edit de mensa Domini, de re magis significata sollicitus est, quam de signo. Sicubi dicunt mirabiliter mutari panem in corpus Christi, vinum in sanguinem Christi, rursiss nihil loquuti sunt de transubstantiatione, sed terrestrem vel vulgarem panis usum iam mutatum in sacrum intellexerunt. Nam fidelis symbolū iam non usurpat veluti corporis cibum, sed tanquam mysticum, ut superius expositum est. Sed & admiratione dignum est, Dominum hisce signis, communicasse corporis & sanguinis appellationem, atque his nobis commendasse misteriū passionis suæ, fidei q; nostræ & salutis. Admiranda est in primis communio filij Dei cum misericordiis nobis peccatoribus.

Honorius.
3.1226.

Insequitus Innocentiu[m] Honorius eius nominis 3. constituit ut eucharistia in mundo loco & obsignato semper honorifice conseruetur, ad infirmos item deferatur, cumq;

tumque defertur aut ostenditur, populus se reuereter inclinet. Leguntur hæc Decret.lib.3.Tit.41. Ita vero factū est, ut palatia basilicæ sive templæ Eucharistie, quasi Deo vero, cōstrui cœperint. Quibus omnibus paucos post annos accessit Urbanus eius nominis 4. qui ne quid diuinus no cultui deesset, festum Eucharistie instituit, quod apellatur Corporis Christi. Id quod Clemens 5. Clementinarum lib.3. De reliquijs et veneratione sanctorum confirmavit. Quibus omnib. si adyciatur II. cap. vaticinij Danielis, apparebit, quām hæc omnia Deo vero probentur.

Suppeditata autem hac veluti uberrima disputacionum interminabilium materia, cœperunt se exercitare in omnibus penè scholis & cœnobys curiosâ & sublimia ingenia, ac ab his tradita & promulgata sunt de Eucharistia pleraque: quæ profectò satius est ignorare quām discere, contemnere quām meminisse. Interim traditi sunt carceribus & ignibus absumpti, quotquot nouum illud dogma papisticum de Eucharistia recipere & adorare noluerunt. Atque hic tempus deficeret si pergerem singulariter commemoratione quot & quām acres & luctuosæ concertationes et persecutiones ob hanc causam, magno suo cum mero re viri boni quingentis hisce annis coacti sint aspicere: cum tamen veteres ob hanc rem nihil contenderint, neminem persecuti sint aut concremauerint. Hæc autem in hoc commemoro, vt omnibus liquido appareat, nullas de hac causa veteribus fuisse contentiones, & quando cœperit obijci contentionum materia, cum qua pariter agminatim in Ecclesiam Dei mala irruperunt

grauiſſima. Si non poſſunt non innumeræ nos adope-
rire calamitates & caligines, quoties ſemel relictas syn-
ceritate ſimplicitateq; apostolica, per contentionum an-
fractus hominum placita, quæ recepimus, mordicus tu-
eri ſtatuumus. Vident autē viri sancti quām nihil pec-
cauerimus, tam nos quām ſanctæ memoriae prædeceſſo-
res noſtri, qui relictis inio repudiatis nouis illis curio-
ſis irreligiosisq; & dogmatibus & diſputationibus,
auitam illam veritatem, ſynceritatem & ſimplicita-
tem, Deo prælucente, amplexi atque ſequutiſumus. Vi-
dent præterea viri boni omnes, non poſſe in concordiam
ſtabilem redigi contentionibus diſſipatam & misere
afflictam Eccleſiam, niſi depositis conſtitutionibus no-
uis hominum, deniq; contentionibus diſputationibusq;
curiosis & morofis, amplectamur omnes veterem il-
lam & ſynceram, quam hactenus expoſuimus de cœ-
na Domini, doctrinam. Cur verò hodie nobis non ſatiſ-
faceret, quod veteribus ſatiſfecifſe videmus? Si quis con-
fessus fuſſet Chriſtum ſuæ fideli ad eſſe Eccleſia, ac car-
nem eius & ſanguinem eius verum cibum & potum
eſſe fideliūm, quæ quidem percipientur ſpiritualiter
per fidem, non adigebatur ad peregrinas illas voceſ cor-
poraliter, carnaliter, ſubſtantialiter, aut transuſtantia-
liter adyciendas? Cur itaq; nunc pro hiſ conſeruan-
diſ, tanquam pro aris ac focis decertatur?

Scio alicubi apud veteres non modò uiliter, ſed ne-
ceſſariò quædam inuenta eſſe vocabula & inculcata,
ſed longe alijs de cauſis & alijs quoque in rebus, mani-
festè in ſcriptura traditiſ & cum nullo fidei articulo
pugnan-

pugnantibus: qualia esse fateor vocabula non pauca in negotio adorandæ Trinitatis, & salutaris incarnationis filij Dei usurpata, &c.

Ecclesiæ Dei à nobis non esse turbatas,
neque hodie discindi.

Cæterum cum viri doctissimi & fideles Ecclesiæ do-
cetes D. Huldr. Zuinglius & D. Ioan. Oecolampadius ^{Certamen} sacra-
annis ab hinc XXXII. quando plerosque errores & ab tursum.
usus iamiam refutassent, & simplicem veteremq; ve-
ritatem religionis veræ, in ijs quibus præerant ecclesijs,
restituissent, ideoque iam etiam Eucharistiam ab er-
roribus aspersis ab hominibus, repurgare aggrederen-
tur, quos omnino præterire vel dissimulare non potue-
runt, ac ea de re libellos aliquot modestos & sobrios e-
didissent, obiecit se his protinus, & animo quidem in-
fessissimo, benè alioqui de Ecclesia meritus, D. Luthè-
rus, eosque quos iuuare debuerat, acerbissimis adortus
libellis, & impediuit quantum potuit, & ad probra at-
que conuictia usque oppugnauit. An verò causam bo-
nam deferere, & loquente Lutherò nostri tacere de-
buerunt? Cur itaque nostris illis & nobis hodie impu-
tatur culpa dissensionis atque infastæ huic conten-
tionis? Nam ut nostri veritatem ex verbo Dei cogni-
tam, in nullius hominis gratiam obticere potuerunt,
ita certè, nisi ministerium suum asseruissent, culpæ se
obligassent maxima. Certè non sine magno dolore in
hoc certamen protracti, non potuerunt non facere,
quod fecerunt. Neque tamen implicabiles se D. Luthe-
ro unquam exhibuerunt. Vocati enim ab illustrissimo

Colloquiū Martbur-
gense. *Hessorum* *Lantgrauio*, *principe multis heroicis virtu-*
tibus ornatissimo Martburgum, *non difficiles* *sese p̄ae-*
buerunt. *Et satis quidem feliciter cesserat istud collo-*
quium. *Nam in dogmatibus præcipuis concordes* *se esse*
declararunt, *sed &* *in causa Eucharistie*, *quamvis de*
modo præsentia conuenire non possent, *pacem tamē mī-*
tuam *se seruatos pollicebantur*. *Iam verò sparguntur*
epistolæ, *Acta & libelli de Martburgensi colloquio*,
frontibus satis pudore absterris, *commemorantes nostros*
illos multa retractasse, *& nescio quæ alia egisse & di-*
xisse. *Admoneo autem viros bonos*, *et ista ipsorum scri-*
pia cum iudicio legant, *neq; credant omnibus ex stomacho*
magis ipsorum, *quam ab ipsa veritate prolati*. *Vi-*
uenti adhuc D. Lutheri in Responsione illa nostra, *quā*
& ipsam ille nobis extorserat, *ea quæ vera esse scimus*
de hoc colloquio, *recitauimus*, *copiosa item expositione*
demonstrauiimus, *nos cum ipso & pacem seruasse &*
sedulo quaesuisse, *multa quoq; multo tempore patienter*
dissimulauisse, *atque adeò nullas dedisse occasiones re-*
parato certaminii. *Ea ipsa etiam hodie opponimus pa-*
rum firmis narrationibus & impotentibus aduersari-
orum criminibus. *Possemus quidem copiosiora*
de istis rebus commemorare, *& quidem verè possemus*
& epistolæ et acta vulgare, *nisi adhuc pacem*, *quam*
bellum mallemus.

De D. Lu *Quod aduersarij clamant neminem unquam acerbi-*
thero. *us aut contumeliosius insectatum fuisse optimè meri-*
tum Lutherum, *quam nos Tigurinos*, *proximo ante*
mortem eius anno, *cum merito parcere debuissimus*
eius

eius senio reuerendo et meritis maximis, deferimus hac de re iudicium sedentibus. Extat inuectiva (Breue ille confessionem inscripsit) in nos Lutheri, extat nostra Responsio, imo curauimus, ut ad nostram Responsonem imprimeretur Lutheri Confessio. Legant virung librii p[ro]p[ri]i lectores, deinde iudicent quis modestiæ limites trans silierit, & an potiorem rationem habere debuerimus sensis Lutheri, quam æternæ veritatis, ministerij nostri sancti, & tot animarum sanguine redemptarum & grauiter libello illo offensarum. Grande illis piaculum videtur vel in aliquo contradicere Luthero. An vero huius dignitas & existimatio beati Petri apostoli reuerentia & amplitudine potior est? Cum autem huic restiterit in faciem apostolus Paulus, & grauiter coram omnibus reprehenderit, quod non recte pede ad veritatem euangely ingrediceretur, nunquam posthac nobis tanta esse debet ullius hominis, quantumvis præcellentibus donis prædicti, authoritas, ut vel impeccabilem credamus, vel in yis quibus aberrare à veritatis diuinæ regula videtur, non contradicendum ipsi existimemus.

Per optimè & sanctissimè s. Augustinus dicere solebat, Ego solis eis scripturarum libris, qui canonici appellantur, hunc honorem deferre didici, ut nullum eorum authorem scribendo aliquid errasse firmiter credamus: alios autem ita lego, ut quantalibet sanctitate doctrinæq[ue] præpollicant, non ideo verum putem, quia ipsi ita senserunt, sed quia mihi vel per illos authores canonicos, vel probabiles rationes, quod à vero non abhorreat persuadere potuerunt. Discant ergo aduersarij nostri et

Sententia aurea.

ipſi debitum honorem impendere scripturis diuinis, ſobriè autem de omnium hominum etiam Lutheri di-
ctis factis q̄ sentire.

Porrò ab ædita reſponſione illa noſtra, quam Lutheruſ nobis extorſerat, et ab ipſa Lutheri morte, nihil prodiit à nobis unquam, quo vel mortuum, memores iniuriarum veterum, infectati fuerimus, vel ullam occaſionem ſpectabilem nouis pugnis subminifrauerimus. Semper enim hoc contentionis malū ſopitū optauimus. Nec ſolemus priuatim aut publicè in Lutheruſ aut Lutheranoſ declamare, ſicut audimus miniftriſ quodſtam tam in templiſ quam in alijs cœtibus, in promptu habe-
re Schuermeros & Zuinglianos, quos veluti scopum hebeāt, ad quem totā illam ſuam pharetram euacuent, cum interim & tempus & locus ipſaq̄, neceſſitas ecclieſiarum, longe alia quotidie argumenta ſuppedinent, de quibus iſti, ſi rite ſuo fungi vellent officio, dicere poſſent: ut iam non commemorem grauiter illos coram deo & sanctiſima dei ecclieſia peccare, qui innoxiōſ fra-
tres vexāt, ac diſidia nulla ratione iuſta fouet. Poſſunt ſanè non tam ciues & domeſtici noſtri, quam exteri etiū, qui aliquando ad nos aliunde commeant, teſtari quam doleat nobis hanc contentionem inter viros præclaros iam in Domino mortuos exortam eſſe, & quam honorificè per cætera loqui ſoleamus de D. Lutheruſ & ecclieſys Saxoniciſ, quas ſincere amamus in Domino. Ac ſperamus in Domino, sanctas Germanie ecclieſias, quantumuis ipſarum aliquot miniftri tumultiuentur & ſeuos in nos libros conſribant, nihilominus bene ſentire

sentire de nostro ministerio, et complecti sincera charitate ecclesias Domini, & sanctas & numeroſissimas, quarum ministri sumus, praesertim cum non nesciat quā grande malum schisma sit, cum deniqꝫ videant quā inuiti per trahamur in hoc certamen, & nostra culpa, non fieri, quod boni omnes fieri dolent, pacem turbari. Panem enim & concordiam in Domino exoptamus.

Sed recitant aduersarij singularia quædā in nostris usurpari ecclesijs, quæ non p̄fūlunt non parare & alere incendia (sic enim loquuntur) & discordias. Atqui dum ea ordine ennumerant, apparet omnibus non captis affectu prauo, in nobis nullam hærere diſidij culpā iſtosqꝫ diſidij causas, nō datas à nobis, accipere, sed à ſe- ipſis inuētas, præter meritū nostrum, nobis obtrudere.

Quale enim illud objecro est, quod Iconomachia nobis ^{Iconomachia.} obicitur? An verò probant illi imaginum uſum in tē- plis Christianorum? Quem ut cum scripturis diuinis ex diametro pugnare nō nesciunt, ita meminisse debue- rante, sero admodum uſum illarum in templo Christianorum esse admissum. An ignorant quanto cum ecclē- ſiarum incompmodo de hac re disceptatum sit in orbe Chri- ſtianorū, & quod innumera mala ſimul cum imagini- bus exundarint in ecclēſia Christiana? Testari de his poſſunt omnes historiæ.

Irascuntur nobis aduersarij quod diuidentes primū præceptum Decalogi, singulare, ut aiunt, præceptum facimus ex eo, quo prohibentur imagines. Ac mirum eſt hanc ob rem illos irasci nobis. Quid. n. hac in re pec- cauimus? Nihil hic facimus q̄ nō docuerit nos in Dent.

Exodo suo beatus Dei seruus Moses, et quod non ante nos fecerint præstantissimi et p[ro]fessissimi quique scripturarum interpretes. An verò ignorant aduersarij nobiscum facere Originem, Athanasium, Chrysostomum, Ambrosium et Hieronymum, qui omnes concorditer Decem verba Domini, ita distinguunt, ut dicant prioris tabulae esse præcepta quatuor, posterioris sex, ac singulariter præceptum contra idola secundum numerant. De hac causa possemus hic dare copiosiora, nisi consultius videretur nostra tueri, quam aliena impetrere.

Temporū Addunt nos abrogasse utilissimam temporum distinctionem et distinctionem et usitatas festorum lectiones epistolarū lectionum euangeliorum, idq[ue] fecisse bona diaboli intentione postillaris (sic loquuntur illi) ut nihil boni reliquū fiat de euangelio. Putida est hac obiectio, ut eius plane pigeat. Quasi si verò euangelium Christi prædicari non possit, nisi ex hac præscriptione adeoq[ue] ex libris postillaribus. Pessimè ergo Dei ecclesiae consultum fuit, priusquam scripturæ in tempora essent distinctæ, et priusquam Postillæ essent inuentæ. An apostilli isti tot sacerdorum sancti habetens in cunctum exhibuerunt satanæ spectaculum? An satanas postillis demum vindicet et euangelium toti orbi est annunciatum? Quis verò ignorat scripturarum sectiones ac Postillas illas nuperum esse inuentos omnibusq[ue] iam propemodum ad lapsum et corruptelam in ecclesia extremam spectantibus, esse receptas? Sed et illas ipsas in partitionib[us] suis non raro inueniri sed ineptas? Mirum est illa non obseruata esse in historijs,

Storys, quas videlicet ob causas, quādo et à quib⁹ scriptis
 rarū lectio in tēpora diſtributa, et in tot partes sit diſſe-
 eta. Si enim non nesciunt ista, cur tanta conſenſionis et
 diſſenſionis momenta conſtituunt in re tantilla, qua vi-
 dēt sanctos tot ſecula cura diſpendiū pietatis veræq; re-
 ligionis carere potuiffe? Et nūc quidē per nos ſanē licet q
 buſuis frui poſtillaribus libris ſanioribus (quis enim ma-
 gni fecerit proletarias quaſdam monachorum poſtillas,
 quo quis poſtillo retruſiores) noſtræ ætate, pro temporis
 ratione à doctis quibusdām editis, quibus & multi ec-
 clesiarum noſtrarum miniftri legendis dāt operam: ſed
 hiſ aſtringi miñifterium & miñiftros, quaſ euange-
 lium pereat, niſi ad temporis diſtinctionē poſtillarumq;
 ſeriem predicitur, niſi affectatū non dicam ineptum
 eſſe videtur. Ineptius ſi quis inde aſtimet concordiam
 & diſcordiam eccliarum. Non carent autem prorsus
 ſi nesciunt aduersary, eccliae noſtræ utili temporis di-
 ſtinctione moderatiq; & legitimiſ feriys, nec deſtituū-
 tur ſancta & neceſſaria ſcripturarum tractatione. Ete-
 nim exponunt ſcripturas canonicas, collatis inter ſe lin-
 guis, prophetæ vel interpretes, quotidie in ſcholis ecclie-
 ſiaſticis. Adaptatur etiam religioſe, abſq; ſuperſtitione,
 Christi ferijs, hiſtoriae euangelicæ & doctri næ aposto-
 licæ, ut vulgus liquido, & ſuo quoq; tempore audiat et
 intelligat compendium noſtræ redemptionis, ſalutis ac
 fidei, adeoq; ſonat quotidie in templis ad cœtum Christi
 ſanctum ad precandum riteq; Deum colendum ſancte
 collectum, euangely doctri næq; apostolicae & prophe-
 ticæ prædicatio: quæ quidem integra, non fruſtillatim

I. Cor. 14

discerpta, nec per miscellaneam quandam, sed ordine continuo & perspicuo proponitur. Ac eum docendi in ecclesiis modum, an: i quis ecclesiæ doctoribus (felioribus adhuc ecclesiæ rebus) receptum fuisse, testantur nō modo concordes historiarum narrationes, sed ex ipsæ sanctorum homeliae & sermones & tractatus, in integrorum prophetarum & apostolorum libros editi & posteris relicti, ut ea quæ hac in re nobis obiecta sunt ab aduersarijs, tantis certè viris indigna esse videantur.

Ad Cœ- Objicitur præterea nobis Cœnæ mystice prophana-
vam admis̄io, utpote ad quam promiscue admittantur non proba-
si non pro- ti. Testabitur autem ecclesia, cui ministramus, testabun-
bati. tur & libri à nobis editi, in præparandis ad Cœnā do-
mini hominibus, non segnem nos adhibere diligentiam.
Quāquam interim fateamur propter agnatā nobis om-
nibus corruptionem & infirmitates viciaq; quotidiana,
nunquā nos abunde paratos ad tanta accedere my-
steria. Quo nomine & in ipsis aduersarijs & omnibus
hominibus existimo desiderari non pauca.

**De priua-
ta confessi-
one.** Si verò per probationem intelligunt priuatam con-
fessionem & absolutionem, fatemur ingenuè nos semel
et ex integro valedixisse papatui, ac recepisse & usur-
pare nunc vetustissimam illam & publicam in ecclē-
sia peccatorum, quæ soli deo fit, confessionem & euang-
elicam illam absolutionem, euangelij preconio nobis
annunciatam atq; hisce scripture locis suffultam. Da-
uid dixit, Delictum meum cognitum tibi feci, & in-
iusticiam meam non abscondi. Dixi, Confitebor aduer-
sum

sum me iniustitiam meam Domino, & tu remisisti
impietatem peccati mei. Ioannes vero clamat, Sanguis
Iesu Christi filij Dei emundat nos ab omni peccato. Si
dixerimus peccatum non habemus, nos ipsos fallimus,
& veritas in nobis non est. Si confiteamur peccata no-
stra, fidelis est & iustus, ut remittat nobis peccata no-
stra, & emundet nos ab omni iniquitate. Si dixerimus
non peccauimus, mendacem facimus eum, & sermo
eius non est in nobis. Item, Confitemini inuicem, aliis
ali lapsus vel delicta, & orate pro vobis inuicem. Et
iterum, Deus reconciliauit nos sibi ipsi, per Iesum Chri-
stum, deditque nobis mysterium reconciliationis. Nam
Deus erat in Christo, mundum reconcilians sibi, non
imputas eis peccata ipsorum, et posuit in nobis sermonem
reconciliationis. Itaque nomine Christi legatione fungi-
mur tanquam deo exhortante per nos, Rogamus pro Christo
reconciliemini deo. Et reliqua. Non legimus alicubi pri-
uatas hominum confessiones conceperas aut exceptas esse
ab apostolis, neque ullus scripturæ locus præcipit peccata
priuatim confiteri aut egerere in aurum sacerdotis vel
ministri ecclesiastici. At isti nolunt fortassis peccata
digeri per circumstantias, & sigillatim cum molestia
& conscientia curiose recenseri.

Proinde si sigillatim enumerare non oportet omnes
peccatorum circumstantias & species, sufficit certè ea
confessio quæ à singulis & omnibus nobis, in templo,
ministro præeunte, Deo fit palam. Interea vero con-
silium in casibus certis vel difficilioribus petere, vel à
ministro, vel aliquo diuina legis peritusimo, nemo

prohibet. Probare autem non possumus, si ex hac libertate fiat necessitas, & legibus certis mandetur præscripta confessio peccatorum, quam ministro facere oporteat.

D e priuata absolutione Absolutio autem à peccatis quid obsecro aliud est, quām hominis peccatoris iustificatio? Iustificantur enim quibus remittuntur peccata, & qui iam ab ipso deo absoluuntur à culpa & à poena. Hæc autem iustificatio & absolutio obuenit nobis ex ſecunda dei gratia, in ſanguine Iesu Christi, per ſolam fidem: sicuti vniuersa per totum terrarum credit & docet Christi ecclesia. Proinde iustificat ſolus Deus, idem ergo ſolus peccatores damnatosq; propter peccata, absoluunt à damnatione. Absolutionem hanc, ſicuti paulo ante verbis apostoli recitauimus, annunciat minister Christi, à Christo, teſtificans credenti certissimè remiſſa eſſe peccata, ipſumq; propter Christum absolute eſſe dei iudicio. Ac quis credat nuncium hoc & hanc prædicationem efficiatorem ex eo fieri, quod iam non publice omnibus, ſed priuatim uni alicui annunciat, ac veluti in caput eius pronūciatur? Verum intelligit, ait, conſitens ille generalem alioqui promiſionem, iam per priuatam abſolutiōnem, singulariter ad ſe pertinere. Quasi vero hoc ipsum non poſſit ex publica etiam prædicatione intelligere, ut que generales promiſiones diligentissimè ſingulis applicat. Qui omnibus loquenti ministro, & paſtam in conſpectu Christi & ecclesiæ abſolutionem denuncianti, & nomine quidem Christi & verbi Chriſti denuncianti non credit, idem priuatim promittenti

agre

agre credet. Ac male aetum fuissest alioqui cum omnibus illis, qui multa secula antecesserunt priuatam confessionem et absolutionem. Videbatur autem S. Petrus satis singulariter efficaciterque absoluisse suae gentis homines, cum dixisset in Actis, Vobis primus deus cum suscitasset filium suum Iesum, misit benedicente vobis, ita ut unusquisque vestrum conuerteret se ab iniquitatibus suis. Idem interrogantibus corde compunctis, Quid faciemus, viri fratres? Respondit, Resipiscite et baptisetur unusquisque vestrum in nomine Iesu, in remissionem peccatorum, et accipietis donum sancti spiritus. Evidem ob-signantur in singulis nobis dei permissiones per sacramenta, ut fidelis participans baptismu aut cœna domini veluti arham teneat, purgatum et absolutum se esse a peccatis, deinde Christi corpus pro ipso traditum esse in mortem, uitamque Christi pertinere ad omnes, singulariter autem ad illum ipsum fidelem, qui iam euangelio praedicato credidit et sacramenta percepit. Habet itaque fidelis satis clara, certa et indubitate sua absolutionis quæ hactenus commemorauimus testimonia, tametsi per priuatam confessionem non penetraret ad priuatam usque absolutionem. Negant interim ignorare possunt, qui priuatam confessionem et satisfactionem urgent, quid olim author Decretorum Gratianus, de hac re ex veterum sententys scriptum reliquerit, sub finem Distinet. i. De pœnitentia: ut etiiores paulo nobis futuros putem, moderationis ingenij homines, cernentes nos carere rebus, quibus citra infamiam et salutis dispendium multis seculis caruerunt sanctissimæ quondam Christi ecclesie.

Probatio
accedentium
ad Cœnam
domini.

Porrò in probandis & instruendis ad Cœnam Domini fidelibus, canonem sequimur apostolicum, qui habet, Probet autem homo seipsum, & sic de pane edat et de poculo bibat. Subministrata itaq; probandi regula, singulos ut semetipos probent, adhortamur, & priusquam celebretur Cœna sacra agimus cum ipsis qua possumus fide & diligentia. Neq; aliter cum discipulis egisse ipsum dominum videmus, in prima illa institutio ne, quam proculdubio omnium absolutissimam & sanctissimam fuisse nemo pius dubitat.

Rursus verò ad diaboli consilium referunt, quod panem dominicum ad ægrotos non deferimus. Mirum est aut istos tanti res suas facere quibus semel assueuerunt & quas consuetudine & hominū traditionibus ceu non uas apostolisq; incognitas acceperunt, ut omnes ijs nō pari modo utentes, mancipent diabolo. Aegroti apud nos non destituuntur consolatione. Eucharistiā aut deferre è cœtu publico in priuatas ædes, ac ex epulo sacro facere monophagiam vel cœnam priuatā, adeoq; clinicas neq; domini præcepto neq; apostolorum domini exemplo didicimus. Interim non periclitantur de salute, neq; alimonia vitæ priuantur, qui cum vniuersa ecclesia, si in temporibus, cōmunicarunt, et iam quoq; & in finem usque, in communione Christi & sanctorum perseuerant.

Infantes
non baptisi-
sati.

His adjiciunt, Sinunt infantes non baptisatos mori, quia spem faciunt sine baptismō salutem obuenire possē infantibus. Atqui nos non docere baptismum Christi inutilem esse, aut nihil ad salutem facere, testes sunt libri

bri nostri. Neq; ita leuiter de sancto baptismo apud populu differimus, ut seignius aut tardius deserat ad sanctum baptismum infantulos. Ceterum si præpropera hi morte excedant, necessitateq; ineuitabili sancto subducentur baptismo, fideles parentes consolamur sanè, atq; de salute infantium benè sperare iubemus. Quid vero hic peccamus? Illi ne fidelibus prognatos parentibus & præpropera morte sublatos in tartara præcipiabunt? Illi ne iubebunt præpropero, ut vocant, baptismo obsterices baptisare? Quis vero in Ecclesia Dei unquam adhibuit ministerio sacro mulierculas? Sed cōmodum, dum hæc scribo in manus venit colendiss. & chariss. fratri D. Ioā. Caluini secunda defensio, ab illo ipso, pro sua in me charitate, ad me missa, in qua video hæc causam copiose & piè esse discussam, sicuti & in eadem ad alia multa nobis obiecta, præcipue verò de indignè ipse carne Christi manducantibus, de qua alioqui & ipse scripsisset, diligenter & doctè respondetur. Proinde cum & venerandum senem dominumq; & fratrem meū chariss. D. Bernardinū Ochinum Senensem, & ipsum in afferenda veritate abstergendisque calumnis laborare non nesciam, huic meæ Apologeticæ expositioni finem imponam: si hunc locum prius conclusero ac repetiuero, nihil hactenus prolatum esse ab adversarys, quo euidenter ostenderint nostra culpa ecclesiæ esse turbatas, vel turbari etiam hodie, neque singularia quædam usurpari in nostris ecclesijs, que merito discordias inducant & schisma perniciosum foueant. Vnam magis appositi ad concordiam

aduersarij nostri, apud se perpenderet diligentius, quantum inter se dissenserint, summa interim cum consensione, in ritibus sacris, veteres ecclesiae.

C O N C L V S I O.

Ad aduersarios. Principio ad vos conuertor, amici, qui in nos conscribitis libros, & plausta, quod dici solet, conuictorum (quam intemperiem vobis sanè inuideo) in nos exoneratis. Expositionem meam audistis & vidistis, libellis vestris oppositam, & hanc quidem nec acerbam, opinor, nec maledicam, sed placidam. Nolui enim vos veluti hostes excipere & tractare, sed duntaxat nos & nostram innocentiam iusta defensione contra accusacionem vestram afferere, vestramq; propulsare iniuriam. Intellexistis quid sentiamus de Cœna Domini sancta, & cur ita sentiamus, quodq; sententia illa nostra nusquam exorbitemus à fide vera, neque noua in hac causa proferamus dogmata, neq; à vetustis in vera religione consensu dissentiamus. Dissentimus à Papistis, qui extremo demum & corruptissimo saeculo, corrumperunt huius sacramenti simplicitatem. Fatemur autem hoc sacramentum ab ipso Christo esse institutum valereq; vel hodie eius institutionem in ecclesia, ut ipse adhuc ei benedicat, et Cœnæ suæ præsit specteturq; à fidelibus cōiuīs unice. Fatemur præterea fideles in Cœna non habere signa prophana et vacua. Adesse enim Christum suæ ecclesiae, qui & ipsam pascat pabulo vita atq; hæc pascatur vero eius corpore & sanguine per veram fidem, eo modo, quo ipse dixit carnem suam verum

rum esse cibum, & sanguinem eius verum esse potū ad vitā sempiternā. Dicimus fideles cōmunionem habere cū Christo, ut corpus ipsius facti, ipse in eis vivat: et ipsi in eo. Quae de corporali vel carnali Christi presentia et manducatione afferuntur, non agnoscimus, sed inter noua et aliena à simplicitate apostolica dogmata referimus. Vos autem hortamur in domino ut depositis cōtentioñibus inutilibus, hanc veritatem simplicē nobiscum agnoscentes, omnia studia vestra, summa diligentia, fide et modestia conuertatis ad ædificandā ecclesiam. Memorabilis est beati Iacobi doctrina, qua nos omnes instruit & dicit, Quis sapiens & scientia præditus inter vos ostendat ex bona conuersatione opera sua, cū mansuetudine sapientiae. Quod si emulationem amaram habetis, & contentionem in corde vestro, nolite gloriari & mendaces esse aduersus veritatē. Non est enim ista sapientia è supernis descendens, sed terrena, animalis, dæmoniaca. Vbi enim emulatio & contentio, ibi inconstantia & omne opus prauum. Que autem è supernis est sapiētia, primum quidem casta est, deinde pacifica, aqua, tractabilis, plena misericordia, & fructibus bonis, nihil dijudicans, nihil simulans. Fructus autem iustitiae in pace seminatur facientibus pacem. Dominus pacis concedat nobis pacem.

Deinde cum aduersarij nostri, principes illustriſſ. et magistratus sanctos omnes, in nos excitarint, adhortantes ut officij sui memores, nō permittant distrahi libros nostros, utpote pestiferis refertos erroribus. Etenim si hos ferant & diuendi permittant, non minus ipsos pec-

care quāsi sināt publica pascua, aut fontes & flumina
 infici veneno vel sordibus, aut merces adulteratas palā
 distrahabēdas exponi foro publico. Proinde digniores nos
 esse qui sceptro magistratus, quām stilo refutemur, obse-
 cramus illustriss. principes dominos nostros clementiss. et
 sanctos semper q̄ nobis honorandos magistratus, ut pau-
 cula hæc pro nobis dicentes, audiant. Agnoscimus sanè
 cuiusvis sancti magistratus officiū esse, prohibere à sub-
 ditis noxia, & propagare in eosdem salutaria: quinimò
 & è medio tollere, vel carceribus cohercere, vel pro æ-
 quitate punire & refrenare homines pestiferos, incur-
 biles ac blasphemos, ne longius serpat contagium mortis
 ac inficiantur innocentiores ac simplices & pereant.
 Docemus & nos blasphemos, impios, adde & magicos
 libros tollendos esse è medio, ne veritas, religio sana, &
 gloria Dei perpetua afficiatur ignominia, mentesq; pio-
 rum corrumpantur. Ac negamus vel nos vel libros no-
 stros in illorum classem esse referendos. Nullis hæresi-
 bus, nullis absurdis & curiosis quæstionibus, nullis de-
 niq; blasphemys aut impietibus conquinati & fœda-
 ti sumus, vel nos, vel libri nostri. Atque hic non postu-
 lamus, ut verbis hisce nostris credatur, siat ex ipsa re pe-
 riculum, siat ex verbo domini iudicium. Audiantur
 & legantur libri nostri nostrorumq; & si quid in his
 deprehenditur impij, culpam non deprecamur, pareat.
 Nunc vero coniunguntur nomina nostra, ab aduersa-
 ris cū odiosiss. mis nominib. Anabaptistarū, Davidia-
 norū et Mēnonitarū, appellamur impij, blasphemi, sacra-
 mentarij, nimirum sacramentorum prophanatores &
 ener-

euersores, cum rectius sacramentarij illi dici debeat, qui
nimium addicti sunt sacramentis, & nimium ipsis tri-
buunt. sicuti & Latinis uxori dicuntur nimis affe-
cti ergo uxores. Ab impijs verò et Anabaptisticis quis
quæso non abhorreat? Nos certe ipsi à commemoratione
illa saltē nedum ab ipsiis met rebus toto abhorremus
pectore. Dum autem ad eum quem diximus modum,
deferimur apud omnes fœdaq; hac proluimur infamia, Libros pro-
deniq; & inuestiuæ illorum in nos in omnium ober-
hibere.
rent manibus, arcentur interim omnes à lectione libro-
rum nostrorum, adeo ut viro cordato liberè ne affice-
re quidem nostras responsiones liceat, nimirum ne ex
his appareat, quam iniquè nobiscum agatur. Etenim
execramur & oppugnamus istas & omnes alias isti
us generis, quas illi nobis obtrudunt, sectas, declaramusq;
nos omnium de religione impie sentientiū & irreligiose
de sacramentis loquentium, non consortes quidem aut
fautores, sed aduersarios potius ac hostes esse. In hac sa-
nè seria admodum re, occurrit mihi illud alioqui ludi-
cum, quod alibi apud Plutarchum commemoratur
de quodam, qui cum infeliciter pinxit gallos gallina-
ceos, seruulo tabulae adiuncto, mandauit, ut veros gal-
los quam longissimè abigeret à tabula, ne absurdus fi-
eturæ ipsius error evidenter appareret spectatoribus.
In nostris quidem rebus publicis liberum est pla-
nè vendere libros aduersariorum nostrorum con-
tra nos scriptos, imò hortamur ipsi omnes, ut le-
gant quæ scribuntur in nos, & conferant deinde
cum istis responsiones nostras, atq; ita dydicent, do-

Etrinas sequunturq; partem meliorem et veriorem. Nihil itaque iniqui postulamus à vobis, ô sancti magistri ministri Dei altissimi, cum nostros nostrorumque libros & admitti & legi dyadicarique obsecramus. Tales non sunt libri nostri & nostrorum, quales prohibet lex vetus Imperatorum. Sordes non sunt, ut illi nostri aduersari calumniantur: venenum non sunt: adulteratæ & corruptæ merces non sunt, quas venum foro publico exponi supplicamus. Iustitiae consecrati estis, quotquot Deo ordinate, praesidetis populis: requirit autem iustitia, ut & altera pars, priusquam iudicetur, audiatur. Ac comperimus iustissimum Deum grauiter puniuisse reges & proceres, quoties inauditos & innoxios oppresserunt. Benedictionem vero suam offert & confert omnibus iustitiam iuste exequentibus.

Ad ministros ecclesiarum. Postremò classicum cecinerunt aduersarij nostri, & vobis venerandis fratribus fidelibusq; ecclesiarum pastoribus atque ministris, ut arma omnes corripiantur, luposq; ingruentes depellatis à caulis ouium. An vero nos habendis sumus pro lupis: qui Christo domino pastori unico toti adhaeremus, illius solius vocem audire omnes iubemus, & omnes illius oves illi soli adducimus, nihil ex illo furto subducimus aut etiam nobis maestamus: qui deniq; ouile totum uniuersam utiq; Christi ecclesiam pacatam & in columnen volvamus, sed & omnes lupos fures & latrones, latratus nostro prodere & à caulis abigere contendimus, omnes haereses & haeticos execramur & persequimur,

mur, omnia verò symbola et sancta sanctæ ecclesiæ Dei, verbo Dei firmata & recepta dogmata, recipimus, tene-
mus & docemus, vos ipsi iam iudicare: & cum per o-
mnia in veris & iustis dogmatibus vobiscum & cum
omnibus Dei filijs consentiamus, sed & Christi parti-
cipationem in Cœna, eo modo, quem iam copiose exposui-
mus, agnoscamus, & per cætera religiose de Sacramen-
to sentiamus & loquamur, dispicite obsecro an opere-
preium, pium & necessarium sit, vestra vos in nos fra-
tres & amicos vestros ministrosq; Christi orthodoxos
arma ceu in impios, sacramentarios, & blasphemos, &
hanc quidem unicam ob causam, quod preciosum cor-
pus & sanguinem Domini corporaliter in Cœna etiam
ab impijs ore corporis manducandum proflituere nolu-
mus, conuertere. Habemus fratres, habemus quod aga-
mus, et si non in nostra metiporum viscera, nulla nece-
ssitate, neq; religionis, sed contentionis ergo, stringamus
venabula. Sunt lupi innumeri, cum visibiles tum inui-
sibilis, stabulis infesti dominicis, à quibus certissima o-
mnibus Christi ouibus, imminent pericula vitæ: à nobis
scitis, nisi omnia nescire malitis, nihil esse metuendum.
Quinimò in depellandis lupis, pro gratia nobis concessa
à Domino, laboramus sedulò. Nolite impedire laboran-
tes in Domino, quin coniungite potius vestram nobis o-
peram, sicuti & nos vestri collaboratores in Domino
esse optamus. Discernite inter hostes & ciues atq; ami-
cos. Rectè aiunt preliandum esse cum hostibus, ciues au-
tem fouendos esse prudēter, neq; ex amicis faciendos ini-
micos. Si quis verò vestrum à nobis paululum adhuc

dissentitis, pacem tamen nobiscum colite & schisma no-
xiū refugite. Oremus Dominum, ut det nobis unum
& idem sentire omnibus. Clamat apostolus, Inuicē aly
aliorum onera portate, et sic complebitis legem Christi.
Faceſſant ergo odia, contentiones & iurgia. Fili⁹ Dei ſu-
mus, ô fratres. Beati pacifici, inquit Dominus, quoniam
filij Dei vocabuntur. Idem multis ostendit, quāti faciat
pacem fidelium atq; concordiam. Certè omnes nos in u-
num corpus coniunxit, cuius ipſe caput eſt, princeps pa-
cis & ſalutis. Ipſam ille Cœnam nobis reliquit, æternæ
ſocietatis unionisq; ſacratissimum ſymbolum. Nec cōmice-
tamus, oro, ut ex ſymbolo pacis, noſtra culpa & conten-
dendi libidine, ſymbolum belli & litium fiat. Clamat ip-
ſe ad nos, Dominus, & ait, Discite à me, quod mitis ſum
& humilis corde, & inuenietis requiem animabus ve-
ſtris. In hoc cognofcent omnes quod diſcipuli mei ſitis, ſi
charitatē habueritis inter vos mutuā. Clamat ergo bea-
tus Ioan. apoftolus, et ait: Qui non diligit fratrem, manet
in morte. Diligite ergo mutuum. Deus charitas eſt, et qui
manet in charitate, in Deo manet, et Deus in eo. Manea-
mus ergo in charitate, ut maneamus in Deo, ſimusq; di-
ſcipuli Christi. Contentionibus & iurgijs amittitur ve-
ritas & gratia Dei, ac prouocatur ira Domini. Loquin-
tur omnes Ecclesiasticæ historiæ, quanta mala inuexe-
rint in ecclesiam Dei epifcoporum φιλαυτiæ nœi φι-
λoſeiñiæ. Timeamus ergo Dominum, ne is qui nunquam
diſſidia in ecclesia, nulla neceſſitate fuſcepta et conſerua-
ta, impunita præteryt ac diſſimulauit, idē hodie quoq;
in nobis contentiones illas noſtras iusto ſuo perſequatur
iudicio.

judicio. Commemorabo hic memorabilem S. Euseby locum ex 8.lib. Ecclesiasticæ historiæ, atque ita simul figuram dicendi faciam. Quis, inquit, numerosas illas aggregationes ac multitudines Cœtuum, per singulas ciuii exhibitum ratus, insignesq; concursus ad Oratoria describet, quorū in quo se gratia prijs ædificijs non contenti, in singulis ciuitatis contemplē bus spacioſas & amplas, ex ipsis fundamentis, construuntur omnes exercunt ecclesiæ? Hæc autem progressu temporum proficiencia, & quotidie in magnitudinem & amplitudinem crescentia, nulla potuit iniuria prohibere, neque primis euangelicæ religionis homines, in malus aliquis dæmon fascinare, nec homo quisquam rō pastores. insidys impedire, quandiu diuina & cœlestis dextera populum suum adhuc dignum existentem, iniuriebat & custodiebat. Postquam verò res nostra, per nimiam illam libertatem, ad mollitatem & segnitiem degenerarunt, et alijs alios sunt odio et contumelij prosequunti, et tantum non nosipso per nosipso armis ac telis verborum, ubiunque contigit, impugnauimus, et episcopi in episcopos irruerunt, ac populi contra populos seditiones mouerunt. deinde infanda hypocrisis et simulatio ad sumum usq; malitiæ progressa fuit, diuinum iudicium, pro more suo, dum adhuc cœtus ecclesiastici congregarentur sensim ac pedetentim nos iniurere cœpit, ita ut persequutio à fratribus, qui in militia erant, exordia sumeret. Cum autem nullo illius sensu tangeremur, neq; Deum placatum nobis ac propitium reddere conaremus: sed quasi impij delicta nostra Deū nec curare nec visita re putaremus, neqtias nostras alias alijs cumulauimus. Et qui pastores nostri videbātur, repulsa pietatis norma

mutuis inter se contentioneibus fuerunt inflammati: & dum hæc sola, contentiones videlicet, minas, emulatio-
nem, mutuum odium & inimicitiam exagerant, &
ambitionem suam quisque, in morem tyrannidis, stu-
diose persequitur, tunc sanè Dominus, tunc inquam, se-
cundum vocem Hieremias, filiam Zion obscuram red-
dedit, & gloriam Israelis cœlitus deiecit, nec recorda-
tus est scabelli pedum suorum, in die iræ sua. Et submer-
git Dominus omnia speciosa Israelis, & destruxit om-
nes macerias eius. Et secundum Psalmorum vaticinia,
subuertit ac terminauit testamentum serui sui, & af-
fixit in terram, per destructionem ecclesiarum, san-
ctuarium suum, & destruxit omnes macerias eius. Po-
suit munitiones eius formidinem, diripueruntq; populi
multitudinem, omnes qui isthac transferunt. Et præte-
rea opprobrium factus est vicinis suis. Exaltauit enim
dexteram inimicorum eius, & auertit adiutorium gla-
di eius, & non est auxiliatus in bello: sed & destitutus
ab emundatione eius, & sedem eius in terram collisit,
imminuitq; dies temporis eius, & super hæc omnia effu-
dit super illum confusionem. Sunt hæc omnia in nobis
adimpta, quando Oratoria, à culmine ad pavimentum
usque, una cum ipsis fundamentis deici, diuinasp; &
sacras scripturas in medio foro ardere ipsis oculis vidi-
mus. Et ecclesiarum pastores, alijs turpiter huc & illuc
se se abdiderunt. Alij ignominiose capti sunt, & ab ini-
micis irrisi: quando etiā iuxta alium propheticum ser-
monem, effusus est contemptus super principes eorum,
et errare eos fecit in inuio nō in via. Et reliqua quæ ibi-
dem

dem leguntur. *Quibus* sœuissima subiungitur perse-
quutio Diocletianica. Speculum in quo res noſtras
et fatâ noſtra hodie contemplemur, omnibus nobis pro-
posui. Nihil ſanè fuerit opus Domino Deo noſtro nobis
ex lapidibus excitare perſequutores. Viuunt ac parati
hodie ſunt multi Diocletiani, Maximiani, Maxenty et
Maximini. Habet ille quos nunc in nos, ut in ſuos ali-
quando, immitat ab Aquilone Senacheribos, Salmana-
ſares et Nabuchodonofores, quorum opera eluat Do-
minus fôrdes filiæ Zion, et ſanguines Hierufalem ex-
purget de medio eius, in ſpiritu iudicij et incendij vel
feruoris. Vigilemus ergo et oremus. Conuertamur ad
Dominum in pœnitentia vera, et feruiamus ei in vera
fide et dilectione. Si sanabiles ſumus, intueamur haec
veteris Ecclesiæ exempla diligenter, adaptemus haec mo-
ribus noſtris, ac emendemus in melius, quod vel igno-
ranter vel scienter peccauimus. Semper patent pijs diu-
nae gratiae foræ. Semper idem Deus ſui ſimilis, incurabi-
les iusto ſuo iudicio perſequitur. Dominus Iesu pro-
pitatio et ſpes noſtra unica, adaperiat nobis oculos no-
ſtros, ut ea qua iusta et sancta ſunt videamus, volun-
tate ſque noſtras comoueat, ut ea etiam velimus
et perficiamus ad gloriam nomis
eius, et omnium noſtrum
ſalutem.

Mense Februario, Anno

M. D. LVI.

E M E N D A N D A.

Pag. 8. uersu 5. pro & ce. lege ecce. pag. 16. 8. pro farca
menta lege sacramenta. pag. 46. 8. pro primi lege
premi. pag. 96. 5. pontificiam.







